


T.054



— کلیات علوم و فنون حربیہ دن —

طاقم : ۱ — قسم : ۱ — صرہ : ۴

تَجْبِیر

— اثر —

• یوران حضرت شہر یاریدن طوبخانہ عامرہ مشیری وعموم مکاتب عسکریت شہانہ ناظری —

مصطفی زکی


— ایکنجی طبعی —

استانبول

۱۳۱۷ ربیع الاول ۱۳۱۵ تموز

پانفالیتیدہ کاش مکتب فنون حربیہ شہانہ طبعہ سندہ طبع اولفندر

۲۰۵۵۶



مکتب فنون حریہ مطبعہ سی — پاننانی

بِسْمِ اللَّهِ الرَّحْمَنِ الرَّحِيمِ

{ تَحْدِثْ نِعْمَتِ پَادشاهی }

حمد و ثنای یزدان و صلاة و سلام رسول ذیشان و ترضیه آل و اصحاب هدایت بیان ایفا اولند قدن و پادشاه قدردان و شهنشاه حیدر توان ولی نعمت بی امتان السلطان ابن السلطان السطان الغازی ﴿ عبدالحمید خان ثانی ﴾ افدمنز حضرتلرینک تزايد عمر و اقبال و توافر شوکت و اجلاللری دعوات مفروضه سی ادا قلند قدن صکره مقصده شو وجهله ابتدار اولنورکه

ارادات الهام بینات حضرت خلافتناهیله امور دولت علیه ملوکانه لرینک هرجهنتجه ترقیات متبادیه حصولی تأمین بیورلدینی کبی صنوف عساکر شاهانه لرنده دخی بروفق دلخواه عالی آثار ترقینک استیحصالی مقصدیه مکتب فنون حربیه حضرت شهریاریلری درس پروغراملری آلمانیا مکتب حربیه سی پروغرامنه تعلیقاً تعدیل بیورلمش و تدریساتک دخی آلمانیا مکتب حربیه سنده تدریس اولنان کتابله توفیق ایدلمسی ملتزم عالی بولنمش اولمسنه مبنی کتب مذکوره دن فن حربک برقسم مهمی اولان تعبیه کتابی بوندن اون اوج اون درت سسنه قدر اقدم عاجزلری یه فی یاوران حضرت شهریاریدن طو پخانه عامره مشیری و مکتب عسکریه شاهانه ناظری مصطفی زکی کترلری طرفندن ترجمه ایله موقع تدریسه قونلمش ایدی اوزماندن بوکونه قدر مذکور کتابک اصلی آلمانیا ده اون دفعه طبع ایدلمش و هر طبعنده ترقیات حاضره نک ایجاب استیدردیکی مقاله لر ادخال ایله اسلحه جدیدیه مبنی استعمالدن قالمش اولانلر طی اولنمش و برده مختصر اوله رق فن حربک سوق الجیش قسمی دخی علاوه قانمش و بو وجهله مذکور کتساب برخیلی تعدیل و اصلاحه اوغرامش اولدیفندن مکتب حربیه حضرت ملوکانه ده تدریس اولنان ترجمه سنک

= تھدیت نعت بادشاہی =

مذکور تعدیلات واصلاحاتدن محروم براغلاماسی مقتضی کوریلہ رک مذکور اونھی طبعنہ تعالیقاً اختلاس وقت ایله عبارم سنک ممکن مرتبه ترکجه اولسی وقولای اکلشلمسی التزام اولنہ رق تصحیح وطبع وتمثیلہ ابتدار قلنمشدر همان جناب اه بادشاہ شوکتپناه وشہنشاہ دل اکاہ افندمن حضرتلرینی دنیالز طوردرجہ کال صحت وعافیتله سریر شوکتصیر حضرت ملوکانہ لرندہ برقرار بیورہ رق عصر میابن حصر ملوکانہ لرینی دہا بوکی وبوندن اعلا نیجه نیجه مؤلفات ومدونات مفیدہ وعالیہ نک عالم آرای مطبوعات ونشریات اولسیله رشک آور اعصار واسلاف ونمونہ نمای اخلاف بیورسون آمین .

❦ ومن الله التوفيق ❦ فی سنہ ۱۳۱۷ ربیع الاول وفی سنہ ۱۳۱۵ تموز

سفر دولتر ارده سنده صلحاً حل اولنه میان اختلافك تسویه سیچون اختیار اولنور و سفر آجیلدینی کی دشمنی کاملاً مغلوب ایتکه و بلکه محو ایلکه چالیشیلور .

سفر اراده سینه حضرت پادشاهی ایله آجیلور و بوخصوصده شرفصدور بیوریلان فرمان شاهانه سفر بر اولان اردوی هایون قوماندانه تبلیغ اولنور و اوده باراده حضرت خلافتیناهی اولجه تقرر ایدن پلان ایجابجه معیتده بولنان قطعات عسکرینهك ایفا ایده جککری وظیفه لری مذکور قطع لر قوماندانلرینه بیلدیرر بووظیفه لری حقیله اجرا ایتک مذکور معیت قوماندانلرینهك ایشی وقان و جان فداسیله مظفریت قزاقق بالجله ضابطلر و عسکرک شرعاً ایفا سده مجبور اولدقلری وظیفه لریدر .

ایشته بوسیه منی دیناً صلابت و امیرالمؤمنین ولی نعمت بی متمنر سوکیلی پادشاهمز **غازی عبدالحمید خان ثانی** افندمز حضرتلرینه صداقت و محبت و آغور هایونلرنده فدای جانی اک بیوک سعادت بیلکم عسکرلکک شرط اولیدر .

قوه مضویه که صلابت دینه و سوکیلی پادشاهمز افندمز حضرتلرینه فرط صداقتله محبت قلبیه و ثبات و جسارتله تربیه عسکریه در هر حالده قوه بدنیه به مرجحدر فردن تامشیره قدر عسکرلکک هر قدمه سنده بویکی قوت تام نصابنده بر بریله مزوج اولینجه عسکرده سفره قابلیت اولماز و بوقابلیت بولمینجه عسکرک عددجه قوتی قیمتجه تنزل ایدر .

سفرده عسکرک فعلاً برلکده ایفای خدمت ایده بیلملریچون فعالیت عسکریه لری بر بریله توفیق ایده جک شکلره و درجات مختلفهده بولنان آمرلک فراست عسکریه لری بر بریله توحید ایده جک تفکره احتیاج اولوب بوده آمرلله عسکرک صلح ائناسنده تعلیم ایتلرینه و تعلیمنامه و قانوننامه لری حقیله اوکر نملرینه و هررتبه ضابطلرینهك فنون عسکریه تحصیل و مسائل حربیه حل ایاملرینه متوقفدر مذکور

== مدخل ==

قوانین وفنون عسکریه تجربه لرله حاصل اولمش فکرلره مستنددر کچمش سفرلرک تاریخی اوزمانلرده کی تجربه لری کوسترر و تجربه مزک نقصانی اکال ایچون اسفار مذکوره تاریخی اوقومغه احتیاج کوریلور لکن بوده کافی دکلدور .

تعبیه نک نظری اوله رق تدریسی فکرلری بوخصوصه حاضرلر و تعبیه ایسه سفرده عسکرک حقیله استعمالیچون رعایتی اقتضا ایدن اصول وشروطی کوسترر .

تعبیه نک عملی صنعت اوله رق تطبیقی آدم اکلامق و تدقیق وقرسله حقیقی کشف ایتمک و خدمت عسکریه ده و سفرده تجربه کورمش بولنق و دروننده بولندینی احوالی سرعتله طانیه رق و قورنازجه تقدیر ایدره رک آندن کال ثبات ایله استفاده ایتمک خاصه لرینه مستنددر .

بوندن بشقه :

اسلحه تأثیراتنک مطالعه سیچون فن اسلحه .

مواقع تأثیراتنک تدقیقچون طوغرافیا .

بو تأثیراتنک اصلاحیچون استحکام فنلریله .

قطعات عسکریه نک تشکیلات داخله لرینی و ایفای خدمته اولان درجه اقتدارلرینی تدقیق ایچون اردو تشکیلاتی و داخله و سفریه خدمت لری الیشقلیق سوقیله و باصمه قالب صورتیله دکل حقیقتلرینه وقوف شرطیله بوخصوصه یاردم ایدر .

تعبیه نک تدریسی نظریات و مثال و تطبیقات اولق اوزره اولا صنوف مختلفه نک آیری آیری و بسمه برلکده اوله رق تعبیه لری قسملرینه تفریق اولنور .

برنجی قسمتی
 صول مختلفہ مندرجات عیسائی
 تعینہ حقیقہ تعینہ آخری تعینہ انسانیت
 پیادہ لڑائی تعینہ
 یناشیق نظام

بلوک

x


۲ §

اشارات مخصوصه

بلوک ترتیب و تقسیم

صول جناح قلاغوزی	یوزباشی
برنجی سره افرادی	ملازم
ایکھبی سره افرادی	باش چاوش
بوریزنلر	بلوک امینی
ترنیت	سره ضابطی
	صاغ جناح قلاغوزی

صف حرب نظامی
 شکل (۱)



بلوکل سفر موجودی ۵ ضابط ۲۵۰ نفر در .

بلوکل ایکی صره اوله رق صف حرب تشکیل ایتمک اوزره تنظیم و ترتیبی شکل (۱) ده کوسترلشدز .

اک بویلی اولان ایکی نفر صاغ جناح دیزینی تشکیل ایدر انلردن براز قیسه ایکی نفر دخی ایکنجی دیزی بی تشکیل ایدرک بوجیهله صول جناحه قدر دوام ایدر وهر دیزیده بویلی نفرلر برنجی صره ده بولنور و بو اصولدن جزئی تباعده مساعدده اولنور صره لر پینده کی مسافه ایلک صره ده کی نفرک ارقه سندن ایکنجی صره ده کی نفرک کوسکنه قدر ۶۴ سانتیمتره در مانوره آدیم یوریشده تقریباً ۸۰ سانتیمتره اولور .

صره ده دیرسکلر صربست اوله رق بر برینه تماس ایتمک اوزره دیرسک یوقلانور بر دیزینک صف حرب نظامنده طوتدیی یر ۶۵ دن ۷۰ سانتیمتره عرضنه قدر اولور و بر بلوکل طوتدینی پر دخی تقریباً ۱۰۰ متره و وارر .

کرك طورر ایکن ورك یورر ایکن حذا صاغدن آنور لکن ایکی طاقم یان یانه یورودکلرنده حذا وسطده اولان طاقم ضابطندن آلدینی کی اوج طاقم یان یانه یورودکلری حالده اورته ده یورویان طاقک ضابطندن آنور . بلوکل اوج طاقه تفریقی و طاقلرک اون آلتی ودها زیاده دیزیدن مرکب اولدینی حالده نصف طاقه و ۴ دن ۶ دیزی به قدر دیزیدن مرکب مانفهلره تقسیمی وانلره ضابطلرک صورت توزیبی شکل (۱) ده کوسترلیدیکی وجهله در .

§ ۳

بلوکل حرکتی

تعلیمنامه موجبجه خطوه طولاً ۸۰ سانتیمتره اولوب دقیقه ده یوز اون درت عدد آتیلور . هجوم یورویشلری دقیقه ده ۱۲۰ خطوه در . قوشار آدیم بر متره طولده اولوب دقیقه ده یوز التمش بش یوز یتمش اولور و مارش مارش قومانده سیله یالکیز قیسه مسافهلر ایچون خطوه موزونه به رعایت اولنیه رق وانتظامک مساعد اولدینی سرعته اجرا اولنور .

یارم صاغ یارم صول حرکتلرنده صاغ و یاصوله طقسان درجه دونیلور وصولدن کری و یوز ایلری حرکتلرنده یوز سکسان درجه دونیلوب انجق یورویش ائناسنده اجرا اولسان صاغ و یاصوله اکری حرکتلرنده دخی قرق بش درجه دونیلور .

کری به حذا برابرک انجق قیسه مسافهلر ایچون جاژ اولور .

صف حرب نظامنده ایلری و کری حرکت اولنه بیلور .

بر طاقك صف حربدن چيقمسی ايجاب ايندگده مذکور طاقم كندی ضابطك قوماندہ سيله وسطدم
يا جناحده كي طاقلردن برينك كريسنه ویدی خطوه مسافسنه نقل اولنور .
يان طرفلردن برينه مائل اوله برق يرقطع ايتمك قوماندہ ويريلهرك حركت استقامتك تبديليه وياخود
يكیدن بر استقامت تعيينيله اجرا اولنور .
جبهه تبديللری چرخ ايله تبديل استقامت ايديلهرك مانوره آديميله ويا مارش مارش ايله وياخود يکی
جبههك ارايه سيله اولور .

صف حرب نظامنك زياده اولان كنيشلكي اراضی اوزرنده ذاتاً موانع تصادف ايتمكده اولان
حرکاتی واستقامت تبديللری ومستور محللردن استفاده يي كوجلشدیرر ايسده الله اولان اسلحهك
لايقيله استعماله مساعددر لكن درينلكنك آزلی مستور محللری بولميان اراضی اوزرنده جبهه آتشدن
وقوعوبه جق تلفاتی آزالديغندن بومثللو اراضیده صف حرب نظامنك استعمالی موافق مصلحتدر . [۹]

§ ۴

❖ بلوكده قوللر تشكيلي وقوللرك تكرار صف حربہ تحويلى ❖

❖ قوللرك حرکتى ❖

(۱) ايکيشرله قول — اشبو قول صاغ وصوله دونوش ايله حاصل اولوب عینی صرهك
افرادى بر برى ارقه سنده وبردزينك افرادى دخى يان يانه بولنور وبرنجی صره حذابى محافظه ايدر .
ايکيشرله قول نظامى اوزره حرکت ایدن بربلوكده قولك درينلکی ابتدالرده بلوكك جبهه سنه
مساوى ايسده صكره لری كتدكجه تزايد ايلديكندن اشبو نظام طار يوللرده يول يوريمك ايجون مستثنا
اوله برق استعمال اولنور وخطوة موزونه ايله بونظامده حرکت ايتمك افرادى پك جوق يوردیغندن
يان طرفه طوغری انجق جزئی مسافه قطع ايتمك ايجون دخى استعمال اولنه بيلور .

(۲) درددرله قول نظامى — صاغه دونوشلرده جفت نومرولى نفرلر تك نومرولى نفرلرك
صاغنه وصوله دونوشلرده تك نومرولى نفرلر جفت نومرولىلرك صولنه كچهرك وایکنجی صره افرادى
يارم خطوه صاغ وياصول طرفه آچیلدقدن صكره اولوجهله حرکت ايدرک يارم صاغ ويارم صول
قوماندہ سيله تشكيل اولنور .

[۹] مختلف نظاملرك قائده و محذوراتيك تدريچون اولاكندی سلاحلرك ثانياً دشمن سلاحلرك تائيدلری ثالثاً عساکرك آمرک
لی آلتنده بولمسی رايماً اراشیدن استفاده اولمسی خامساً حرکتلرك واستقامت تبديللرينك سادساً بشقه نظاملره كچمكلك قولای
بولمسی نظر مطالعه يه النور .

دردرله قول نظامی آجیق برقولدر یعنی بریایم صول و یایم صاغ حرکتی اجرا ایدیلرله سهولته ایشو قولدن صف حرب تشکیل اولته بیلور .

دردرله قول نظامی پیاده نك یورویش نظامیدر چونکه ایشو نظامده هر نفرک قولایلقله یوریمسی ایچون اوکنده کافی مسافه بولمغله برابر قولک درینلکی امکان درجه سنده آز و بلوکل صف حرب نظامنده جهه سته مساوی اولدیغندن سرعتله صف حرب نظامنه کچله بیلور .

آلمان تعلیمنامه سنده دردرله قول نظامی یرینه مانفه ایله قول نظامی مستعمل اولوب بونظام دخی بلوکل طوررکن و یا یوررکن مانفهلرک جمله سی بردن صاغ و یا صوله چرخ یعنی تبدیل استقامت ایتملریله وطورمقدمه اولوب مانفه ایله قول نظامنده حرکت کچه جک اولان بلوکل ایچون حرکت استقامتته طوغری برخانندن مانفهلرک بر بری ارقه سنده جهه ایله یورومسیله حاصل اولور مانفه ایله قول نظامی آجیق برقولدر یعنی بر بری ارقه سنده بولسان قطعه لرک برنجی صره دن برنجی صره یه حساب اولفق اوزره پیننده کی بعدلر قطعات مذکورده نك جهه لرینه مساویدر و صنف ثلثه نك آجیق قوللری کنیدیسی تشکیل ایدن قطعاتک بوجبهله چرخ یعنی تبدیل استقامت ایتملریله سربعاً صف حربیه تحویل اولنور .

آلمان تعلیمنامه سنده مانفه ایله قول نظامی پیاده نك یورویش نظامیدر .

یورویش نظامنده آرانیلان شی یوللردن استفاده ایله برابر هر نفر ایچون قوه بدنیه سنك حسن محافظه سته لازم کله جک قدر سربستلک و سرعتله محاربه یه یاییلمنی تأمین ایچون امکانک مساعدده سی درجه سنده آز درینلکدرکه بوشرطلری بزم دردرله قول نظامی کبی آلمان تعلیمنامه سنك مانفه ایله قول نظامی جامعدر مانفهلر سربستجه دیرسک یوقلامق اوزره دوت دیزیدن مرکب اولور و صره لر پیننده کی مسافه دخی کوکسدن کوکسه اولچمک اوزره ۱۰۱۰ متریه قدر وارر و فضله کلان دیزیلر ایله کوچک ضابط دخی دوت دیزیلک صره تشکیل ایدر بونظامده بولسان بر بلوکل درینلکی کوچک آغر لقلرله کریکی مسافه داخل اولق اوزره یوز متره در و طاقم قوماندانلری طاقنک معین برمحله باغلی دکدر . بلوکل نهایتده برضابط بولنور و یوزباشی دخی بلوکلنک حسن نظارتی ایچون ایجاب ایدن یرده بولنور یا لکز یوریان بر بلوکل و یا بر طابورک کریسنده بر بوریزن بولندیریلور .


(۳) بلوکل قولی نظامی — شکل (۲) کرک طوررکن و کرک یوررکن وسطده کی طاقم

اوزرینه تشکیل اولنور صاغ طرفده کی طاقم تشکیل اوله جق قولک وسعتنه وصول طرفده کی طاقم دخی نهایتته کیدر .

بلوکل طورمقدمه ایسه ایکی جناحده کی طاقملر اینکیشر اوله رق یایم صول و یایم صاغ اینتدکدن صکره

دیزله صوله و صاغه مانوره آدیله یوروپه رڼک برنجی صره دن برنجی صره په حساب اولنځی اوزره صاغ طرفه کی طاقم طوره مده اولان طاقدن یدی وصول طرفه کی طاقم اون درت خطوه کیروسته نقل اولتور .

بلوک قولى نظامى
شکل (۲)



اگر بلوک یورو مکده ایسه مذکور جناح طاقلری صاغ وصوله اگری مارش مارش ایله حرکتده بولنان طاقک کیروسته کتوریلور . بلوک ایچون نظام اصلی عد اولنان اشبو نظامده ایکنجی طاقم قولک باشنده و اوچنچى طاقم نهایتده بولنسی اصولدن ایسه ده طاقلرک بشقه ترتیده اوله رق بولنلریده جاژدر . بلوک قولى جناح طاقلرینک بریسک اوسته دخی تشکیل اولنه بیلور .

اشبو بلوک قولنده بر بری ارقه سنده بولنان قطعات پیننده کی بعد قطعات مذکوره نك جبهه لرندن دون اولدیفندن مذکور قول یناشیق دیمک اولوب قولى تشکیل ایدن قطعه لرك صاغه ویا صوله تبدیل استقامت یعنی چرخ ایتملریله دردرله قول نظامنده و آلمان تعلیم نامه سنده کی مانه ایله قول نظامنده اولدینی کی بونظامدن سهولته صف حربه نقل قابل اوله مز .

بلوک قولى نظامی بلوکک اک کوچک اراضی اوزرنده اجتماعه مساعد اولوب قومانده خصوصى تسهیل ایدر وکنیشلکی آاز

اولدیفندن بالجله حرکت ویا خصوص استقامت تبدیلیلرینه و موانعدن مجانبته و اراضی اوزرنده مستور محللردن استفاده و یویریشلی ویک قوللانیلیشلی اولدیفندن بلوک ایچون اجتماع و حرکت نظامی عد اولنمشدر .

بونکله برابر اشبو نظام تکمیل سلاحلرله در حال آتش ایدلسنه مساعد اولدینی کی درینلکی دخی مستور محللری اوایان اراضی اوزرنده دشمن آتشدن چوق تلفات ویرلسنه سبب اولدیفندن او منلاو احوالده صف حرب نظامی مرجحدر . کنیش یولار اوزرنده یوروش قولنک درینلکنى آزاله رق خط آچقلنی تسریع ایچون اشبو بلوک قولى مستثنا احوالده یوروش قولى مقامنده استعمال اولنشدینی کی قراناقده اجرا ایدیلا ن هجوملرده اوله بیله جکی وجهله اشبو قول غایت نادر احوالده حربک ایلک خطرلنده دخی قوللانیله بیلور .

نصفه قول نظامی چفت ویا تک نصفلرک یارم صاغ ویا یارم صول ایدرک کریه قالملریله حاصل اولور

بوجھلہ حاصل اولان نصفلہ قول نظامندہ مذکور نصفلہ پیندہ بولنسی اقتضا ایدن اوج بحق خطوہ بعد دشمن آتشدن خارج اجرا اولنان حرکاتہ یدی خطوہ بہ قدر وارد ریلور . اشبو قول طار بر اراضی اوزرنده حرکت ایتک و مستور محللردن استفاده ایلک و مستثنا احوالده دخی یورویش قوی تشکیل ایتک ایچون استعمال اولنور .

(۴) قلعه نظامی — انحق طور مقده اولان طاقله بلوک قوی نظامندن تشکیل اولنور .

بونک ایچون اوکده اولان طاقم ثابت قالب و سطلده کی طاقک نصفلری صاغہ وصولہ چرخ ایدرک تبدیل استقامت ایدر و کیروده کی طاقم دخی یوز کری ایلر بوطاقک بوریزنلریلہ صرہ ضابطلری اولجہ مارش مارش ایلہ قلعه نک ایچنہ کیرر اشبو قلعه نظامندہ اک مهم اولان شی هر طرفہ آتش ایدہ بیامک ایچون حاضر بولنقدرد و استعمالی ایسہ مستثنا احوالده واقعدرد .

مختلف قوللردن صف حرب تشکیلی :

ایکیشرلہ قول نظامندن صف حرب تشکیلی ایچون یارم صول و یا صاغ ایدیلور و یاخود ایلری یه خط آجیلور . یعنی صولہ و یا صاغہ حدایہ و یاخود صاغ و یا صول اوستہ دیزیلہ طاہور اولنور . دردرلہ قول نظامندن صف حرب تشکیلی ایکیشرلہ قول نظامندن تشکیلی کبی اولور .

مانعہ ایلہ قول نظامندن صف حرب تشکیلی ایسہ مانعہ لک بردن صاغ و یا صولہ چرخ و یا بر برینی متعاقب صاغ و یا صول اوستہ چرخ ایتلریلہ و یاخود صاغہ و یا صولہ حدایہ الہرق خط آجیلریلہ اجرا اولنور .

بلوک قوللردن صف حرب تشکیلی اوکده کی طاقک برجهتہ و یاخود ایکی جہتہ بردن خط آجقلہ اولور .

طرز اخیر اک مستعمل اولوب بوجھلہ صف حرب تشکیلی ایچون وسطده کی طاقم باشده کی طاقک صاغہ وارقدہ کی طاقم دخی صولنہ طوغری خط آچہرق صف حربہ داخل اولور .

بوجھلہ خط آچلمقده ایکن یکی بر استقامت نقطہ سی ویریلرک جہہ تبدیل اولنہ بیلور .

قلعه نظامندن صف حرب تشکیلی بونظامدن اولجہ بلوک قوی نظامنہ واندندہ اصولی وجھلہ صف حربہ کچیلرک اولور .

قوللرک حرکتی :

ایکیشرلہ دردرلہ و مانعہ ایلہ اولان قوللرک تبدیل استقامت لری قول باشلرینک چرخ ایتسیلہ حاصل اولور .

مآخذہ - محاسبہ تربیاتی الخ و مآخذہ علومہ دیانہ و تربیاتی الخ و مآخذہ نظام ربر .

کیم محاسبہ تربیاتی الخ و مآخذہ علومہ دیانہ و تربیاتی الخ و مآخذہ نظام ربر .

بوتبديل استقامته المانلر كوشه چرخلرى تعبير ايدرلر كه قولى تشكيل ايدن قطعهلر تبديل استقامت نقطهسنة كلدكجه بر برينى متعاقب چرخله دوزلر و صنوف ثلثه آچيق قوللرينك جملهسندمه تبديل استقامت بو وجهله در .

بلوك قول نظامنده تبديل استقامت قوماندا ايله اكرى يوريلهرك ويا يكي استقامت كوسترييلهرك وياخود تكميل قولجه چرخ ايديلهرك اجرا اولنور^۲ يعنى ايلك قطعه صف حربده اولدينى كچي چرخ ايله تبديل استقامت ايدر وارقهدهكى قطعهلر دخي چرخ ايله اكرى يورويش اراسنده بر حركتله ايلك قطعه يني تعقيب ايدرلر .
بو حركتمده هر نفر طيشارده اولان اوموزينى كنديسنك ايچ جناحه اولان قرييق درجهسندمه كرى^۱ چكر .

يان يوريشلر يارم صاغ و يارم صول ايله پك كوچك مسافهلر ايچون ايكيشرله واوزون مسافهلر ايچون دردرله اجرا اولنور و المان تعليمنامهسنة كوره صاغه ويا صوله چرخ ايدن مانفهلرله اولور و بونظاملر ك جملهسندمه صاغه ويا صوله خط آچيله رق صف حربه كچيلور .

طابورلر

x

§ ۵

طابورك قوللرى و حركتلىرى

طابور پياده نك تعبيه^۱ جزؤ تاميدر .

صنوف ثلثه نك غوغاده مستقلاً حركت ايدم بيلان اك كوچك اساس جزؤ تاملرينه تعبيه جزؤ تاملرى تعبير ايديلور و قطعات عسكرينه نك قوتلرى پيادهده طابور طابور سواريده بلوك بلوك طوبچيده بطاريه حساب اولنور و بر طابورك قوتى بر ادمك سسييله قوماندا اولنه بيله چك درجهده محدود اولور .

طابورك سفر موجودى ۲۲ ضابط ۱۰۰۲ نفر اولوب درت بلوكه منقسمدر .


المانيا و آوستريا روسيه فرانسه و ايتاليا طابورلى دخي تقريباً بودرجهده در .

طابور دائماً بلوك قوللرى تشكيل ايتك اوزرم طورور و بو قوللر اراضينك وسعتنه و حركت مقصدينه كوره يان يانه ويا بر برى ارقهسنة ترتيب اولنور .


طابورك اساس نظاملى :

(۱) چفت قول نظامى — اجتماع دشمن آتنى خارجندە حركت ايجون مستعملدر شكل (۳)

چفت قول نظامى شكل (۳) درين قول نظامى شكل (۴)



چفت قول نظامندە برطابورك اك
ايلرودهكى قدمهسى




(۲) درين قول نظامى — اراضينك طار برجبه ايله وضعت المغه

مجبور ايتديكى وياخود براز صكره يورويش قولى تشكيل ايديلهرك يوله
چيقلق نيت اولندينى زمانلرده اجتماع ايجون استعمال اولنور شكل (۴)

ویورویش قولى نظامندن محاربه نظامنه کچيله جكي زمانلر احوال حرب طابورى بلوك قوللرى تشکيلنه وبوقوللرى بربرندن آچيلمغه مجبور ايدنجيه دكين درين قول نظامى محافظه ايديلور .

کنيش قول نظامى شکل (۵)



(۳) کنيش قول نظامى — بر محاربه دن صکره جمع اولق ایچون و مخصوصاً بشقه بر صورت

امر اولنماش ایسه یوقلمه ایچون مستعمل اولدینی کبی اراضینک ویاخود محاربه ایچون خط آچق یعنی یاییلمقده تصور اولنان ترتیباتک درینلکدن زیاده جبهه ایجاب ایندیردیکی حالرده استعمال اولنور .

حذا آلتی و دیرسک یوقلامق خصوصلری طوررکن صاغدن وحرکتده ایکن چفت وکنیش قوللرده سنجاقدن ودرین قولده صاغدن اولور .

بلوکلرک نومرو صره سیله ویاخود صورت آخرله ترتیلاری جاژدر .

طابورده بوقوللرک حرکتلری بلوکه کی قوللرک حرکتلری کبی اولور شوقدر وارکه طابورده اخبار واجرا قوماندالری بیکیاشی طرفندن ویریاور وبوحرکتلر دخی دونوشلر واکری یورویش ویورویش استقامتی نقطه سنک اراثه سی ولمان تعلیم نامه سته کوره مانعه ایله چرخ وتبديل استقامتلردن عبارتدر .

چرخلر یعنی تبدیل استقامت لر چفت و درین قولده طابورجه قوللرک تبدیل استقامت لر کی اجرا اولوب کنیش قولده ایسه بلوک بلوک اولور بونک ایچون تعین اولنان جناحده کی بلوک کندی باشنه تبدیل استقامتله قولک درینلکی قدر ایلری کیدر و دیگر بلوکلرک صاغه و یا صوله اگری حرکتله اک قیصه یولدن مانوره آدیله یکی استقامته کیره رک کندی حذاسنه کلملرینه قدر بکر .

کنیش قولده بلوکلر اراسنده کی اوج خطوه ارهلق دیرسک یوقلامق خصوصنده تضیق وقوعه کلامک ایچون اولوب موقتاً غائب اوله ییلور .

§ ۶

بر قولدن دیگر قوله کچمک

طابور قوماندانی یالکز اخبار قومانداسنی ویرر و حرکتلر بلوک ضابطلرینک قومانداسیله اک قیصه یولدن اجرا ایدیلور .

(۱) — چفت قولدن :

(۱) — درین قوله . بر طرفده بولنان ایکی بلوک طابور طورمقده ایسه طورور یورومکده ایسه یورور دیگر طرفده کیلر انلرک ارقهسنه کیدر .

(ب) — کنیش قوله . اوکده بولنان ایکی بلوک طورور و یا یورور کزیده بولنانلر انلرک صاغنه و یا صولنه و یا خود صاغنه صولنه کیدر .

(۲) — درین قولدن :

(۱) — چفت قوله . کزیده بولنان ایکی بلوک اوکده کیلرک صاغ و یا صولنه کچر .

(ب) — کنیش قوله . اوکده بولنان بلوک طورمسنه و یا یوریمسنه دوام ایدر دیگر بلوکلر انک صاغنه و یا صولنه کیدر . بوبلوکلرک صاغ و صوله کتملری مقتضی ایسه قوماندای اولوجهله ویریلور .

(۳) — کنیش قولدن :

(۱) — چفت قوله . یان یانه بولنان و تعین قلنان ایکی بلوک طورملرینه و یا یوریملرینه دوام ایدر . دیگر ایکی بلوک دخی انلرک ارقهسنه کیدر .

(ب) — درین قوه . تعیین قلنان بر بلوک طور مسنه و یا پوریمسنه دوام ایدر دیکر لری صاغده کیردن باشلانق اوزره انک ارقه سنه کیدر .

۷ §

نتیجه

یناشیق نظامده افراد اودرجه طوبلو بولنورکه قوماندا ایله سوق واداره اولنه بیلور و آمر لری نك طوغریدن طوغری به نفوذ لری التده بولندیندن ضابطلرک فائق اولان قوه مغویه لری افراد اوزرنده مکملأ تأثیر حاصل ایدر . بوحال ایسه غایت قیمتلی اولوب زیاده سیله شایان اهمیتدر . لکن هر نفر معین بر حمله مربوط اولدیندن خصوصیه قول نظامنده ایکن حرکتده وسلاح استعمالنده اولان سربستلکی ومستور محللردن استفاده ایده بیلرسی پک محدود قالور . یناشیق قطعلر دوشمنک تأثیرلی آتشی التده از زمان اینجده اودرجه تلفاته دوجار اولورکه عسکری الدن چیقارماق ایچون بونظامدن چیقمنه و کوچک کوچک قطعلر تشکیله و طاغنیق نظام اخذینه مجبوریته حاصل اولور .

بوسیدن محاربه نك تماماً یالکز یناشیق نظام اوزره جریانی قابل دکلدر . و یناشیق نظامده آتش مستثنا احوالده اجرا اولدور و یناشیق قطعلرک طوغریدن طوغری به محاربه خطنه کیرملری یالکز قیصه برمدت ایچون جائز ایسه ده بوده پک مستثنا حالاته مخصوص بولنور . لکن آمر اولان ذاتک عسکر اوزرنده دواملی تأثیرلی انجق بونظامده ممکن اولور . ایشته بواسبابه مبنی دشمن آتشی و یا بالفعل محاربه به کیریشلمسی سبب لریله طاغنیق نظامک اخذینه مجبوریته حاصل اولمدقجه دائماً یناشیق نظام محافظه اولنلی . بوحالده ایلك خطلرک و آوجی خطلرینک کیرولرنده بولنان بالجله قطعلرک استناد و امداد ایچون پک یقین بولنسون و کرکه احتیاط اوله رق حاضر بولنق اوزره ده کیرولرده اولسون دائماً بونظامده بولنلی . وبر محاربه به ختام ویرلدیکی کبی در حال بونظام اخذ ایدملیدر .

لکن صف حربی یوقسه قول نظامی می اخذ اولنه جق یرینه کوره تعیین ایدر : دشمن آتشنك تأثیراتی تخفیف ایتک و محاربه نك سرعتله کلوب کچن فرصتلرینی استفاده سز قاچیرماق ومثلاً سواری

عليه اوله بيله چكى كې بالمله تفنگكلره ايجابنه كوره بردن آتش ايتك مقصدلرينه مېنى مستور محللرى بولنيان اراضى اوزرنده حركت ايجون صف حرب ترجيح اولنور . اك كوچك بر محله اجتماع ايتك ويوريمك وميدان حربده ودشمن آتشي خارجنده حركت ايلمك وبو آتش داخنده اولورسه انجق مستور محللرى بولنان اراضيده وبومثللو اراضيه تطبيق اولنه بيلمك اوزره ايجابنه كوره كوچك كوچك قوللره تقسيم اولنق ايجون قول نظامى اختيار ايديلور . وطابورده ايسه بلوك قوللرى تشكيل اولنور . بويه قطعهلره منقسم بر طابور عارضه لر ارسندن قولايقله كچه بيله جكندن عارضه لى اراضى اوزرنده حركته يك الويرشلى ودشمن آتشنه آز هدف اولديني كې درحال محاربه يه كيريشه بيلمك اوزره دها زياده آماده بولنور . وآرملقلره بعد ومسافلر ايسه احوالك مساعدسى درجه سنده تنقيص ايدياور .

مُحَارَبَةُ

§ ۸

✧ طاعنق نظام ✧ X

✧ بلوكده آوجى خطى تشكيلى وبو خطك حركتى وتقويه سى وجمى ✧
✧ واستناد عسكرى ✧

طاعنق نظام محاربه ده ترجيحاً مستعملدر .

پياده نك محاربه نظامى كبروسنده قول ويا صف حرب نظامنده يناشيق بلوكارى اولق اوزره آوجى زنجيريدر .

هر محاربه آوجيلرك ياييلمسيله باشلار واجراده سربستلك محافظه سى قصد اولندينى حالد اشبو ياييلمه حركتنه عجله سز وتدريج ايله كيريشيلور . صكره دن غير مأمول بر حال ظهوريله شاشقنلقه محل قالماق ايجون دشمن طرفه ايلك اول انجق بر محاربه نك بدنيچون ايجاب ايده جك قدر ضعيف آوجى خطى آجيلور .

بونكه برابر عسكر مأمول فوقنده قوته هدف اولورسه آوجی خطنه هان دشمنك تأثیر آتشنه معادل ومكن ايسه فائق قوت علاوه اولنور . وقرار قطعی یرنده مظفریت دخی بوجله اله کجریلور . قاعده آوجی خطنه طاقدر پیدرپی سوق اولنور . برقاج طاقك بردن آوه جیقارلسی انجق حالات مخصوصده اقتضا ایتدیکی کبی بلوك باصقینه قارشى امین اولسی التزام اولندینى حالدہ آوجی خطنك یارم طاقدن ویا دها از قوتدن تشکیل اولندینى واقعدر .

بر آوجی خطی بشقه برامر ویرلماش ايسه طاقدر تام اوله رق آوه یا بلملریله تشکیل اولنور . بلوك قولی نظامنده اوکده کی طاقم آوه جیقوب صف حرب نظامنده آوه جیقہ جق طاقم تعیین اولنور . وبلوك متباقی عسکری استنادی تشکیل ایدر . و آوه جیقان طاقك مرکزی ایلری ویا خود تعیین اولنان استقامته طوغری کیدر . وسائر افراد ایکنجی صره نفرلری دیزی باشیلرینك صاغنه کچمك و برنفردن دیگر نفره بر ویا ایکی خطوه ارهلق المق اوزره اکری یورورلر . بولیلان خط اوزرنده ودها زیاده ارالقله آوه یاییله بیلنور . بولیلان خط اوزرنده آوه یایلمق کیرویه حرکت اولندینى زمانلر اجرا اولنور . واولجه یوز ایلری ایدلدکن صکره آوه یاییلور .

بر آوجی خطنك جناحلری بشقه برعسکرله ویا طبیعی عارضه لرله تأمین اولنماش ايسه برقاج نفردن کشف قوللری تشکیل اوله رق ترصد ایچون یان طرفلره کوندریلور .

آوجی خطنده هر مانفه برچاوش ویا بر اونباشینك قومانداسی التنده بولنور . کرك طاقم ضابطی وکرك مانفه باشیلری ایلری حرکتده کندی قطعه لرینك اوکلرنده یعنی دشمن طرفنده و طوریلور ایکن آوجی خطی اوزرنده بولنور . و برقاج چاوش قوماندا خصوصنده قوللانلمیه رق نظارت ایچون مذکور خطك کیرونده یقونور .

دشمن ایله تماسه کلدیکی کبی بر آوجی خطنك حرکاتی پك ساده اولمایدر . ویرلمش اولان یورویش استقامتنك محافظه سی مهم اولدینی حالدہ بوخط انجق ایلری وکری یورویه بیلور .

دشمن آتشنك تأثیری دها حس اولندینى زمانلر قومانده ایله ویا ایکی استقامتك ویرلمسیله اکری یوروله رك بو استقامت براز تبدیل اولنه بیلور .

دشمن آتشی التنده بیوجك یان یورویشلری جائز دکلدرد .

چرخ ایله کلی تبدیل استقامت لر دشمن آتشی آتنده مستثنا حالاته مخصوصدر . ایجاب ایدن جبهه یه عسکرک یناشق قسمندن یکی بر آوجی خطی تشکیل ایتمک ولزومسز قالان آوجیلری طوبلامق مرجحدر . حرکات ممکن اولدینی مدت عادی یورویش سرعتیه صقنیتسزجه کینش خطوله لرله اجرا اولنور . وزیاده آتش آتنده بولنان اراضی اوزرندن کچمک ویاخود برقطعه اراضی یه دشمندن اول یتشمک ایچون مستثنا اوله رق مارش مارش ایله یورولور . مرور اولنه حق اوزونجه قطعه ده اراضی اوزرنده صجره یه رق ایروولنور . یعنی آوجیلر یوز خطوه ویا سکسان متره قدر قوشارلر و آتشرلینک تأثیر ایدمک مسافه لره کلدکلری کبی یره یتسارق آتسه باشلارلر . و براز آرامدن صکره تکرار بو وجهله حرکت ایدرلر . مسافه قطعنه بو یولده دوام ایچون آوجی خطنک نوبتله بر قسمی دشمنی آتشیله اشغال ایدرک دیگر قسمنک ایروولسنه امکان حاصل ایدر .

بو حرکتلرده حذا واردلقلرک تمامی تمامنه محافظه سی طلب اولنمزسده قوماندایی تسهیل ایچون مثلاً دومانلی هوالرده آوجی خطنک بر قسمی اساس اتخاذ اوله رق سائر قسملر انکله ارتباطی محافظه ایدر . اراضیدن استفاده اولنملی و آوجی خطنک مختلف قسملری دخی بر برینک حرکت و آتشرلینه مانع اولمالیدر .

آوجی خطنک آتشی تلفات واقعه دن طولایی اسکی قوتنه ارجاع ایتمک ویا دها زیاده شدتلندیرمک ویاخود آوجی خطنی ایلری حرکت تشویق و تحریک ایتمک ایچون مذکور خط یا اوزادیه رق ویاخود اره لقلری طولدیریه رق تقویه ایدیلور .

اوزاتمی ایچون مأمور ایدیلان طاقم آوه یاییله رق یدی خطوه اره لقله آوجی خطنک بر جناحه کیرر .

اره لقلری طولدیرمق ایچون مأمور ایدیلان قطعه نک افرادی طاقلر پشنده ویا داخلنده موجود اولان بوش محللره صوقیلور و بو وجهله طاقلر بر برینه قاریشه جقلرندن قوماندا خصوصنک تأثیرینی ابطال ایتمک ایچون طاقم ضابطلری ومانفه باشیلری آوجی خطنی یکیدن طاقم ومانفه لره تقسیم ایدرلر .

اوزاتمی امرلرک منتظماً ویرلسنی و آتشمزک اداره سنی واکثریا تأثیرینی تسهیل ایتدیکندن اجرایی ممکن اولان یرلرده مرجح ایسه ده آوجی خطنک اوزامسی ایچون اکثریا یر بولنه مدیقندن اره لقلری طولدیرمق اصولی دها زیاده مستعملدر .

محمل اولان سورکلی وجوق تلفاتی بر محاربه ده جبهه نک دائماً آوجیلرله صیق اوله رق اشغال

اولنه بيلمسی و آتشنكده نام قوئده طوتيله بيلمسی ایچون ایلک آوجی یایلدیفنده مذکور جبهه چوق کنیش اولمالیدر ایشته بوسیدن بر بلوک یوز متروندن پک چوق زیاده جبهه ایله یایلمسی جاژ دکلدر . تکمیل بلوک آوه چیقمش ایسه آوجی خطاری بلوک قوی نظامنده جمع اولنور . آوه چیقمش منفرد طاقدر دائما بلوک یناشیق نظامده قالمش اولان قطعه سی ارقه سنه طوبلانور . آوه یایلمش اولان بر طاقم طاغنیق نظامده قالمس نه لزوم قالمدینی کبی امر بکله مکسزین در حال بلوکنه التحاق ایدر . استاد عسکری آتش خطنه یاردم ایتمک محاربه خطنی اوزاتمی تهلکده بولنان جناحی ستر ایتمک ایچون استعمال اولنور .

ایشته بورادن آوجی خطنک وسطی ویا بر جناحی کیریسنده بولنسی اقتضا ایده جکی تعین ایدر . آوجی خطندن اوزاقلنی مذکور خطه زمانیه یتشه رک امداد ایدیه یله جک درجه ده اولسی اقتضا ایدوب احواله تابعدر . آجیق اراضیده لزوم کورولدیکی حالدده ایکی یوز متره یی تجاوز ایدیه یلورسه ده مستور محللر بولندقجه و محاربه قرار قطعی زمانه یاقلاشدقجه استاد دخی آوجی خطنه یاقلاشور . صف حرب نظامنده اولسون ویا قول نظامنده بولنسون مانوره آدی میله یوزیه رک آوجی خطنه توجه ایدر و دشمنک تأثیرلی آتشی آلتنده خطوه موزونه یه کچر و نظام تبدیلندن ممکن اولدقجه توقی ایلر .

۹ §

نتیجه

طاغنیق نظام بالجه تفنکله استعمالنه امکان و یروب آوجیلرک سلاحلرینی صقنی سزجه قوللانملرینه و بوتفنکله ایجابنه کورمه طاییه رق نشان المریچون اراضیدن استفاده یه مساعد اولدیفندن آتشمزک تأثیرینی تسهیل و دشمن آتشنه آز کوریلور هدف عرض ایدوب اراضی اوزرنده بولنان اک کوچک مستور محلدن استفاده یه مساعد بولندیفندن دشمن آتشنک تأثیرینی تخفیف ایدر .

ایشته بوسیدن آوجی زینجیری پیاده نك اساس محاربه نظامیدر .

افراد ایچون حاصل اولان سربستلک آمرک یعنی ضابط و کوچک ضابطک طوغریدن طوغرییه اولان نفوذلرینی ازالدیفندن سوق و اداره یی یعنی قوماندایی کوجلشدیرر و کسک و قبالی اراضیده مشکلات چوغالیر . کورلتیده و محاربه نك ارتباطه مانع بالجه تأثیرلری التده سسلر ایشیدلمز اولدیفندن آمرلر

امرلرینی انجق یقینه کیره ایشندیره بیلوب اوزاقده کیلره اکثریا اشارتله ویا دودك استعمالیه اکلایر . ایشه بومشکلاته افرادك تربیه عسکریه لری و آمرلك غیرتلیله غلبه ایدملیدر .

محاربهده بوری اشارتی سواری علیه جلب دقت و سونکی طابق وچابوق ایلری کیتمک و دشمن موقعه کیرمک ایچون مستعمل اولوب بونلردن بشقه شیلرده یا ککشلق وقوعنه میدان ویرلامک ایچون ممنوعدر ۱۸۶۶ سنه سی حیرانک ۲۷ نجی کونی طراوتناوده وقوعبولان محاربهده جم ایچون برخلده ویرلش اولان بورو اشارتی بشقه عللردهده تکرار ایدلش ودرت طابور پروسیا عسکرینک چکلمسنی موجب اوله رق بیوک برضه ری انتاج ایتشد .

طاغیق نظام آمرلك افرادی طوغریدن طوغریه سوق واداره ایده بیلملرینی کوجلشدیردیکندن افراد مذکوره نك باشلی باشنه حرکت ایلیه بیلملرینی مجبوری قیلار . ویا لکز قوه بدنیه صرفه دکل وبلکه سلاحنی استعمالده ممارسه و بیوک برمهاته و باشلی باشنه حرکت و احوال اراضیدن استفاده خصوصنده دخی قوه عقلیه ومعنویه ابرازینه احتیاج کوسترر . وبونظامده عموم نفراتک تفکر ایتمک وکندیلمکندن قرار ویرمک وکندی اقتدارندن امین اولق وجسارت خاصه لینه مالک اولملریله برابر قومانده یعنی محاربهده سوق واداره نك لزومندن مطمئن اولملری وبوسیدن طولای شو تعداد اولنان خاصه لری صوک درجهده استعمال ایله برابر دائماً آمرینه وانک اشارت وامرینه فوق العاده دقت ایلملری ایجاب ایدر . آمر یاره لهرک امر ویرمکه مقتدر اولسه بیله بویله برتربیه افراده کندی قوته امنیته ایچلرنده بولنان احتیاطلی ووجدانی کیمسه لرك حرکات و اخطاراتنه تبعیت ایدرک محاربه بی مظفرانه بر نتیجه قدر ایصاله قابلیت ویرر .

۱۰ § +

آتشلی سلاحلرك تأثیری وتلفاتك تنقیصی چاره سی

(۱) — طوپچی آتشی

طوپچی اوزاق مسافاته پاتلار مرعی انداخت ایدوب بوده یا هواده (ثانیلی طپه) (مسافاته

منقسم طپہ (ویاخود یرہ مصادمہ ابتدہ کنندہ باطلار (مصادمہ طپہ سی) اشبو ایکی حالہ دخی کرک محرک کرک انحرافاتی و کرکسہ باطلایان مرمیلرک تاثیراتی عرضائی اولمقدن زیادہ طولانی اولدیغندن طوپچی آتشی آلتندہ درین نظاملردن توقی اولمسی لزومی نمایان اولور .

تلفاتک تنقیصی ایچون بوندن بشقہ تدبیرلر :

(۱) — بیوک قوللرک قسملره تفریق وصف حرب تشکیلی وآوہ یاییلمسی کبی مرمی تاثیراتی تخفیف ایدم جک نظاملر اخدی .

(۲) — دیز جوکرک ویا یرمیاتهرق هدفک کوچلدلمسی .

(۳) — مستور محللر انتخابی اولوب بوده ایکی نوعدر .

برنجیسی — خندقلر وسدلر کبی دشمن آتشنه قارشو محافظه ایدن صحیح مستور محل .
ایکنجیسی — چیتلر واکین ترلاری کبی دشمنک یالکزر نظرندن ستر ایدن مستور محللردر .

بو ایکنجی نوع مستور محلک یا آرقه سی یقیننده ویاخود براز اوزاغنده موقع انتخاب اولنورکه بوموقعده دشمن طوپچیسی کندی آتشنک تاثیرینی ترصد ایدمیه جکندن مذکور آتشنک اجرایی دخی کوچلشور .

(۴) — آجیق وبارلاق بویالی خانلر کبی کوزه چاربه جق شیرلر جوارنده موضع اخذندن توقی اولمسی چونکه بومثللو شیرلر دشمنک تجربه مرمیلرله مسافه یی تخمین ایلنلرینی تسهیل ایدر . استحکامات مثللو صنعی مستور محل تشکیلی ایچون مخصوصاً یا بلمش طوپراق ییغنلرینک جیم ایله اورتولمسی دخی کوزه از چارعلری ایچوندر .

(۵) — موضعک ایلری ویان طرفه طوغری تبدیلی — چونکه بومثللو موضع تبدیلی دشمنک تجربه مرمیلرله یکیدن مسافه یی تخمین مجبور اولمسی ایجاب ایدرکه بومدت ظرفنده آتشندن قورتولمش اولور . سرعتی حرکت وقوشار ادیم دخی بومثللو تدبیرلردندر .
(۶) — آتشن آتندہ بولنان جناح کیریسندہ قول نظامنده قطعلر بولندیرلمسی ایجاب ایتدیکی صورتده مذکور جناح کیروسندہ بربری جبهسندن خارج قدملر تشکیلی مرجحدر .

(۲) — پیاده آتشی

آتشن ایله ستر اولنان محل ۶۰۰ متره نشانکاه کرته سنده بدأ ایدر . واوراده نهایت بولور .

وذا يوكسك نشانگاه كرتنه نژنده بو محل نشان خطيله برابر كيدن اراضيده نشانگاه مسافه سنك ۵۰ متره برى و ۵۰ متره اوتنه سنده محدود قالير و بر برندن ۱۰۰ متره فرقلی ایکی نشانگاه كرتنه سی ۲۰۰ متره لك محلی آتشله ستر ايدر .

كرك تنه كه باصيلور ايكن بلا اختينار قیلدانيله رق و كرك مسافه ياكلش تخمین اولنه رق ایدیلان خطالز طوبخچی به نسبة پیاده ده بك زیاده اولدیفندن مرمری محررك انحرافاتى طوبخچیده اولدیفنی كبی پیاده ده حساب آلتمز .

طوغری نشان الكرق و تنه كه باصيلور ايكن هيچ قیلدانيله رق ابو آتش ایدلمسی فرك سكوت اوزره بولمسنه متوقف اولوب بوسكوت ايسه محاربه نك تأثیراتيله خلددار اولور .
۶۰۰ متره قدر يقين مسافات ایچون تخمین خطالری نسبة اذدر و محررك دوزلكی بو خطالک تأثیرینی قسماً تخفیف ايدر .

۶۰۰ متره دن ۱۰۰۰ متره قدر وسطی مسافات ايله ۱۰۰۰ متره دن دها اوزاق مسافات ایچون تخمین خطالری دها زیاده اولوب بو خطالرك تأثیراتی محررك دوزلكی تخفیف ایتدكدن بشقه محررك انحناسی تزايد و آتشله بالانان محل تناقص ايدر .

ایشته بورادن پیاده نك اصل آتش محاربه سنك يقين مسافاته اولمسی ايجاب ایده چکی نمایان اولور .
۸۰۰ متره دن یوقازو مسافاته آتشله اورتیلان محلالری بیولتمك ایچون قاعده بر برندن ۱۰۰ متره فرقلی ایکی نشانگاه كرتنه سندن آتش ایتدیریلور . و بویکی كرتنه دن هانکیسنك اصابت ایتدیکی اكلاشیلورسه بوشنه جیخانه صرفندن احترازاً صكره دخی یالکیز اوكرته اختیار اولنور .

تجربه اولدیفنه كوده محاربه ده آتیلان قورشونلردن اصابت ایدنلر باخصوص آتش ایدن عسكرك آتش آلتنده بولدیفنه كوره تعلیم میداننده اصابت ایدنلردن بك دون اولوب عسكرك یاننده کی فشنگلر دخی محدود اولدیفندن آتشه باشلانمزدن اقدام كندی كندیمزه آئیده کی سؤاللر ایراد اولمایدور .

۱ . — امید اولنان موفقیت اتلاف ایديله جك فشنگه دكرمی ؟

۲ . — محاربه نك حالی معین برهده آتش ایدلمسنی استلزام ایتكدده میدور ؟

۳ . — الده دها موجود اولان فشنگه نظراً آتشه دوام ایدلمسی جائز میدور ؟

۶۰۰ متره قدر يقين مسافاته مرهده آتش ایديله بیلور .

۶۰۰ دن ۱۰۰۰ متره قدر وسطی مسافتده یوکسک واشکلی هدفله موفقیتله آتش ایدیلور .
لکن آلقی هدفله اوزرنده ایجه بر تاثیر حاصل ایتک زیاده فشنگ اتلافه محتاجدر .

۱۰۰۰ متره دن یوقاری اوزاق مسافتده عموماً موضع المش بطاریه لر ودرین قوللر کبی انجق
یوکسک واشکلی ودرین هدفله آتش ایدیلور .

پیاده آتشدن ویریله جک تلفاتک تنقیصی تدبیرلری طوبجی آتشنه قارشو اتخاذا اولنان تدبیرک
عینی اولوب قول نظاملرنده ایلک قطعه لری یالایوب کچن مرمرلر کیریکی قطعه لری دخی تهله کیه القا
ایتدیکندن وسطی واوزاق مسافتده بو آتشنه قارشو درین وضعلر اخذندن توقی اولمیلیدر . بونکله برابر
محاربه ده قنغی نظامک انتخابی مناسب اوله جغی تلفات مطالعه سندن بشقه اراضینک
طبیعتنه و تعبیه نک احوالنه و عساکرک حال معنویلرینه کوره تعین ایدر .

۱۱ § X

آتشک اداره سی و انضباطی و انواعی

(۱) — آتشک اداره سی

آتشک قوتی مصلحته موافق صورتده اداره سنده اولوب محاربه قطعه ده موفقیت بوقوت ایله
احضار اولنور . آتشک اداره سی آوجی یاییلمسقی و موضع انتخابی و آتشنه باشلانمسقی و هدفک
ونشانگاه کرتسنگ و نشان قطعه سنگ و آتش نوعنک انتخابی و آتشک تقسیماتی و تأثیراتک ترصداتی
وصرف اولنان جیجخانه نک اکمال نقصانی شاملدر . آتشک باشلانسنه پک از زمان قالمش ایسه
هرشیدن اقدام جیجخانه نک حاضر لسنه و جلب اولنسنه و مسافاتک تعین ایدلسنه اهتمام اولمیلیدر .

آتش خطنده ممکن مرتبه جوق قنغی بولندرمق یا خود یاییلمش اولان خطرک آتشنلری
تأثیراتی نقاط متخبه اوزرنده برلشدرمک فوق قزاقق آمرک وظیفه سیدر . (احاطه) ، طاقله
اشغال ایچون مخصوص اراضی تعین اولنورق و یا طاقله اده سنده ایوجه قریق اولنور اده قنغر

براغیله رق و بونكه برابر هر طاقم بر آرده طوتيله رق آتشك اداره می تسهیل ایديله بیلور . تلفاتك تنقیصی ایچون آوجیلر اده سنده کی مسافه اوج و یا باش خطویه قدر چیقاریله رق طاقلرك خفیف بروضع آلفه مجبور اولدقلریده مستئنا اوله رق واقعدر .

مسافاتك تعیینی کوز تخمینیه آدیلا مقله خریطه اوزرنده اولچمكه تخمین مسافه آلتیری استعمالیه اولجه تجربه انداختی اجرا ایدرك مرملری اصابت ایتكده اولان جوار قطعات عسکریه سندن سؤال ایله و یا خود تجربه انداختیه ممکن اولور . آکتریا اوج ونهایت درت مختلف مسافه نك تعیینی کفایت ایدر . اکثر احوالده پیاده عسکری مسافاتی کوز تخمینیه تعیین ایتكده مجبور اولوب طوپیچی کی تجربه انداختی (چتال انداختی) اجراسیله تعیین مسافاته نادراً امکان بولور . تجربه انداختی هدفك بر نقطه می اوزرینه بر نشانگاه کرته سندن یا لم آتش ایدلمسیله اولوب هدفك ثابت اولمی و اوکنده کی اراضینك کوریه بیلمی و بواپاضی اصابت ایدن قورشونلرله توز قالقهرق اصابت ایدوب ایتدیکی کوستره جك طبیعتده بولمی و کندی قطعات عسکریه مزك شدتلی آتش التده بولنامسی ولزومی قدر زمانمز اولمی احتمالنده اجرا اولنور . مسافاتك تخمیننده یا کشلقدن قورتلمق قابل اولیوب برقاج تخمینك وسطیمی انفله بویا کشلق ممکن مرتبه تنقیص ایدیلور . ایشته بوسیدندرکه طاقم ضابطلری انسانی صلحه کی تخمین مسافه تعلیمارنده مهارتی تحقق ایتش ایکی اوج افرادی کندی یقینلرنده بولوندرلر و بولنر کورینان هدفك مسافاتی درحال تخمین ایله مذکور ضابطله بیلدرلر و ضابطلر دخی بوتخمینلرك وسطیمی الهرق نشانگاه کرته سنی اکا کوره تنظیم ایتدیرلر .

• ممکن ایسه دورینلر واسطه سیله و یا دورینسز دائمی صورتده ترصد ایدیلرك مرملرك اصابت ایتدیکی یرلردن دشمنك حالندن نشانگاه کرته سنی و نشان نقطه سنی طوغری انتخاب اولنوب اولندینی اکلاشیلور . بعضاً دخی بوخصوص ایچون یان طرفه راصدر وضع ایدیلور .

آتش محاربه سیچون موضع انتخابی خصوصنده ایلک اول تعیه مطالعاتی نظر اعتباره النور . و آتشك قوتندن کاملاً استفاده ایسه انجق اوکنده آجیق انداخت میدانی بولندیقنده ممکن اولور .
آوه یا ییله جق عسكرك مقداری محاربه نك مقصدینه و انتخاب اولنه جق آتش خطنك امتدادینه کوره تعین ایدر .

هدفك انتخابي ايلك اول تعينه مطالعاته و صكره دخي هدفك يوكسكلك و كنيشلك و درينلك
 رصيفلنه كوره اصابت احتماله تابعدر . هدفك صيق صيق تبديللري آتشك طاغلمسني موجب
 وليدنن جائز دكلدر . و هر قدر لك مهم و لك نافع هدف دشمنك پياده سي ايسده موفقيت مامل
 بدليكي حالده طوبجي بطاريه لرينه و سوارى قطع لرينه آتش ايدلك فرصتي قاجيرلماييدر . آتش
 بروجله تقسيم اولمليدركه هدفك بيوجك قسملري آتشك تأثيري خارجده قالمسون .

(۲) — آتشك انضباطي

آتشك انضباطي محاربه نك ترقى ايتمكده اولان احوالى اره سينده ضابطلر طرفدن آتشك اداره سي
 قصان اوله رق ممكن اولديني و يا خود هيچ ممكن اولديني زمانلرده بيله تأثيريني محافظه ايتمايدر .

بوده :

- (۱) — مقابله ممكن اولديني زمانده بيله دشمن آتشي التده نباتي ،
- (۲) — قومانده ايدنلره و دشمنه غايت دقتله باقلمسني ،
- (۳) — هر بر انداختك زياده دقتله اجراسني و مهماتك اداره ايله صرفني ،
- (۴) — هدف كوزدن غائب اولديني كي و يا ضابطك دوديكي و يا خود آتش كس امرى
 ايشيدليكي كي در حال آتشك كسلمسني ،
- (۵) — اصابت تأثيرينك امكان درجه سنده تزييدي ايجون اراضيدن حقيله استفاده يي
 ايجاب ايدر .

(۳) — آتشك انواعي

ايكي نوع آتش اولوب بريسي يايلم آتش ديكرى آوجى آتشيدير . ايكي سيده كرك ينداييق
 كركه طاغنيق نظاملرده مستعملدر .

(۱) — يايلم آتش .

يايلم آتشلر قوماندا ايله بلوكه و يا طاقجه بردن اجرا اولنور . و بو آتشلر واسطه سيله

عسکر اک زیاده ال التنده طوتلیدی کبی مهمات صرفیاتی دخی دقت متادیه التنده بولنور .
واصابت ایدن مر میلرک ترصدی ونشانکاه کرته سنک اکا کوره اتخابیله قیید التنده
بولندیرلمسی آسان اولور .

محاربه نك كورلتیسی ایچنده یناشیق برطاقده سس کوجلکله وآوه چیقمش برطاقده ایسه
نادراً ایشیدلدیکندن وافراده دخی نشان نقطه سنی ده اوجه بوله ماش ایکن تنکه باصفه
مجبور بولندیقندن بو آتشلرده اصابت احتمالی بر درجه یه قدر ازالیر .

ایشته بوسیدن یایلم آتشک استعمالی محاربه نك ابتدالرینه وعسکر مزك بالذات تأثیرلی آتش آلتنده
بولندیقنی دقیقه لره مخصوص قالیر . یایلم آتشلر بر برینی تعقیب ایده جک اولورسه افرادک بر قسمی
جانبه دن فشنگ آلمقده ایکن دیگر بر قسمک تفنگ حزینه سنده ده بوش قوان بولنمسی محتمل اولدیقندن
تکمیل افراد دایما آتش ایده مزلر .

اوکنده کی طاقم دیز چوکدرک ووسطده کی طاقم دخی اکا یناشه رق وکریکی طاقم ایسه یرنده
طوره رق مستثنا احوالده بلوک قولندن درت صره ایله بعضاً یایلم آتش اجرا ایدیله بیلور . بووجهله
محدود بر محله وخط آچمه کافی زمان بولندیقنده ایکی مثلی تفنگک آتش ایده بیلیمسی فائده سی حاصل
اولورسه ده پک ساده اولمیان بونظام افرادک آتش خصوصنده اوجه انضباط ایله مالوف اولملرینه محتاج
اولوب دیز چوکش اولان افرادک آتشنه اوفق تفک یرقبار جقلمی حائل اوله بیله جکندن بو یایلم آتشک
لا اقلی اصابتی اراضینک پک مساعد اولمسنه ویا دشمنک پک یقین بولنسنه متوقفدر .

۲) — آوجی آتشی .

آوجی آتشنده افراد سکونتله نشان آلوب آتش ایتمک ایچون مساعد زمان بکلیه بیله جکلرندن
تأثیر احتمالی ده زیاده در .

یناشیق قطع لر یالکز ایاقده ویا دیز چوکش ایکن آوجی آتشی اجرا ایده بیلورلر . یر
یتارکن آتش ایدیله جکندن ایکنجی صره افرادی برنجی صره افرادیلله همان بر حذاده یاتمه مجبور
اولدقنلرندن آوجی آتشی اجرا سیچون اولجه آوه یایلدق مجبوری اولور .

آوجی خطی قاعده آوجی آتشی اجرا ایدر . وبرموضعه بولنان آوجی خطی یالکز یر یاتهرق
ویادیز چوکدرک ویا خود ایاقده طوره رق آتش ایدوب حرکتده ایکن آتش اجراسی رجعت کبی

مستثنا احواله مخصوصدر . بوحالده دخی هر آوجی آتشنك سكونتله اجراسیچون اولجه طوزر
وسكره آتش ایدر .

آتش اجراسی ایچون ضابط اولاستقامتی وسكره هدفی وبعدہ نشانكاه كرتہسنی واك نہایتده
آتشك نوعنی ودائماً بوترتیب اوزره اخبار ایدر . ودشمن قطعاتی دخی آوجیلر طرفندن فصل
كورولمكدہ ایسه اولوجهله ارانہ ایلر . بیوك مسافاتده هدف انجق دورینلر واسطہسیله كورولمكدہ
اولوب آوجیلر طرفندن كوروله مامكدہ ایسه بولنره اراضی اوزرنده واصل هدفی استقامتده متوسط
هدفلر ارانہ اولنور .

هر آوجی قاعدۀ موفقیتی آتشنك سرعتده دكل ایی نشان الهرق وای تفكر ایدرك اجراسنده
امید ایتملیدر .

آوجی آتشی سرعتده نظراً یواش وشدتلی وچابوق آتش نوعلرینه تفریق اولنور .

یواش آتشدہ بردیزی بی تشکیل ایدوب آوجی خطنده یان یانه بولنان ایکی نفردن بری آتش
ایتمكدہ ایكن دیکری ترصد ایدر . واولکی نفر تفكنی طولدیرمدقجه آتش ایتمز .

شدتلی آتشدہ بردیزی بی تشکیل ایدن افراد ارمه سنده کی بو مناوبه دن صرفظر اولنهرق هر نفر
كندی آتشنك تأثیرندن امین اولدینی کی آتش ایدر .

وسطی مسافاتده بولنان الجاق هدفله آتش ایدیله جك اولورسه انجق یواش آتش اجرا اولنور .
شدتلی آتش یقین مسافاتده وقیصه بر زمان ایچون ایی نشان المغه مساعد یوكسكلكدہ كندیسنی كوسترن
هدفلر اوزرینه اجرا ایدیلور . وطوبیجی به قارشو بیک متره نك ایلروسنه دخی شدتلی آتش استعمال
اولنور .

چابوق آتشدہ آتشك سرعتی نتیجۀ قطعیه آننده امکان درجه سنده تزید ایدیلور . چابوق
آتش قاعدۀ ثابت نشانكاه ایله ویا كوجك لوحه ایله آتش ایدیلان مسافاته اجرا اولنورسده مهم
وفائده لی هدفلك قیصه بر زمان ایچنده كورندیکی وبو زمانده زیاده تأثیرلی آتشك مقتضی بولندی
حالاتده مستثنا اولهرق ۳۵۰ متره ایله ۱۰۰۰ متره ارمه سنده کی مسافاته دخی چابوق آتش استعمال
اولنور .

چابوق آتش استعمالی ایجاب ایدن زمانلر :

۱. — تعرضده هجومدن اول صوک حاضرق زمانی .
 ۲. — مدافعهده دشمنك قوشهرق اجرا ایتدیكى صوک هجومی دفع زمانی .
 ۳. — سواری علیه مقابله زمانی .
 ۴. — مواقعهده واورمان واستحکاملرده یقیندن بغتة ظهور ایدن مصادمه زمانی .
 ۵. — چکیلیمکده اولان بردشمنك ارقهسندن آتشله تعقیب زمانیدر .
- آتشی کسك آتش کس قومانده سیله وسس ایشیدلماکده ایسه دودك چالتمسیله اولور .
- ایلك اول ای اداره التنده باشلایان آوجی آتشی آوجیلرک کندی حاللرینه ترکی مجبوریتی حاصل اولدینی حالده ادارهسز آتش حاله کچر .

§ ۱۲

طابورك محاربه سی

(۱) — محاربه نظامی .. طابورك انقسامی وکنیشلکنه اوزامسی .

(۱) — ایلك خطده بولنان برطابور بر بزدن آچیلمش بلوک قوللری اوزره غوغا ایدر . وبلوکر اکثریا ایجاب ایتدیگجه بر بزدن صکره حربه کیرر . وحربه کیره یان بلوکر دخی طابور قوماندانك الی التنده مجتمع طورور . خط آچه یعنی یاییلمه حرکتی الك قیصه یوریش استقامتی اوزرنده وطورولمقده ایسه اوزرنده بولینلان اساس خطی اوزرنده اجرا اولنور . وبونک ایچون طابور قوماندانی .

اولا — هانکی بلوک اوستنه یاییلمه جفی

ثانیاً — بلوکر ارمه سنده کی آره لقلرله انلرک بر برینه نظراً یرلرینی امر ایدر .

طابورك کنیشلکنه پک زیاده اوزامسی محاربه نك ابتداسنده قیصه برمدت ایچون آتشك قوتله

توسی فائده‌سی حاوی ایسه‌ده نتیجه قطعییه دکن کیندجه تزايد ایتمکده اولان تهلهکنک درحال ظهورینه یعنی کافی درجه‌ده استناد اولنه‌مدیغیچون آوجی خطنک متانت داخله‌سنک غائب اولسنه سبب اولور . احتیاطدن برطابور بشقه عسکرک آتشیه حاضرلنش برترضی اجرایه مأمور اولورسه برخط اوزرینه برندن آچیلنش بلوکر مقصده کافی محاربه نظامی تشکیل ایدرلر . مکرکه بواحدله دخی استناد اولنماش برجناحک محافظه‌سیچون طابورک ایکی قدمیه انقصاصی وایکنجی قدمه‌نک برنجیدن طاشقین اوله‌رق شطرنج واری ترتیبی مقتضی کورلسون .

معین احتمالله کوره خط آجق ایچون معین شکلر تعیین ممنوعدر

انتخاب اولنه‌جق شکله تأثیری اولان سیلر :

۱. — طابورک یالکز ویا دیگر عسکره مربوط اوله‌رق غوغا ایتدیکی ،
۲. — یانلرک استناد ایدوب ایتدیکی ،
۳. — غوغایی اوزاتمغه ویا نتیجه قطعیه استحصال ایتکه مأمور اولدینی ،
۴. — قرانلقده غوغا ایتکه مجبور بولندیغیدر .

تأثیر قطعی حاصل ایدن سبب ایسه :

۵. — محاربه‌نک حالیدر .

(۲) — برطابور (مثلاً پیشدارده اوله بیله‌جکی کبی) آز برزمان ایچون موقتاً ویاخود اوزون مدت یالکز اوله‌رق غوغا ایدم‌جک ایسه ابتدالرده حال مساعد اولدینی حالده ده‌ها زیاده درینلکنه طوغری انقسام ایدر — برطابور الای ویا لوا داخلنده اوله بیله‌جکی کبی دیگر عسکره مربوط اوله‌رق غوغا ایدم‌جک ایسه ده‌ها زیاده کینشلکنه طوغری انقسام ایدر .

(۳) — برطابورک یانی بشقه عسکره ویا کچلمز اراضیه استناد ایتمکده ایسه تهلهکنک التده بولان یعنی استنادسزقلان یانی کزیده آلیقوننش عسکرله تهلهکنکی طرفه طوغری قدمه تشکیل اوله‌رق اک‌کوزل صورتده محافظه ایدیلور . کزیده آلیقوننش قطعه‌لرک مثلاً یان هجومی اجرا ایتلری ویاخود دشمنک یان هجومنه قارشو کللری والاصل حربه کیرملریچون قطع ایدم‌جکری مسافه بک قیصه‌در وهم دشمن مرملرینه مرکز کریسنده اوله بیله‌جکی قدر هدف اولملزلر .

ایکی یانی استناد ایتنش اولان برطابور اک قوتلی جبهه ایله خط آجغه امکان بولور .

(۴) — اوزادلمسی آرزو ایدیلان محاربهده کفایت ایده جک قدر قوت کیروده آلیقونیلور . نتیجه قطعی استحصالی مطلوب ایسه بدایتده کافی قوتله حربه کیریشیلور که بوجهله شدتلی صورتده اجرای تأثیراتدن کندو صنمزله محروم قالدماش وعساکرک قوه معنویه لرینه وامنیترینه کلی تزلزل ایراث ایتسی طبیعی اولان زیاده تلفات ویرمکدن وموفقیتسنزلکه اوغرامقدن توفی ایدلمش اولور .

(۵) — قرانلقده تعرض حرکتلری قیصه مسافه لره منحصر قالور . وبونک ایچون بلوک قوللری اک ساده شکل اوزره یان یانه ویا بر بری آرقه سندن هیچ آوجیسز ویاخود جبهه نیک پک یقین ایلروسنه آز بر آوجی چیقاریله رق دشمنله بوغاز بوغازه کلنجه یه قدر سوق ایدیلور . وبوندن زیاده انقسام چارچابوق قاریشقلقه سبب اولور . حال تدافعیده ایسه مهم اولان شی عسکرک یکیدن انقسامه قالقشمیه رق بولندینی موقی مدافعه اولدیفندن انجق یقین مسافاته وقیصه وشدتلی آتش محاربه سی ایدیلور .

(۶) — محاربه نیک حالی مثلاً تصادفی محاربه لرده بلوکرک ۲ و ۳ رقلریله اشارت اولنان مطالعاته مخالف صورتده یاییلملرینی ایجاب ایده بیلور . وبر پیشدارده تکمیل بلوکرک سوق وقوعات ایله مختلف جبهه لره یاییلملرینی اقتضا ایده بیلور . لکن احوال مساعد اولدینی کبی درحال بلوکرک قوتک بر الدن ودواملی صورتده استعمالی ممکن اوله بیله جک وجهله طوبولانمیلیدر .

(۷) — طابورک درینلکنه اوزامسی .

طابورک درینلکنه اوزامسی ومحاربه خطلرینک وقدمه لک بر برندن مسافه لری محاربه نیک حالته وارا ضینک طبیعت کوره تعین ایدر .

محاربه نیک حالی — محاربه قطعییه کیریشلمزدن اول یناشیق قطعه لر ممکن مرتبه آتشدن محفوظ اوللی ومحاربه قطعی ایچون بالمله قوتلرک حاضر بولنسی ایجاب ایتدیکندن انک زمانی نه قدر یقین ایسه کیروکی قدمه لردخی اوقدر ایلری انمیلیدر . اوزادلمسی آرزو اولنان محاربه لرده درینلکنه طوغری بیوک بیوک مسافه لر براغلمسی مجبوریدر .

اراضینک طبیعتی — طالعلی ویا قبالی اراضیده اوله جنی کبی مستور محللر چوق ایسه کیروکی قدمه لر یقین طوتیله بیلور . طار جبهه ، قیصه مسافه لر ، یناشیق نظاملر ، قوتلی جناح احتیاطلری ، بومثللو اراضیده مستعملدر § ۷ — یه باقیلسون . دوز اوهرده

اوله جنى كې اراضينك مستور محصلرى يوق ويا از ايسه دشمن پياده سنك بر يالم آتشي و طوبچيسنك بر شراپىلى درينلکه طوغرى انقسام ايدن عسكرك ايكي قدمه سنه برذن اصابت ايتامك ايجون ايلك اول مسافه نك ايكوز مئرودن زياده اولسنه مجبوريت حاصل اولور . بومئلو اراضيده كنش نظاملر و كيرولرنده صف حرب نظامنده استنادلرى اولقى اوزره قوتلى آوجى خطلى مستعملدر § ۷ — يه باقىلسون .

(۳) — آچلمش بر طابورك حرکاتی .

اشبو حرکات عمومك يورويش استقامتى ارئه ايدن بر نقطه نك تعيينيله تنظيم اولنور . بويله بر نقطه بولمدينى حالده بر استقامت بلوكى تعين اولنور . محاربه ائناسنده اكثريا مركز ايله ويا جناحلردن بريله ارتباط كوزمديلور . جبهه تبديل اوله جق ايسه بلوكلر تكلفه سزجه كنديلكلرندن چرخ ايدرك يكي جبهه يه كيرلر . بلوكلرك بو وجهله بر برلرینه قارشو تبدل ايتمش اولان مناسبلى اقتضاسنه كوره بشقه امر ويريلهرك تنظيم اولنور .

(۴) — طابور ، بلوك ، طاقم و مانعه قوماندانلرينك وظيفه سى .

(۱) — طابور قوماندانى محاربه يه باشلانمى زمان مر بلوك ضابطه ممكن ايسه جمله سى برارده اولدنى حالده محاربه نك مقصدى بيلديرر . كنديسى پك مستئا احوالده ايلك خطده وهان دائمى صورتده كيروده اليقونيلان قطع لرك ياننده ومطلقا طابورينك محاربه سى ايوجه كوره جك برموقعده بولنور . طابور قوماندانك وظيفه سى . (۱) طوتيله جق موضعك ويا يوريله جك استقامتك تعينى . (۲) بلوكلرك محاربه سى بئنده ارتباطك محافظه سى . (۳) هدفلك عمومى صورتده قيسىمى . (۴) مستئا احوالده آتسه باشلامق امرى ويرلسى . (۵) كيروده اليقونيلان بلوكلرك محاربه يه ادخال ايدلسى . (۶) صرف اولنان مهماتك اكالدير .

(۲) — بلوك يوز باشيسنك محاربه ده وظيفه سى بيوكدر . طابور قوماندانك محاربه ائناسنده امر ويرمك ايجون اكثريا وقى و واسطه سى بولمديغندن يوزباشى آندن امر بكليجك اولورسه بلوكلرك

طوغری حرکت ایتملی وزماننده ایسه کریشمه لری امکالنیز اولور . وکندیس بلوکنک سوف واداره سیچون اجرای تأثیر ایده بیه جکی بر موقعده بولنور . بلوکنک یوزباشیسنک وظیفه سی : (۱) آوجیلرک طوته جق لری موقعک ویا یورویه جک لری استقامتک تعینی . (۲) بلوکنک دیگر بلوکلره متحد اوله رق حرکت ایتدیرلسی . (۳) استنادده بولان عسکرک استعمالی . (۴) مسافتک تعینی . (۵) تدافعه و ممکن ایسه تعرضیده آتسه باشلانسی . (۶) ممکن اولدقجه هدفک و نشانگاه کرته سنک و آتش نوعنک تعینی . (۷) حرکاتک تنظیمی . (۸) دشمن آتشنک و بزم آتشمزک تأثیرینک ترصدی . (۹) صرف اولتان مهماتک اکالیدر .

(۳) — طاقم ضابطی ایلری حرکت ائساننده آوجیلرک دشمنه فصل صوقله بیه جکلرینه و دشمنک احاطه سی قابل اولوب اولدیفنه و قابل ایسه فصل اوله جقنه و یاخود دشمنک برخطاسندن و یا موضعنک بوش براغلمش بر محندن استفاده ممکن اولوب اولدیفنه دائر اولجه کندیسنجه معلومات استحصال ایتلیدر .

اراضی اوزرنده زرده فائده لی بر نقطه اله کجه بیه جکنی و یان جهته ده دشمنه قارشى فوق قزائقی ممکن اولدیفنی آوجی خطنده طاقم ضابطنک کشف ایده بیلیمی نادر اولدیفندن بویله بر فرصت ظهورنده اندن کندی مسئولیتی التده نه درجه یه قدر استفاده ممکن اولدیفنی دوشونمیلیدر . وکندیس دخی طاقنک تأثیر آتشی اک ابو کوره جک بر محله ده بولنمیلیدر .

طاقم ضابطنک وظیفه سی : (۱) ارئه اولتان موضعه طاقنک تعیه سی . (۲) دیگر طاقلره ارتباطک محافظه سی . (۳) مسافتک تعینی . (۴) آتسه باشلاندرلسی و هدف و نشانگاه کرته سی و آتشنک نوعی بلوکنک ضابطی طرفندن تعین اولنماش ایسه آنلرک تعینی . (۵) آتشنک تقسیمى . (۶) جیخانه نک اداره ایله صرفیچون اعتنا ایدلسی . (۷) دشمن آتشنک وکندی آتشمزک تأثیرلرینک ترصدیدر .

(۴) — مانعه باشیلرینک وظیفه سی : (۱) طاقم ضابطه معاونت ایتک و ایجاب ایندیکی حاله آنک قومانداسی و امرینی افراده تکرار ایلیمک . (۲) آوجیلری تعیه ایلیمک . (۳) ممکن اولدیفنی مرتبه نشانگاه سورکوسنک طوغری تنظیم اولنماش اولدیفنه دقت ایتک . (۴) اسلحه نک لایقی وجهله استعماله و امر اولتان استقامته انداخت اولدیفنه دقت و آتشی تقسیم ایتک . (۵) جیخانه صرفیاته

دقت ایلدک وجبخانه بی حاضرلامق ویکدن جبخانه توزیع ایتدک و محاربه به اقتداری قالیان افرادک جبخانه سنی الهرق دیکرلرینه ویرمکدر .

۵) — حربده آمرلر مادوننده بولنان معیت آمرلرینه امر ویاخدمت ویردرلرسده وسائط اجرائیه نیک انتخابی آنلره براقه رق یالکز اجرایه نظارت ایدرلر . معیت آمرلری دخی حربده اکثریا کندی باشلرینه قاهره ق صلاحیتلری داخلنده حرکت ایتدک مجبور اولورلرسده کیفی حرکتله بومساعده بی سوه استعمال ایتاملیدرلر . بوحودود داخلنده کی مساعده حربده بیوک موفقیتلرک اساسیدر . معیت آمرلری کندیلرینه ویریلان خدمتی ایفا ایتدکدن صکره قوماندالری التده کی عسکری مافوق آمرلرک امرینه آماده طوتملیدرلر .

§ ۱۳

تعرض و تعقیب

۱) — تعرضده تصادفی محاربه ایله اولجه خط آچش دشمن اوزرینه اولنان تعرض بربرندن تفریق اولنمقدردر . § ۴۲ — نجی ماده ایله مقایسه اولنسون .

تصادفی محاربه — حرکت سفرلرنده اکثریا خط آچمه باشلامق اوزره بولنان بردشمنه تصادفله یول قولندن خط آچیله رق اجرا اولنور .

قول باشنده بولنان قطعله تکمیل قولک خط آچشی ایچون اقتضا ایدن زمان وارضی بی قزاملیدرلر . بوراده دقت اولنه حق شی برطرفدن خط آچق خصوصنده دشمنه تقدم ایتدک و دیگر طرفدن مافوق آمرک نیاتنک اجراسنه امکان قالمق ایچون اله حاضر عسکر بولندیرمقدردر . خط آچق حرکتی ممکن اولدینی مرتبه تعرضه مانع اولمالی و بولنیلان خط اوزرنده خط آچق ایسه وقت ضیاعنه سبب اولدینی اونودلاملیدر .

ذاتاً تمامیه خط آچش وبلکه حاضرلنش اولان برتدافی جبهه اوزرینه تعرض دها بدایتدن اعتباراً برپلانه توفیق ایدیلور . خط آچق قوماندانک تصوری وجهله


طابورك محاربه سی

پیاده تعبیه سنك (۱۲) نجی ماده سنه عائد مثالردر .

(۱) — برنجی شكلدن بشخی شكله قدر يالكز باشنه اولان ومثلا پشدارده بولنان برطابور فرض اولمشدر .

شكل (۱)

محاربه يه كيرلك اوزره ايلك يايلىق



اشارات مخصوصه

- ۱ آوجی زنجيرنده برنفر
- | مختلف بلوكرك آوجيلرى اراسنده خط فاصل .
- صف حرب نظامنده برطاقم
- ≡ بلوك قولى نظامنده برياده بلوكى
- عمومى جبهه

مقياسنده ۱۰۰۰۰

(۱) ساقميتره ۱۰۰ متره يى ارايه ايدر)


محاربه يه بايلان برطابورك جبهه سي عموميتله (۳۰۰) متره يى چوق كچمز .

شكل (۲)

محاربه نك حالى مذكور طابورك جناح
بلوكردن برى مثلا صاغ جناح بلوكى
واسطه سيله جبهه سنك اوزادلسنى ايجاب
ابتديكنه كوره وضعيق

شكل (۳)

برنجى شكلده كوستريلان طابورك صاغ
جناحى دشمن طرفدن قوشاتلدينه كوره
طابورك وضعيق



بوراده درينلكنه طوغرى مسافله ايكوز متره اوله رق ترسيم ايدلمش ايسده كريكي خطلرك ايلريكي خطلره
ايجابنده ياردم ايدم جك درجه ده يقين اولسى و دشمنك بريالم آتقى ويا بر شراپنىل ايكى خطه بردن ايراث خسار
ايتمه جك درجه ده خطلرك بر بردن اوزاق بولغنى قاعده سنه مبنى دوز اراضيده و محاربه ابتدارنده بومسافله تزايد
ابتديكى كهي عارضه لى اراضيده و نتيجه قطعيه زمانلرنده تناقص ايدر .

شکل (۴)

برنجی شکله کوستریلان طابورك صاغ
وصوله بشقه عسكرك ياييلش اولسنه
يعني ايكي طرفي مستند بولمسنه نظراً
وضيعتي

|||||

۲ ۱ ۲

≡

(ب) - شکل (۶)

اشبو طابورك بشقه عسكركه برلكده
فرض اولنديقنه ومثلاً قسم کلی
طابورلنده اوله چيفی کی ایکی طرفی مستند
بولنديقنه کوره محاربه یه یاییلسی

-----|||||

۲ ۲ ۱

≡

شکل (۵)

برنجی شکله کوستریلان طابورك صاغ
جناحه بشقه عسکر مثلاً قسم کلی یاییلمش
اولسنه یعنی صاغ جناحی مستند بولمسنه
کوره مذکور طابورك اخذ ایده جکی وضعیت

قسم کلی -----|||||

۲ ۱

≡

≡

(ج) - شکل (۷)

محاربه جبهه سنك برجناحنده ومثلاً صاغ
جناحنده بولنان برطابورك محاربه یه ايلك
کیردیکنده وضعیت

-----|||||




۱

۲ ۲

≡

شکل (۹)

— — — — —




شکل (۱۰)

دشمنك صاغ جناحزى قوشايدنه كوره
بدنجى شكلده اخذ اينديكى ابلك وضعيتى
گوستريلان طابورك قدمه تشكيليله مقابله
ايتسى . بوججهله مقابله تعرضايدن دشمنك
صول جناحنه مقابل هجوم اجرا سيخون مر جعفر

شکل (۱۱)

صاغ جناحه بولنان برطابورك دشمنك
صول جناحن قوشاتمق اوزره تعرضي
قولتي تشكيل ايدرك پايلىمى



ومحاربه به کبرلزدن اقدم اولور . پیاده نك ایلرولمسی برلکده وعین زمانده اولمیلیدر . دشمن آتشنك یالادینی یرلری کچمک مشکل اولدیغندن سهولته دشمنه تقرب ایچون قرانلقدن استفاده اولنهرق آتسه شفقله باشلايه بيلمک اوزره برنجی خطک عسکری صباحه قارشو ایلری سوریلور .

(۲) — تعرضه موفقیت امید اولنسی آتجق اولجه طوبجی آتشیله ایوجه احضار وقوتلی آوجی خطرلیله دشمن موضعه تقربه غیرت اولنهرق دشمنک آتشله اسکات ایدلمسینه وبوجهل آتش خصوصنده تفوق قزانلمسینه متوقفدر . آتسه باشلامق ایچون آوجیلر قاعده اراضینک ودشمن آتشی تأثیرینک مساعد اولدینی مرتبه دشمن موضعه یاقلاشیرلر . کوچک مسافاته کلدیلمی استاد عسکری ممکن اولدینی مرتبه آوجیلره یاقلاشملی ودرحال محاربه به کیریشمک ایچون حاضر بولنمیلیدر . تعرض ایچون بصره قالب برمودل اتخادی ممنوعدر .

برعرض ایچون ازم اولان آتش تفوق اک قولای صورتده دشمنی بریاندن قوشاتهرق یعنی احاطه ایدهرک قزانيله بیلور . لکن بوقوشاتمه حرکتی تعرضک دهاابتداسنده حاضرلنش اولمیلیدر . بوده یاختلف خطرله طوغری دها عسکر یورور ایکن ویاخود محاربه قدمه لرینک حرکتلرندن حاصل اولور .

اوزونجه مسافاتک کچلمسی ایجاب ایتدیکنده صجراملرله دخی ایلرولنه بیلور . لکن بووجهله اولان تعرض حرکتلرنده اده صره طوريله رق زیاده قوت صرف اولندیغندن دشمنه تقرب براز بطی اولور . مستور بردشمنک آتشی آلتنده اوزنجه مدت توقف ایسه پک چوق تلفاته سبب اولدیغندن دشمنک تأثیر آتشی مساعد کورلدیکی حالده هیچ طوريله رق ایلرولنمیلیدر .

دشمنی یان ویاحواله لی برموضعدن فائق شدته آتش التده طوته رق انک آتشنك کورتللمسی ممکن اولدینی زمانلر بلا فاصله ایلری حرکت مساعددر وحرکت انناسنده سلاحک سکونتله استعمالی وایوجه نشان النسی ودقله ترصد ایدلمسی کوچ ویورورکن ایدیلان آتشنك تأثیری ایسه پک آز اولدیغندن بلا فاصله ایلری حرکت صجراملرله ایلرولمکه مرجحدر .

(۳) — آتش خصوصنده دشمنه تفوق قزانلمینجه و یادشمن ایوجه صارصیلینجه تعرض

وهجومك اجراسی بك چوق تلفاتی داعی اوله جفندن صوك صدمه نك اجراسندن اقدم آتشك

تأثیری بکنمیلیدر . اکثر احوالده یقین مسافاتده قدر صوقونیلهرق برقطه متتجه اوزرینه جمع

ایدیلان شدتلی آتش اودرجه موفقیتی تأمین ایدرکه یادشمن صوك هجومی بکله مکسزین موضعی ترك ایدر ویاخود بك زیاده صارصیلش بولنه جفندن مدافعه سی قوتدن دوشر .

هجومه یا آوجی خطی طرفندن هیچ امر بکنمیه رك بدأ اولنور ویاخود بوخصوص تعرضه مأمور عسكرك اك بیوك قوماندانی طرفندن امر اولنور .

قاعده دشمن مقاومتك نه زمانده وهانکی یرده کسب ضعف ایندیکی اك اول آوجی

خطی طرفندن کوریه بیلوب ظهور ایدن فرصتلردن اك سرعتله انك طرفندن استفاده

ممکن اولدیفندن اکثراً هجومه آوجی خطی بدأ ایدرکه ابراز ایندیکی مثالیه عموم عسكرك

برلکده هجومه سبب اولور . آوجی خطنه مظاهرت ایتمک و آتی مقابل هجومله قارشو

تأمین ایلمک ایچون یانلرده بولنان قطعه لر وکروده کی یناشیق قطعه لر مذکور خطی تعقیب

ایدرلر . لکن یانلرده کی قطعه لرک قارشولرنده بولنان دشمن اوزرنده دها کفایت مرتبه ده

آتش تأثیری حاصل ایتماش بولنلری وبوسیدن طولای هجومی اجرا ایده جک برحاله

اولمالری محتمل اولوب بوخالده قسماً مغلوبیت حاصل اولورکه بونک عموم محاربه نك

نتیجه سنه کلی تأثیری واردر .

ایشته بوسیه مبنی آوجی خطی یقین مسافاته واصل اولمش واک زیاده درجه ده

حاصل ایندیکی آتش تأثیریه تعرضی کافی مرتبه ده حاضرملش بولندیکی کبی تعرضه مأمور

اولان عسكرك اك بیوك آمرینك هجوم امرینی ویرمسی عمومیتله قبول اولنمشدر . بونک

اوزرینه کروکی قدمه لر هجومه قالمیق اوزره امر آلرلر وایلك خطه یاقلاشهرق محاربه یی

حسن نتیجه یه ایصال ایچون خط مذکور ایله برلکده بلافاصله ایلرولمکه دوام ایدرلر .

قاعده آوجی خطی دشمنه کوچک لوحه ویا ثابت نشانگاه مسافه سی قدر یاقلاشدیفنده

بردفه دها جابوق آتش اجرا ایدر .

هر ایکی احتمالده دشمنی صکره دن کروکی قطعه لرک بربری یاننده ویا بربری ارقه سنده بولنه جقلری

وهانکی نظامی اخذ ایده جکلری وتعرض ایدن عسكرك اك بیوك قوماندانك الی التنده دها احتیاط

عسکری بولنه بیلوب بولنه بیجی احواله کوره تعین ایدر . تعرضك الك قطعی زمانی اولان بو آنده بتون تعرض جبهه سی ایچون آنجق ایلری قومانداسندن بشقه قوماندا یوقدر . جالسان ترتیله و سرعتی ایلری یورنمك ایچون بتون بوریلر طرفدن متبادیاً تکرار ایدیلان اشارتله احتیاطی دخی حرکت کتورور و هجوم ایدن موحدین ﴿الله : الله﴾ صدای نصرت انتماسیله شدتله دشمن اوزرینه آتیلور .

۴) — هجومده موفقیت حاصل اولدیمی دشمنك موضعنی ضبط ایتمك کافی اولیبو مذکور موضعك متبادیاً الده بولنسی تامین ایتلیدرکه بده کویلر و چفتلکر و اورمانلر کی بالجمله موقعلرده هجومك او برکناره قدر دوامیله حاصل اولور . هجومی اجرا ایدن عسکرک هان اوزمان ایچنده یکی برتشته قالدیش بیلیمی و یاخود دشمنك بویه برتشته قارشو طوره بیلیمی ایچون مذکور عسکر ضبط اولنان موضعی اشغال و طاقم ، بلوک ، طابور مثللو قطعهلری تشکیل ایتمکه ایکن قاجقده اولان دشمنی تعقیب آتشله اجرا اولنور . آنجق دشمن آتش منزلدن غائب اولدقدن صکره منفرد قطعهلره و ممکن ایسه بسبتون تازه عسکرله تعقیب ایدیلور . هجوم موفقیتسز قالدیمی آمرلرک سی و غیرتلی امداد یتشجیه قدر اولسون قزانلمش اولان اراضی اوزرنده ثبات خصوصه صرف اولنمایدور . هیچ برطرفدن تعجیز ایدلیان بردشمنك آتشی التنده کری چکلمک کندی محومزله توأمدر .

§ ۱۴

﴿ مدافعه و رجعت ﴾

مدافعهده الك مهم اولان شی اسلحه ناریه نك تأثیراتندن تمایله استفاده در .

(۱) — موضعك اشغالی .

۱) — دشمنك تعرض استقامتی معلوم اولدینی کی انتخاب اولنان موضع بر آوجی خطیله اشغال ایدیلور . یعنی طوتیلور . بو خطك قوتی محاربه نك مقصدینه و اراضینك حاله کوره موضع . اوجه

محافظه ایده بیه جک داده ده اولور . کیروده الیقونیلان قطعه لر دشمن آتشنه معروض اولیه جق قدر کیروده ومدافعه یه یتشه جک قدر یقینده بولنور .

(۲) — ایلری قره غول ودمدار محاربه لرنده اولدینی کبی یالکز دفع تعرض مقصدیله اولان مدافعه لرده طوتلمش اراضینک محافظه سیله اکتفا اولنور . لکن موفقیت استحصالی قصد ایدیلور ایسه مدافعه یه حرکات تعرضیه دخی تشریک ایدیلور . یالکزجه مدافعه دشمنک محوینی انتاج ایده مز . ایشته بوسیه مبنی موضعک اشغالنده ممکن مرتبه آز عسکر استخدام اولنملی وتام زمانی کلدیکنده مقابل هجوم ایچون الده قوتلی احتیاط عمومی بولندیر یلملیدر . بواحتیاط عمومی ترجیحاً برشیته استناد ایتمیان جناح ارقه سنده (نادراً ایکی جناح ارقه سنده) وموضی قوشاتمه [۰] قالقشمسی محتمل اولان دشمن عسکرینک یانی علینه یوریه جک ویا تأثیر ایده جک وجهله یان طرفه وکرویه طوغری قدمه تشکیل ایتمک اوزره طورور . وبوجهله قوتلی موضع لر علینه ایدیلان تعرض لر ایچنده اک تهله کلیسی اولان قوشاتمه یعنی احاطه حرکتته قارشو طورلمش اولور .

بواحتیاط عمومی مرکز ارقه سنده بولندیقنده ایلمک محاربه خطاری اوزرینه توجیه ایدیلان آتشنه زیاده تلفات ویره جکی کبی جبهه دن ایدیلان مقابل هجوملرک تأثیری نسبتاً آز اولدیقندن مذکور احتیاطک مرکز ارقه سنده طورمسی نادر در .

ایکی طرفه جبهه ایتمک اوزره قولتق تشکیلی ایچون ویا ایلمک خطک بشقه صورتله تقویه سیچون احتیاط عمومینک استعمالی دمدار محاربه لرنده اولدینی کبی دشمنک عددجه زیاده تفوقه ویاخود احوال اراضینک ایجابنه مبنی منحصرأ مدافعه یه مجبوریته حاصل اولدینی زمانلره مخصوصدر .

ط

(۲) — مدافعه نک اداره سی .

(۱) — نشان تعلیمنده مهارتلی بر پیاده جبهه دن کلان هر هجومی دفعه مقتدر اوله جفندن یانلری امنیت الله النمش بولنان بویله بر پیاده نک مغلوب اولمسی امکان خارچنده در . وبوندن بشقه محاربه اثناسنده کری چکلمک حرکتی طورمق ویا هجوم ایتمکدن دها تهله کلی اولدینی هر نفرك فکرنده یرلشدیر یلملیدر . تعرضی کوجلشدیرمک ایچون مدافعه ایدن طرف آتشنه تعرض ایدن طرفدن اول باشلار . واوزاق مسافاتدن اجرا اولنان آتش اکثریا تعرض ایدن طرفک زیاده تلفات ویرمسنه سبب اولور سده محاربه یی

[*] دشمن جناحی یقیندن احاطه ایتمک اوزره اجرا اولنان حرکتته قوشاتمه واوزاقدن احاطه ایتمک اوزره اجرا اولنان حرکتته دخی چورمه اطلاق ایدلشدیر .

بر نتیجه ایصال ایده مز. جسور بر خصم قارشوسنده نتیجه قطعیه انجق یقین مسافانده استحصال اولنه بیلور .

یقین مسافانده ایدیلان آتش محاربه سندن صکره دشمن هجوم ایچون ایلرولمکه قیام ایدرسه بهمه حال آتشله توقیف ایدملیدر . چونکه آچیقندن ایلرولمکه بولنان بردشمنک تام اوزمانده تلفاتی اودرجه تزايد ایدرکه عسکرک رابطه داخله سی متزلزل اولور . بوزمانده ابو برعسکر بيله صارصیلور . وبردفعده کبرو بوسکورلدومی ارتق عینی عسکرک تکرار هجومه قالمسی پک مشکل اولور .

(۲) — مقابل هجومه قالمیله جق زمانک تعیینی اکثرا پک مشکلدرد . قاعده عمومی

احتیاط قوشاتمه ویاجویرمه حرکتی اجرا ایدن دشمن عسکرینک یانی علیه سوق اولتور . وبخصوص بوعسکر کاملاً یاییلمش وبرقسمیده محاربه یه کیریشمش بولنورسه دهها زیاده موفقیت مأمول اولنور . دشمن پیشداری متجاسرانه حُرکتله زیاده ایلرولمش وقسم کلیسیده جناحزی چویرمک ایچون اوزاقدن طولاشمه قالمیشمش وبوجبهله پیشدارینی یالکز برافش بولنسی احتمالننده اوله بيله جکی کبی بعض کره دهها محاربه نك ابتداسنده دشمن پیشداری علیه هجوم ایچون مساعد فرصتار ظهور ایده بیلور . مقابل هجوم اولجه قیصه وشدتلی آتشله باشلایوب انک اوزرینه درحال هجومه قالمیلور .

(۳) — مدافعه ده موفقیت حاصل اولدیمی آچیقده اوله رق چکلمکده اولان دشمن موجود بالجله تفنکله استعمالیه وجابوق آتشله تعقیب اولنلی و ممکن ایسه بسبتون محو ایدملیدر . دشمن قوروشون منزلدن خارجه چیقدهجه ، بلوکر ، طابورلر والحاصل بالجله قطعلر سرعتله تنظیم اولنلی وهر بری دشمنک تکرار ملحوظ اولان بر تشبته مقابله ایچون وظیفه لری باشنده حاضر بولنلیدر .

(۴) — مدافعه موفقیتسز قالدیمی ارتق مجبوری اولان رجعتک فرار شکلی الماسنه اهتمام اولنلیدر. کری الثان ویاخود کری بوسکورتیلان عسکر رجعت استقامتک انتخابنده سربست اولمیدن دشمن طرفندن تعقیب اولنمده ایسه بولندینی نظامی تبدیل ایتیه رک جهیه عموداً کری چکلملیدر . وبوعسکر کندینه انتظام ویرمک وتکرار مقاومتیه حاضرلنق ایچون محافظه یه محتاجدر . رجعتده اک مهم اولان شی دشمندن قورتلنق اولدیفندن آتش ایتمک ایچون قطعات عسکریه نك طورملری خطادر . مع هذا دشمنک راحتجه آتش ایده بیلنسنه مانع اولق ایچون حرکت اثناسنده آتش استعمال

اوله بیلور . عسکرک بر قسمیه احتیاط اولجه تام زمانی کلدیکنده محافظه موضعه کتملیدر . لکن بوحال رجته دها قرار ویرلزدن اقدم بوعسکرک محاربه نك اجراسنده استخدام اوله جق یرده دها بدایتده کزوده ایقونسنه ویا کزویه کوندرلسنه سبب اولمالیدر .

(۵) — محافظه موضعی الك اعلا اوله رق برنجی خطك ارقه سی یقیننده ویا ن طرفده وکیروده وتعقیب ایدن دشمنی ممکن ایسه درحال آنشیله قارشیله یه جق بر موقعده انتخاب اولنور . بومثللو بر موقع بولماز ایسه کری چکیلان عسکر محافظه موضعنک جبهه سی الك زیاده سرعتله سربست بر اقه جق وجهله موضع مذکورک خاخرینه چکلمایدر . بوچکیلان عسکر کندیسنه انتظام ویره جک قدر زمان ومیدان بولش وتازه عسکر ورودیه محاربه نك ایولکه دونسنه امید قالماش ایسه محافظه ایدن عسکر دخی رجته بدا ایدر . وصره بوعسکر دخی اکثریا محافظه یه محتاج اولور . وبونک ایچون اولجه چکیلوب کندیسنه چکی دوزن ویرمش اولان عسکرله دها کیروده مناسب بشقه بر موضع طوتیلور .

(۶) — ایو اداره اولنان بر رجعت محاربه سی کنیشجه بر مسافه ایله ترتیب اولنش برمداری اولوق اوزره یول قولی تشکیله نهایت بولور .

§ ۱۵

❦ پیاده نك پیاده یه وسواری یه وطوپچی یه قارشو محاربه سی ❦

۱ — پیاده یه قارشو .

ضایت مهم اولان تأثیرات منویه وقوای منویه دن وعددن صرف نظر اولنورسه موقعیت خصوصات آتییه تابعدر .

اولاً — محاربه نك صورت اداره سنه تابعدرکه حسن اداره اراضیدن مقصده موافق صورتده استفاده یی تأمین ایدر .

ثانیاً — افرادک انداخت خصوصنده کی ملکه ومهارتیرنه تابعدرکه بوده صلح انساننده کی تعلیملرله حاصل اولور .

ثالثاً — آتشك انضباط واداره سنه تابعدرکه آتش تأثیراتی قضاط منتجه اوزره جمع ایدرک آتشمزک تفوقی تأمین ایدر . § ۱۱ — نجی یه باقلسون

ب — سواری به قارشو .

هر پیاده نفری آتش ایتمکه حاضر و آماده بولند قجه دوز و آچیق اراضیده بيله منفرد هر آتلی به اولدینی محقق بيلمیدر . سکونتی وعقل وفکرینی محافظه وتفنگنک مکرر آتشی استعمال ایتدکجه اچ آتلی به قارشو بيله محاربه دن چکنمالمیدر . ومحاربه بی آتشیله ایتلی وسونکی ویا قضا طوره بيله ملیدر .

هر قدر سواری سرعت خصوصند پیاده به فائق ايسده پیاده عسکری جمعیتی آتش استعمالیه ات ایتدیکی صورته کندینه عددجه فائق بولان سواریدن بيله هیچ قورقز . بواحدله اک مهم ان شی امکانک مساعد اولدینی مرتبه سرعتله زیاده عدد تفنگک آتش خطنده لنديرلمسی اولدیفندن اوزمانلر آنجق بوخصوصه مساعد اولان نظاملر استعمال اولنور .

بولندن بروجه آتی نتیجه لر نمایان اولور .

۱۰ — دشمنه اک یقین بولندیغه مبنی سوارینک بقتّه هجومه اک زیاده معروض اولان آوجی خطنک بویه بر هجوم وقوعنده ارقده کی یناشیق قطعله طوغری قوشمسی آت ایاقلری التده ازلمسنه سبب اوله جفندن مذکور خط بوحرکتدن توقی ایتلی وثبات وکمال سکونتله آتش ایدرک اوزرینه کلان هجومه امنیت کامله ايله باقلی واراضینک ستره مساعد محللری بولنسی قوتنک ترایدینه سبب اوله جفی بيلمیدر . هجوم ایدن سواری بی دفع ایچون آز چوقی قوتده بر آوجی خطنک آتشی کافی اولدینی تجربه ايله ثابت اولمشدر . وورط ، فراولوط ، بومون ، سدان میدان محاربه لرنده سواری هجومی آوجیلر طرفندن دفع ابدلشددر .

— آتش ایچون مساعد اولمیان بر نظامده وقول نظامنده بولنان یناشیق قطعله سواری هجومی وقوعنده همان صف حرب نظامنه کچمیدر . کبروده بولنان قدمه لک آتشیله جناحلی تأمین اولنیش بر پیاده آچیق صف حرب نظامنده سواری هجومندن احتراز ایتدیکی صورته قلعه تشکیله دخی

کنندنی قورتاره مز . خط آجق ایچون زمان ومیدان یوق ایسه درت صره
اوزره آتش دخی استعمال اولنه بیلور . قلمه تشکیل ایسه اشاغیده
کورپله جک پک مستثنا حالرده مقصده خدمت ایده بیلور .

مثلا عسکرک جیخانیه سی توکنهش ایسه ،

تلفاتی بر محاربه دن طولانی عسکرک ارتباط داخلیه صا رصلمش ایسه ،
عددجه فائق بولنان بر سواری قطعه سنک متما دیاً هجومک تهدیدی
التنده اوله رق آجیق بر اراضی اوزرنده چکلمکه مجبوریت وار ایسه .

بوری ایله ویریلان دقت اشارتی سوارینک یقین اولدینی بیلدیرر .

یناشیق نظامده کی پیاده قطعه لره دفع ایدلش سواری هجومی وورط
وسدان ولانکن سالسامیدان محاربه لرمده وقوعه ککشدیر .

۳ — دشمن سواریه سی فائق بر طویجی ویا پیاده طرفندن حمایه ایدلمکجه ویا بر قاج
طرفدن متعدد قدمه لره هجوم ایده جک قوتده بولند قجه پیاده عسکری
آجیق اراضیده دخی دشمن سواریه سه قارشو ایلرولمکه بیله مقتدر

اولور .

۴ — سواری عسکری یوریمکده بولنان بر پیاده نک طور مسنه ویا قلمه نظامی کی
کندی آتش جهه سی آرائوب دشمنک تأثیر آتشی چو غاکه جق بر نظام
اخذ ایتسه سبب اولورسه بوسواری کندیسنی پیاده په قارشو بر موفقیت
قزانش عد ایده بیاور . (وپونیلده اولدینی کی)

ج — طویجی په قارشو .

بیک مترودن یوقاری مسافه لرده طویجی آتشی پیاده آتشنه فاقدر . مسافه بیک مترودن اشاغی
ایندکجه بو ایکی صنف عسکرک آتشری بر برینه یاقلا شور . یقین مسافه لرده ایسه پیاده طویجی په فائق
کلور . ایشته بو مطالعه دن اشاغیکی نتیجه لر ظهور ایدر .

۱ — پیاده عسکری اراضی عارضه لرندن استفاده ایله ممکن مرتبه طوبچی به یا قلاشمغه سبی ایتلی و آتشی اولا کوزه کورینان قوشوم حیوانلرینه و صکره دخی نومرو نفراتنه توجیه ایلملیدر .

۲ — پیاده عسکری مستثنا اوله رق اوزاق مسافه لرندن طوبچی علینه برتأثیر حاصل ایتک ایستدیکي حالده پک چوق جیخانه صرفنی کوزه الیرملیدر .

۳ — اوزاق مسافه لرده پیاده عسکری کندی طوبچیسک وظیفه سنی ایفایه ویا آتش تأثیری خصوصنده آنکله یاریشمغه مقتدر اولدیفندن پیاده نک بومثللو بر غیرته قالقشمسی جیخانه تلفندن بشقه برشینه نتیجه ویرمز .

§ ۱۶

محاربه ده جیخانه نقصانک اکالی

۱ — محاربه ده جیخانه نقصانک و قتیله اکالی آمرلرک و عساکرک اک مهم وظیفه لرندن بریدر . افرادک اوزرلرنده طاشیه جقلری فشنگلر ایچون پلاسقه و چانطه ویا طور بهلری اولوب انلرک نقصانلری جیخانه عربهلرله و پیاده نک جیخانه قولیه نقل اولنان فشنگلردن اکال اولنور .

۲ — بر پلان موجبجه اجرا ایدیلان مصمم مدافعه لرده عسکرک چانطه لرنده کی فشنگلر اولجه چیقاریله رق حاضرلنور . و فشنگ عربهلرنده کیلر عسکرک نزدینه کتوریلور . حتی جیخانه قولنده کی فشنگلرک برمقداری دخی ویریلور . ایلک خطلرده محاربه ایدن قطعلرک یانی باشلرنده صندوقلر ویا بشقه قاپلر دروننده احتیاط فشنگلر بولندیریلور .

بر پلان موجبجه اجرا ایدیلان مصمم تعرضلرده دخی عینی وجهله حرکت اولنورق ویریلان فشنگلر اکک طور بهلرنده ویا نطلون و ستره جیلرنده طاشینور .

تصادفی محاربه لرده ایسه جیخانه نک اکالی دهها مشکل اولوب او حالده ممکن مرتبه پلان موجبجه اجرا ایدیلان محاربه لرده کی تداییرک استعمالیچون هر فرصتدن استفاده اولنملیدر .

لکن ایلک خطلرده محاربه ایدن قطعلرک بالطبع اک زیاده فشنگ صرفه مجبور اولدقلری حالده

بوقطعه لرك تدابير مذكوره به توسل ايدم بيلملى پكده مامول دكلدر . ايسته بوسيه مبنى حالات مجبرده فشك عربلى حيوان و افرادجه اولان تلفاتلرينه باقيه رق محاربه ايدن عسكرم ممكن اولدينى قدر تقرب ايتليدر . آتش خطبه تقويه ايجون كيرن هر قطعه كيردىكى محله كى فشك موجودينى امكان درجه سنده تزييد ايدر . ومستثنا احوالده مثلاً مستور اراضى اوزرنده ايلك خطرده محاربه ايدن قطعه ل ايجون ارسالى اقتضا ايدن جبخانه متفرق افراد واسطه سيله نقل اولنه بيلور . ياره لولره بوريزن و تزيت افراديك محاربه ده فشك تقيله خدمات مفتخره ابراز ايدرك تميز ايلدكلى واقعدر .

۳. — طابور قوماندانى بوشالمش اولان فشك عرب سنى كوندردك جبخانه قولدن تكرار فشك جلب ايدم بيلور . وجبخانه عرب سى آمرلى دخی هر قطعه عسكريه ايجابنده كنديسنه عاند اولميان فشكى بيله ويره بيلور .

بيوك آمرلر جبخانه قولنده كى جبخانه عربلىنى جلب ايدر . واحتياطده بولتان عساكر ك فشك عربلىنى دخی اقتضاسنه كوره استعمال ايلر .

محاربه براز فيصل و يردكجه و يانه ايتنه ايردكجه در حال افراده يكى فشك توزيع اولنور . ويا هيچ اولمزسه چوق فشكى اولنردن فضله فشكلى انهرق از فشكلى اولنلره و يريلوب افرادده كى فشكلىر تساوى ايديلور .

محاربه به اقتدارى قائماتلرك فشكلى مانعه باشيلرى واسطه سيله ديكرلرينه توزيع اولنهرق مذكور فشكلىر بوش يره ضايع ايدلماش اولور .

§ ۱۷

مختلف نظاملرك استعمالى

۱. — يورويش نظامى : المان تعليمنامه سنده مانعه قولى اطلاق اولسان دردرله قول و مستثنا احوالده و طار يوللرده ايكيشرله قول و قولك بونى قيصالتقى ايجون طاقله ويا نصف طاقله بلوك قولى و درين قولدر .

= ۴۷ =

۲۰- اجتماع نظامی

بلوك ايچون : بلوك قوليدر ،

طابور ايچون : يورويشدين اول ويا يورويش اوزره ايكن ،

دائما درين قولدر ،

بوندن بشقه احوالده ترجيحاً چفت قولدر ،

محاربه دن صكره : كنيش قولدر .

۳۰- مانوره نظامی

بلوك ايچون : بلوك قوليدر ، دشمن آتشي التده تافاتك

آزالمسيچون صف حرب دخي مستعملدر ،

طابور ايچون : دشمن آتشي خارجنده :

درين ، كنيش وچفت قولدر ،

دشمن آتشي داخلنده :

بر بوندن آچيلمش بلوك قوللريدر .

۴۰- محاربه نظامی

بلوك و طابور ايچون :

كريلرنده صف حرب ويا قول نظامنده يناشيق قطعه لري اولوق اوزره آوجي خطلريدر .

خصوصی احوالده قلعہ نظامی دخي مستعملدر .

§ ۱۸

آلای

اجتماع نظامنده طابورلر قاعده چفت قول نظامنده بر ويا ايكي خط اوزره طوردرلر .

نومرو صره سيله ترتيب اولنملري ويا اولناملري توأمدر . طابورلر اده سنده يكرمي خطوه اراق وخطلر اده سنده اوتوز خطوه مسافه ترك اولنور .

حركتلر ساده جه ايلري وكري يورويشله تبديل استقامت يعنى چرخ ويان طرفله ايكيشر

ويادردر يوريمكدن عبارتدر . ايلري وكري يورويشلرده بر استقامت طابوري تعين اولنور .

یوریشدن اولکی اجتماعلرده طابورلر درین قول نظامنده و بر بری اردنده بولنه بیلور .
محاربه یه آچلمق .

قوماندان طابورلری ایجاب ایتدکجه محاربه یه صوقار وابتدالرده کریده یقویه جفی طابورلری اکثریا قدمه تشکیل ایتک اوزره ایجابنه کوره . بر ویا ایکی جناح کیروسنده طوتار . وصرکه تازه عسکرله محاربه جهه سی اوزادیلور . وحرکت انناسنده محاربه یه آچلمق یوروش استقامتده اولور . اجتماع نظامندن بو آچلمق اساس خطی اوزرنده دخی اوله بیلور . هرایی احتمالده بوحرکت هانکی طابور اوزرینه اجرا اولنه جق ایسه اولجه تعین اولنور . واره لقلرله درینک مسافه لری ایجابنه کوره تنظیم اولنور .

آچلمش برالایک حرکتلری طابورلر ایچون یوروش استقامت نقطه لرینک تعینیه تنظیم اولنور . ولزوم کوریلورسه اوتباطک نه طرفله محافظه ایدیه جکی تعین اولنور .

الای کندی تاریخی و تربیه سنک بر الدن جیقمش اولسی وضابطاری بر برینی طانیهرق ارقداش بولنسی وایکی اوج ویا ددرت طابوردن مرکب اوله رق کندیسنی تشکیل ایدن قطعه لک عددی سیلیریه بر محاربه وظیفه سی برلکده ایفایه مخصوص بر استعداد وکفایتده در .

هر طابوره ایفا ایدیه جکی وظیفه ویریلور . و اجراسنک شکل و صورتی یعنی بلوک قوللرینک فصل آچیه جفی بیکاشیلره راغیلور .

الای جهه سیچون اساس اتخاذ اولنش معین بر امتداد یوقدر . بو امتداد مقصده وارضیه والایک محاربه ایدیه جکی دائره یه کوره تعین ایدر . یالکز باشنه محاربه ایدن برالایک جهه سی ابتدالرده یان یانه آچلمش ایکی طابورک جهه لری مجموعنی نادراً کچر § ۱۲ — نجی ایله مقایسه اولنسون .

§ ۱۹

ل


یالکز پیاده عسکریه تشکیل اولنش اک بیوک قعاعه عسکریه لوادر . وایکی، اوج، یادرت طابورلی ایکی ویا اوج الایدن مرکبدر . اک کوچک بر محله جمع اولندیفی حالده سس ایله وائشای محاربه ده ایسه انجق امر ایله اداره اولنه بیلور .

آلایک محاربه سی

پیاده تعبیه سنک (۱۸) نجی ماده سنه عاند مثال دردر


شکل (۱۲)

(۱) ۱ - آلایک ایکی خط اوزره اجتماع نظامی



شکل (۱۳)

۲ - آلایک برخط اوزره اجتماع نظامی



شکل (۱۴)

(ب) ۱ - بالکز اوله رق محاربه یه کیریله جکی شکامده بر آلایک آجیلوب یایلمسی




۲۰۰
۲۰۰
۲۰۰
۲۰۰
۲۰۰

ط
۳

ط
۲

ط



ط
۴

شکل (۱۵)

(ب) ۲. — برجانی ومثلا صول جناحی مستند آلاى

صوى جبهه -----

ط
۳
≡

ط
۲
≡

≡

ط
۱
≡
ط
۱
≡

شکل (۱۶)

(ب) ۳. — هر ايكى جناحى مستند آلاى

صوى جبهه -----

ط
۳
≡

ط
۲
≡

ط
۱
≡

ط
۱

≡ ≡ ≡

لوا

بیاده تعیه سینک (۱۹) نجی ماده سنه عاٹد مثاللردر.

(۱)

اجتماع نظاملرینه مثال

شکل (۱۷)

۰۱- جناحواری اجتماع نظامی : محاربه به بدأ ایچون دیگر نظاملره مرجعدر .

	الای ۲		الای ۱	
۲۰				
۲۴				
۳۰				
۸۴	۹	۳	۹	۳

شکل (۱۸)


۰۲- خطواری اجتماع نظامی : بونظام آتئق یوروش قولندن محاربه به آچیلوب یایلینه جفی

هنکامده سرعتله کنیش جبهه اخذینه لزوم کورلدیکنده مستعملدر .

	الای ۱		الای ۲	
۲۰				
۴۰				
۳۰				
۱۰۰	۹	۳	۹	۳


(شکل ۱۹)

۰۳ - لوا خطواری اجتماع نظامنده قطع کریکی آلائی نتیجه قطعیه استحصالی مأمول اولان جناحك خارجنده قدمه تشکیل ایلشدور .



(شکل ۲۰)

۰۴ - قطر واری اجتماع نظامی : بونظامنده لوا بالکنز باشنه محاربه ایده چك اولوب ابتدالرده طار برجیه ايله بولنور وکریده آلیقونیلان قطعهل جناحلك خارجنده قدمه تشکیل ایتمك اوزره واحتیاط صومی آلایلرك برندن تفریق اولنهرق کریده طوروره بوقطر واری اجتماع نظامی یوروش قوی نظامندن سرعتله تشکیل ایدیه ییلوب خطواری نظامك محاذ برندن وارسته در .



اشارات مخصوصه


برنجی خط آوجی زنجیری	
ایکجهی د استناد	— — —
اوچجهی د طاہور احتیاطی	≡
دردنجی د آلائی احتیاطی	≡ ≡ ≡
بشنجی د لوا احتیاطی	≡ ≡ ≡ ≡
برچیزکی طاہورلر اره سنده خط فاصل	
ایکی چیزکی آلایلر د د د	
عمومی جبهه
ط . طاہور	

تعلیمنامه ده طاہورک میدان محاربه ده کی موجودی سکر یوز اعتبار اولندیفندن بر بلوک محاربه جبهه سنک یوز متره بی تجاوز ایتما سی توصیه اولندیفته مبنی طاہورلرک بر بلوکی احتیاطده دیگر اوج بلوکلرینک برر طاقی استنادده اولق اوزره ایکیشر طاقلرینک آوه یاییلدقلری قبول اولمنسنه نظراً بر طاہورک جبهه سی اوچیوز متره بی چوق تجاوز ایتما سی اقتضایدرسه ده بوجهه نک محاربه میدانده کی موجوده کوزه تخلف ایتما سی طبیعی اولدیفندن آتیده کی شکلدرده طاہورلرک محاربه میدانده کی موجودلری التیشر یوز سلاح انداز وبلوکلرک جبهه لری یتش بش و طاہورلرک جبهه لری ایکوز یکر می بش متره اعتبار اولنمشدن .

لوالتك محاربہ سی


شكل (٢١)

(ب) ١۔ لوانك ايكى طرفى مستند اولديفنہ مبنى آوجى خطنك الك زياده قوتلى واحتياطك نسبة ضعيف اولسى .



شکل (۲۲)

(ب) ۰۲ -- لوانك محاربیه کیردیکنده برجنای مستند بولندیغه کوره آجیلوب یا یلمسی .




شکل (۲۳)

(ب) ۳. — به برطرفی مستند لوانك دها قوتلی ودها زیاده قدمه لی جناح احتیاطی اولق اوزره آچیلرب ایلمسیدر. بو بولده پایلیق دشقی قوشانی ایچون دها مساعدر. دشمن آتقی وانلنده بان بورویشلری تلافای موجب اولوب تجویز اولمیشندن عاریه به کیره چك قطعهل هانکی جبهه به مأمور ایملر اوله اوجیهه به عوداً بورویه چك وجهه ترتیب اولنور. بوسینه مینی دشقی قوشانی ایچون تشکیل اولنان جبهه تک اصل جبهه دن ایلمری طوفری احداث ایده چکی زاویه بیودیکه قوشانه جبهه سنه مأمور عسکرک اصل جبهه به مأمور عسکر دن آرائقی اولنسته

تزايد ایده چکی وبوقطه طاوور، آلائی، لوا، و فرقه طوفری بیودیکه دریشك وبوسینه مینی آرائقی دشقی چوخاله چکی جهله بوشکده (ج) حرفیه اشارت اولنان آرائقی بومطالعاته کوره تعیین اولمیدر.


آلائی

آلائی




شكل (٢٤)

(ب) ٤ - - شكل (٢٣) ده كوستريلاى برطرفى مستند لوائك صول جناحيه قوشانه حركتك اجراسى . ايلك خطده اولان بلوكلر كاملاً آوه يايلىش وايكنجى خطده كيل صف حرب نظامنده اوله دق اترك استنادلر ينى تشكيل ايتك اوزره ايلرواش و نتيجة قطبيه زمانى قىرب ايتنه مېنى مھوما درينك مسافه سى آزالشدور .



(१०)

(ب) ۵۰ — مالګر باښه عاړه په ګیران برلوانه صورت ترېږي . بوترتیده برنجی آلائی نمرض چاهنی وایکنجی آلائی مدافه چاهنی تشکیل ایتمندر .



محاربه ایچون آچلمش برلوا ایکی ویا اوج محاربه خطی اوزره ترتیب اولنه بیلور . الایلر بر برینک ارقه سنده ویا خود یاننده بولندیغه کوره . لوانک محاربه نظامنه خط واری ویا جناح واری نظام اطلاق اولنور . جناح واری محاربه نظامنده برالایی تشکیل ایدن طابورلر . درینلکه طوغری ترتیب اولمش بولندقلرندن ایلك خطده بولسان قطعه لره یعنی طابورلره عینی الایه منسوب دیگر طابورلر طرفندن مظاهرت اولنه بیلدیکندن بونظام دائماً خط واری نظامه مرجحدر . حربده حاصل اولان تجربه لره کوره الی طابورلق برلوانک محاربه جبهه سی ایلك آچلدیغنده ۱۰۰۰ دن ۱۲۰۰ متره یه قدر بالغ اولور .

لوانک حرکتلری و محاربه ایچون آچیلرسی الای ایچون مرعی اولان قاعده لره تطبیقاً اجرا اولنور .

سوارینک تەجەبە


بۆلۆك

§ ۲۰

بۆلۆك تەنظیم و تەقسیمی

سوارینک تەبە جەزۆ تەمە بۆلۆكەر . و بۆلۆك سەر مەوجودی القی ضابطە و یوز اللی آتلیدر .
 ۱- صف حزب نەظامندە بۆلۆك ایکی سەرە اوزرە دیزیلور . وایکنجی سەرە برنجیدن

اشارات مخصوصه



اوج خطوه مسافده طورر . طاقله قول نظامنده صرملر اره سنده کی مسافه برخطوه اولور . وبومسافه برنجی صره حیوانلرینک قویروقلرندن ایکنجی صره حیوانلرینک باشلرینه قدر حساب اولنور . هر دیزینک کنیشلکی برخطوه ودرینلکی طقوز خطوه در .

استقامت وتماس — یعنی حذا و برابرک — اوزنکی اوزنکی به — صف حریده — طاقک (استقامت طاقنک) وسطنده کی آتلودن آلتور . واستقامت طاقی مخصوصاً تعیین اولغامش ایسه صاغدن اوچنجی طوران طاقم اولور . بلوک دیزیلرینک عددنجه بربرینه مساوی وافراده حیوانلرینک یارارلغجه امکان درجه سنده بربریه توأم درت طاقه تقریق اولنور . صرملرده افراد حیوان اوستنده کی یوکسکلکلیرینه کوره صاغدن صوله طوغری دیزیلور . طاقلر جناح کوچک ضابطی برلکده حساب اولنقی اوزره اون ایکی دیزی قوتده بولغزسه بلوکده برطاقم نقصان تشکیل اولنور . واساس نظامده طاقلر نومرو صره سیله واره لرنده هیچ بوشلق براغلمامق اوزره صاغدن صوله طوغری یان یانه طورر .

طاقلر صاغ جناحدن صوله طوغری دردر دیزیدن مرکب قسملره تقسیم اولنور . وبوقسملره صرملرینه کوره برنجی ، ایکنجی والی آخره قسم نامی ویریلور . وهر درتده بولنان ایکی صره افرادی بردن درده قدر نومرو آلور . وطاقده بولنان دیزیلرک عددینه کوره صوک قسم درت ویا اوج ویا ایکی ویاخود بردیزیدن عبارت اولور .

طاقم ضابطلری طاقله قولده و قدمه لی قولده طاقلرینک برخطوه وسطی ایلروسنده طورورلر . ایکنجی طاقک صاغ جناحی کپروسنده صره ضابطلرندن بریسی بولندینی حالد به باش چاوش دردننجی طاقک صاغ جناحی کپروسنده طورور .

۲ — برصره لی نظام .

برصره لی نظامه کچمک ایچون برنجی صره نک آتلورلی ارالرینه برر آتلو کیره جک قدر استقامت طاقنک وسط آتلیسندن صاغه وصوله طوغری آچیلورلر . وایکنجی صره نک آتلورلی دخی انلرک اره لرینه وکندی دیزی باشلرینک صولنه کیردرلر . وطاقم ضابطلری ایجاب ایدن اره لقلری آلورلر . وبونظام آتلورلر اراسنده بر ویا ایکی ویاخود اوج خطوه اره لق بولنقی اوزره دخی تشکیل اولنه بیلور . بو حالد استقامت هر طاقک وسطندن کوزدیلور .

۳ — بلوک قوللری . § ۲۳ — نجی به باقلسون .

۴ — طاغیق نظام . § ۲۸ — نجی به باقلسون .

§ ۲۱

❧ یورویشلرک انواعی، چرخلر، آتەبنک، یرەاینک، یناشمق ❧
❧ وکری یە حذا برابرلک ایتک ❧

۱. — سواریدە یورویشلرک انواعی — عادتا، سرعتی، درت نعل، مارش! مارش! در. عادتا دقیقه ۱۲۵ سرعتی ۳۰۰ درت نعل ۵۰۰ شدتلی درت نعل تقریباً ۷۰۰ خطوه در. و برخطوه ۸۰ متر در. یورویشلرک بوقراری قوماندایله قیصالوب اوزالیر. یعنی دقیقه ۷۰۰ کی خطوه نك عددی ایجابنه کویه ازالوب جوغالیر. مارش مارش ایسه تکمیل قوتله قوشمق دیمک اولوب بوده حیوانلرک قوتلری کبی مختلفدر.

سواری حرکتلرینی قوماندایا بورو ویاخود اولجه امر اولنمش بر اشارت ویا اخبار اوزرینه اجرا ایدر. بورو ایله ویریلان جبهه اشارتی اهمیت مخصوصه یی حازدر. و برسواری قطعه سنک جبهه طرفی آمرینک بولندینی طرفدر.

سوارینک خبرسزجه واروب باصه جفی یرلرده سسله ویا بورو ایله قوماندایا حذف اولنور. وحق آتلورلک آمرلرینه دقتله باقورق آمرینی سرعتله اجرایه دائماً آلیشق وحاضر بولنلریچون دو دوک اشارتی بیله هر وقت قوللانلمز. بویله یرده بلوک سس سزجه آمرینک ارقه سندن کیدر. وکوستریلان استقامت اوشتنه ده سرعتله ویا ده قیصه اوله رق وکتدکجه محاربه یه حاضرلنی آرته رق بتون حرکتلری اشارت اوزرینه اجرا ایدر.

۲. — سواریدە تک برآتلی ایچون صاغ ویا صوله دونمک وار ایسه ده یناشیق قطعه لرده بولان آتلور ایچون بو وجهله دونمک یوقدر.

انک یرینه چرخلر وکری چرخلر ویاخود ایکیشر لیکیشر ویا ددردر ددر بر بری آردندن ایلرولیه رک چرخله تبدیل استقامتلی یعنی قول باشینک تبدیل استقامت ایتدیکی یرە بالچله قطعه لر متعاقباً کلدکجه چرخله تبدیل استقامت ایتملری ویول قوللرنده ددر ویا ایکیشرله کیری چرخلر مستعملدر.

۳. — صف حرب نظامنده طوران بر بلوك آتدن اينسى ايچون بلوك آرقه سنده كي ضابطه و باش چاوش يرنده قالور . وايكنجي صروده كي چفت نومرولر يرلرنده طور دقلى حالده سائر افراد هپ بردن ايلرى چيقار . ايكنجي صرهنك تك نومرولريله ، برنجى صرهنك چفت نومرولرى برر حيوان بويى و برنجى صرهنك تك نومرولرى ايكنش حيوان بويى ايلرولر . و طاقم ضابطلرى ايكنش حيوان بويى ايلرى وارد قدن صكره يوز كرى ايدر .

بلوك آتده بنمسيدينى بووجهله اولوب بندكدن صكره حذايه — كل ! قومانده سييله اك ايلروده بولسانلر يرلرنده قالدقلى حالده سائر نومرولر كافه سى ايلرى حركتله انلرك آره لقلرينه كيردرلر و بو وجهله ايكي صره اوزرينه صف حرب تشكيل ايدرلر .

۴. — يناشمق و كرى يه حذا برابرلك ايتك بلوكده پك قيصه مسافهلر ايچون اولور .

§ ۲۲

صف حربده بولنان بر بلوك حركتلى

صف حربده بولنان بر بلوك ، ايلرى ، كرى ، يارم يان طرفه و يا آز جوق تبديل جبهه ايتمكه برابر عادت و سرعتلى و يا خود درت نعل يورور .

سوارينك دشمن اوزرينه تعرضى هجوم ايله اولوب اوده انجق صف حرب نظامنده ممكن اولديغندن اشبو صف حرب سوارى ايچون الك مهم بر نظامدر . سكونتلى و اوزون و بر برينه مساوى درت نعل يورويش هجومك تركى قابل اولميان ايلك شرطى بولنديغندن صف حرب نظامنده بو يورويشك درجه سرعتى يعنى قرارى تعليم اولمليدر . پياده و طوپچى اوزرينه اولان هجوملرده بر صره لى خط دخى قوللانيلور . § ۲۸ — نجى يه باقلسون .

جبهه يورويشده استقامت طاقنك ضابطى يورويشك استقامتى ونوع و قرارىنى محافظه ايدر . واره لقلر بر بلوكده كي طالع لرك كندى داخلنده قالمسيون اولديغندن زياده يورغونلق اختياريله بلوكلر اراسنده بواره لقلرك تماميله محافظه سنه مجبوريت يوقدر .

• بلوڪ صف حرب نظامنده ڪري ڪيٽسيچون طاقتور ڪري ڪندي باشه يوز سڪسان درجه صاغ ويا صوله ڪري چرخ ايدر. وچرخ تڪميل اولدقدن صکره طاقتور نومرولري عڪسلشمش وایلك صره لري دکشمشم بولنورلر. وجهه بوروسی اوزرینه طاقتور صوله ڪري چرخ ايدرلر.

بلوڪده يارم يان طرفه قيصه حرڪتله، صاغه ويا صوله اڪري يورويشله اولور. وبويورويشده يان يانه بولنان افرادك ديزلري بربری ارقه سنده بولنور. واوزونجه مسافات ايجون بلوڪ قدمه لي قول نظامنی آلور. § ۲۳ — نجی به باقلسون.

قرق بش درجه به قدر جزئي جبهه تبديللري قومانداسزجه واستقامت طاقم ويا بلوڪنك يكي کوستريلان استقامتی آلمسی وديكر قطعهلرك اكا تبعية ايتسيهه اولور. ويكي استقامت قزانلجه به دڪين طيش جناح بورويشك اسكي قراردینی محافظه ايدوب ايج جناحه طوغری بوقرار قيصالور.

بيوجك جبهه تبديللري چرخلره اجرا اولنور.

§ ۲۳

❧ بلوڪ قوللري وقوللرك حرڪتلي وصف حرب نظامنك ❧


❧ تڪرار اخذی ❧

۱. — طاقتور قول طاقتور جبهه به عموداً ومتعاقباً ايلروملريله وياخود هب بردن بر ريع (طقسان درجه) چرخ ايتليله حاصل اولور. طرز اخيرده صف حربده ڪي يورويش استقامتنك محافظه سي التزام اولنورسه جناح طاقتي چرخ ايتيهرك طوغری يورويشنده براقيلور.

طاقتور قول بلوڪ اجتماعي واصل مانوره سيچون مستعمل برنظاميدر. بلوڪ بونظامده سهولته حرڪت ايدوبيلور. وسرعتله هرجهته صف حربه ڪجهه بيلور. وبوقول نظامی دائماً بعد تاملي اولور. يعني قولي تشڪيل ايدن قطعهلرك برنجي صره دن برنجي صره به حساب اولنق اوزره ارالرنده ڪي بعد مذکور قطعهلرك جبهه لرينه مساوی بولنور. § ۴ — نجی به باقلسون.


شكل (۷)

سواری بلوكنك طاقله
قول نظامی




شكل (۸)

سواری بلوكنك صف حرب نظامندن استقامت
طاقی اوزربه طاقله قول نظامنه یکسی



شكل (۹)

سواری بلوكنك صف حرب
نظامندن صاغدن ایلری
طاقله قول نظامنه یکسی




۲. — قدمه‌لی قول . آلمان تعلیمنامه‌سنده یارم قول دخی اطلاق اولنان بوقول تکمیل طاقلرك

عینی زمانده بر ویا اوج ثمن مقداری چرخ ایتملریله حاصل اولور . اشیبو قدمه‌لی قولده طاقم ضابطلری بر برندن برطاقم کنیشلکی مسافده ایسده طاقلر تماماً بر بری ارقه‌سنده اولیوب هر طاقم کندی داخل جناحیله ارقه‌دن کلان ومذکور جناحی طاشان طاقك خارج جناحندن دوت دیزینی ستر ایدر . بو حواله بر بری ارقه‌سنده بولنان ایکی طاقك بر برندن عموداً مسافلری طاقم کنیشلکندن براز نقصان اولور . بوقدمه‌لی قول قطراً حرکت ایتك وطاقله قول مثللو مانوره ایتك ایچون استعمال اولنور .

دردر یور ویش قولی طاقم قولندن ومستثنا احوالده صف حربندن دردردر ایلری چیقهرق ویا چرخ


شكل (۱۰)

سواری بلوكنك صاغدن ایلری قدمه لی
قول نظامی



شكل (۱۱)

صف حرب نظامندن طاققرله اوج ثمن یعنی
بوز اوتوز بش درجه چرخ ایدرك قدمه لی
قول نظامنه یکمسی



ایدیلهرک حاصل اولور . وایکیشر یورویش قولى ایسه دها کنیش اولان نظاملرک هر برندن
تشکیل اولنور . شكل (۱۲) ب شكل (۱۲) د

دردر قوله قسملر بر برینی تعقیب ایدر . وایکنجی صره افرادی کنیدی برنجی صره لرینک
صاغ طرفی ارده لقلری کریسنده ایوجه صوقولمش اولدقلری حالد و بر برینی تعقیب ایدن قسملرک عموم
برنجی صره لرینک عینی نومروده بولسان افرادی بر استقامتمده وایکنجی صره لرینک عینی نومروده
بولان افرادی دخی اولوجهله بر استقامتمده بولنورلر .

طاقم ضابطلری صف حرب ایدیلهرک طرفده یعنی صاغدن ایلری چیقمش قوله صول طرفده
وصولدن ایلری چیقمش قوله صاغ طرفده کنیدی طاققرینک ایلک قسملرینک یاننده کیدرلر .


ایکیشر قوله اک اول برنجی صره نك ایلک ایکی آتلیسی وانلرک ارقه سنده وایکنجی صره آتلیلری
دردر قوله کی اصول ایله نهایته قدر بوجهله دوام ایتمک اوزره کیدرلر .

سفر موجودلی برسواری بلوكنك دردر قوله درینلکی ۱۰۰ متریه وایکیشر قوله ۲۰۰ متریه
وضابطلرک بئک ایچون برلکده بولندیردقلری یدک بازگیر لريله ۱۲۰ و ۲۴۰ متریه واصل اولور .

يورویش انسانده بلوك يوزباشيسيله طاقم ضابطلری بلوك وطاقلارك نظارتی ایچون اقتضایدن یزده
وبلوكك ارقهسنده دخی بر بوریزن بولنور .


شكل (۱۲) ب

بلوكك دردله يورویش قول نظامی



شكل (۱۲) ا

بلوكك ايكيشرله يورویش قول نظامی



قوللارك حرکاتلری

بر قول يورویش استقامتنی تبدیل ایدمك ايسه يالكز قول باشی دوزر ویا چرخ ايدر . وارقه دن


کلان طاقلر ویا قسملر ویا دیزیلر عینی یرہ کلدجکہ چرخ ایدرلرکہ المائلر بوتبیدیل استقامت حرکتہ . چنکلواری چرخ اطلاق ایتشلردر .

ایجابندہ جناحلرک قیرلہ بیلسمی یعنی اورالردن کری یه ایجابی قدر دیزی ترک ایدلسی طاقم کنیشلکنده بولنمیان طار یرلردن بیلہ طاقلہ قول نظامندہ کچیلہ بیلک ایچون برسهولتی موجب اولور . جبهه ده کچمه جک دیزیلر ایکی جناحدن قیرلهرک کری ترک اولنورلر . وپونلر ارقه دن کلان طاقک ضابطی یانته ایوجه صوقولورلر .


❧ قوللردن صف حربہ کچیلسمی ❧

۱. — طاقلہ قولدن ایلک طاقم ایلری یورویشنه دوام ایدوب دیگر طاقلر اکری یورویشلہ صاغہ ویا صولہ آچیلهرق ایلری صف حرب نظامنه کچلیدیکی کبی تکمیل طاقلر بر ربع چرخ ایدرک صاغ ویا صولہ صف حربہ کچیلور .

شکل (۱۳) ب
بلوک طاقلہ قول نظامندن جبهه سی
ایلروسنه صف حرب تشکیلی



شکل (۱۳) ب
بلوک طاقلہ قول نظامندن صاغہ ایلری
صف حرب نظامنه کچمی



۲. — قدملی قولدن ایلک طاقم ایلری یورویشنه دوام ایدوب دیگر طاقلر اکری یورویشلہ ایچ طرفه آچیلهرق ایلری صف حرب نظامنه کچلیدیکی کبی تکمیل طاقلر بر ویاخود اوج ثمن چرخ ایدرک ویاخود اولاً طاقلر اوکنده بولسان طاقک جبهه سنه شاقولاً ارقه سنه کچوب صکره دخی چرخ ایلهرک صاغ ویا صولہ بش مختلف استقامتده صف حرب نظامنه کچیلور .

۳. — دردر ویا ایکشر یورویش قولرزدن اولاً طاقله قوله وصره دخی صف حربه کچیلور .
اگر عجله ایسه اولاً قسملر ویا یارم قسملر عینی زمانده چرخ ایدرک وصره دخی استقامت طاقنک .
وسط آتلبسی اوزرینه پناشهرق جناحردن برینه صف حرب تشکیل اولنور .

آلای


§ ۲۴

الایک نظام وحرکتلر

(۱)

(۱) — الایک صف حرب نظامی .

شکل (۱۴)
صف حرب نظامنده برالای



اشارات مخصوصه

- ⊕ الای قوماندانی وارکانی
- یوزباشیلر
- طاقم ضابطلری

بلوکلر ادااسنده کی ارده لقلر ۶ خطوه در .


صف حرب نظامنده بولنان بر الایک حرکتلری بلوک ایچون کوسترلمش اولان اساسلر اوزرینه
اجرا اولنور . § ۲۲ — نجی به باقلسون . صف حرب نظامنده یورورکن بلوکلر کندی باشلرینه
پناشیق بولنورلر ایسه ده حذایی ویورویش قرارینی وارده لقلری واستقامتی استقامت بلوکلر آلورلر .
واستقامت بلوکی دخی درت ویا بش بلوکی الایرده صاغدن اوچجی بلوک ووج بلوکی الایده وسطده کی بلوک
اولور . واکر استقامت ایچون بشقه بر بلوکلر تعیینی اقتضا ایدر ویا الایک یالکز ایکی بلوکی بولنورسه استقامت
بلوکلر تعیینی ایچون مخصوصاً امر ویریلور .

یانله طوغری قطراً حرکت ایچون الایده طاقلر یارم صاغه ویا یارم صوله چرخ ایدرلر .
یان طرفه طوغری یارم ویا بتون تبدیل استقامتلر اولا طاقلرله ویا بلوکلرله چرخ ایدیلرک یکی استقامت
دونلمسیله و سکره دخی اشبو استقامت اوزرینه تکرار صف حرب تشکیل اولنمسیله حاصل اولور .

(۲) — خط قولى نظامى صف حربدن هر بلوكل جبههیه عموداً طاقله قوله کچمسیله تشکیل
اولور. بو وجهله حاصل اولان خط قولى نظامى الایک صف حربده بولندینی موضعک ایلر وسنده اولوب
بو تشکیلک کرییه طوغری اجراسی ایچون بلوکلرده صول جناح طاقلری صوله کری چرخ و دیگر طاقلر
انی تعقیب ایدرلر . کندی باشلرینه بو وجهله طاقله قول تشکیل ایدن بلوکلر ارده لرند صف حرب
کچمک ایچون اقتضا ایدن اوج طاقم جبههسیله الی خطوه بوشلق وایک طاقلری بر حذاده بولندینی
حاله طوردرلر .

خط قولى نظامى الایک اساس مانوره نظامیدر و بونظامدن هرجهته صف حرب کچیله بیلور
وبلوکلر ارده سنده کی ارده لقلر ایجابنه کوره موقتاً ازانلیوب چوغالتیله بیلدیکندن بونظامده بولنان الای
هردرلو اراضیه اویه بیلور .

شکل (۱۵) خط قولى نظامى



(۳) — اجتماع قولى نظامى . قاعده خط قولى نظامندن حاصل اولور . یورورکن بشقه
وطورورکن بشقه صورتله تشکیل اولور .

یورورکن بلوکلر قول باشلرینک دونغری و دیگر طاقلرک آنی تعقیب ایلملریله استقامت بلوکی
ویاتمین اولنان بلوک اوزرینه یناشورلرو بوبلوك دخی یوروشنی قساتور .
طورورکن استقامت بلوکی ویا تمین قلنان بلوک برطاقم کنیشلیکله الی خطوه ایلرولر . دیگر
بلوکلر طاقله بر ربع چرخ ابتدکن سکره اوکلرینه طوغری یورورلر و تکرار چرخ ایدرک جبههیه
کیردرلر . بو وجهله هربری کندی باشنه طاقله قول نظامی تشکیل ایتش اولان بلوکلر الی خطوه ارده لقله
یان یانه وقول باشلیری بر حذاده طوردرلر .

شکل (۱۶)

اجتماع قولى نظامى



اجتماع قولى الايك اساس اجتماع نظامى اولوب الك كوچك
بر محله اجتماعه مساعددر . بونظامده كينشلك دها از اولديقتدن
استقامت تبديللريده خط قولى نظامندن دها قولاي اجرا اولنور . لکن
بوکا مقابل بونظامدن صف حربه آچيلمق دها کوچ دشمن مریلرینه
بونظام دها بیوک هدف وارضی اوزرنده دها زیاده مشکلاته مصادف اولور . ایسته بواسبابه مبق
میدان محاربهده مانورلر ایچون دشمندن انجق زیاده اوزاق مسافهلرده استعمال یقین مسافهلرده
خط قولى ترجیح اولنلیدر .

(۴) — الايك طاقله قول نظامى .


بونظامده طاقله قول نظامنده بولنان بلوکلر برطاقم کنشلكی والتی خطوه مسافه ایله بر استقامتده
وبر بری اردنده طورورلر .

طاقله قول نظامى یورویشدن اولجه بعضاً اجتماع ایچون دشمندن اوزاقجه مسافهلرده حرکت
ایچون قوللانیلور و یورویش قولندن چیقلمغه مجبوریت حاصل اولدقده قاعده بونظامه کچیلور .

شکل (۱۷)

طاقله قول نظامنده

الای



(۵) — آلايك يورويش قول نظامى .

دردر ویا ایکشر قول نظامنده بولنان بلوکلر بر استقامتده وبر بری
اردنده طورورلر . محاربه وتعلم میدانلرنده بلوکلر اراسنده کی مسافه التی خطوه
ویورویش ائناسنده یکرمی خطوه اولور .

(۶) — آلايك طاقله چفت قول نظامى .

بعض خصوصی احوال ایچون طاقله چفت قول نظامى فائده
ویره بیلور وقوللرک آیری آیری نه قوتده بولنه جقلری وارالرنده نه قدر
ارالق براته جقلری امر ایله تمین اولنور . یورویش استقامتک مولنده
بولنان قول دیگر ایچون استقامت ویرر .

﴿ قوللرك حركتلری ﴾

قوللر ایلری، کری، ویانه ویاخود یارم یانه واز جوق یورویش استقامتی تبدیل ایدرك حرکت ایدرلر .

قوللرك ایلری وکری حرکتلری صف حرب نظامنده کی ایلری، کری، حرکتلری کی اجرا اولنور . وبتون قوللرك لا اقل بر طاقم کنشلیکی قدر کری کیمسی طاققلره کری چرخ ایدلمسیله اولور . یارم یان طرفه اولان حرکتلر یا قول باشیلرینک یکی استقامته دونملریله ویاخود طاققلره چرخ ایدلمسیله اولور .

خط واجتماع قولی نظاملرینک استقامت تبدیللری الای قوماندانی طرفندن استقامت بلوکنه امر اولنمسیله اجرا اولنور .

الای قوماندانی اجتماع قولی نظامنده بولنان برالای بونظامنده بولندیقی حالده مجتماً چرخ ایتدیرر ویاخود کوچک برزایوه ایله تبدیل استقامت ایتدیره بیلورکه بوحالده بولنان دزت طاقم عادتاً صف حرب نظامنده بر بلوک ایش کی چرخ ویا تبدیل استقامت ایدر وارقه ده کی طاققلر دخی انلری تعقیب ایلر .

خط قولی نظامنده بولنان الایده اولاقول باشیلرینه صاغه ویا صوله چرخ ایتدیریلرک طاققله قول نظامنه کچیلور . بعده یکی جبهه اوزرینه تکرار خط قولی تشکیل ایدیلرک جناحلردن برینه طوغری تبدیل استقامت ایدلمش اولور .

طاققله قول نظامنده بولنان الایده قول باشی یعنی قولک باشنده بولنان قطعه کوچک برزایوه ایله دونلرک ویا صاغه یاخود صوله چرخ ایدرك وارقه دن کلان قطعه دخی انی تعقیب ایلرک تبدیل استقامت اولنه بیلدیکی کپی طاققلری صاغه ویا صوله چرخ ایله بعد تاملی بلوکه قول نظامی حالنه کیرمش اولان خط قولی نظامی ویا یناشق بلوکه قول نظامی انه کیرمش بولنان اجتماع قولی نظامی دخی اولوجهله تبدیل استقامت ایده بیلور .

§ ۲۵

﴿ قولدن صف حرب نظامنه کچمک ﴾


۱. — خط قولی نظامنده بلوکلر ایلك طاققلری اوسته ایلری صف حرب تشکیل ایدرك

الای صف حرب نظامه بجر . طاقلری صاغه ویا صوله چرخ ایله بعد تاملی بلوکه قول نظامه بکشمش بولنان برالای (شکل ۱۸) ب ده کوردلیکی وجهله صف حربه کیرر .


۲. اجتماع قولى نظامندن :

اولا خط قولى نظامه کچیلوب صکره بالاده کوریلان اصول اوزره ایلك طاقلر اوسته ایلری صف حرب تشکیل اولنور . ایلری یورورکن صف حرب تشکیلچون خط قولى نظامه کچیه جکی انشاده اصولی وجهله استقامت بلوکی اوکنه یورویه رک دیگر بلوکلرک اندن اراق آلمرینه وایلك طاقلرینک کاملاً بر حذایه کلرینه وقت مساعد دکل ایسه استقامت بلوکی در حال ایلك طاقم اوسته ایلری صف حرب بجر و دیگر بلوکلر دخی پیدرپی اراق الوب انک حذاسنه کلدکجه صف حرب تشکیل ایدر .

شکل (۱۸) >



شکل (۱۸) ب
الایک بعد تاملی بلوکه قول نظامندن
یورویش استقامتده صف حرب تشکیلی



طاقلری صاغه ویا صوله چرخ ایدرک بلوکه یناشیق قول حاله کیرمش اولان اجتماع قولى نظامنده باشده بولنان بلوکه اوکنه کیدر . دیگر بلوکلر طاقله صاغه و صوله چرخ ایله لزومی قدر مسافه الدجه طاقله تکرار صوله و صاغه چرخ ایدرک یکی جبهه یه کیرر لر (شکل ۱۸) > .

(۳) — طاقله قولدن :

- (۱) — صاغ وياصوله طاقلرله چرخ ايديلهرك
- (۲) — باشده بولنان بلوك درحال ايلك طاقى اوستنه ايلرى صف حربيه كچهرك. وديكر بلوكلردن ايكنجى. و اوچنچى بولنان بلوكلر صاغ و دردنچى بولنان بلوك صوله اولق اوزره قول باشلريله عموم قولدن چيقوب ايجابى قدر اراقى الدقندن صكره تكرار ايلرى تيديل استقامت و باشدهكى بلوك حذاسنده ايلك طاقلرى اوستنه ايلرى صف حربيه كيررلر .

(۴) — دردر ويا ايكيشرله يورويش قولندن :

- (۱) — اولاقاعدهسى وجهله طاقله قول و صكره دخى بالادهكى اصول اوزره صف حرب تشكيل اولتور .
- (۲) — هر دردك صاغ وياصوله چرخ ايتميه صف حربيه كچيلور . بونده ايلك اول بلوكلر كندى كنديلرينه يناشورلر و صكره دخى استقامت بلوكى اوستنه اقتضاسنه قدر ياقلاشورلر .
- استقامت ايچون تعيين قلنان ويا قولك باشنده بولنان بلوك يكي استقامته دونهرك و آلمسى آرزو اولنان نظام ايچون امر و يريلهرك نظام تحويللرى استقامت تيديللريله برلشديريله بيلور . و هر بلوك يوز باشيسى دخى بلوكنى اقتضا ايدن يره اك قيصه يولدن كوتورور .
- سهولتله حركت ايدنه بيلان سوارى قطعهلرى و ملكه و مهارتلى آمرلر سريع و منتظم و مقصده اك موافق استقامت و نظام تيديللرينك عيى زمانده لزومى كشف ايله درحال امر و يروب اجرا ايتديرمك خصوصنده سرعت و اصابته تميز ايدرلر .

صف حرب و قول نظاملرينك بربريله مقایسه لری

صف حرب سوارینك اصل محاربه نظامیدر . و هر نه قدر قاعده قول نظامنده هجوم ایدلر سده کندی اوزرینه کلان بر هجومی سوارینك یرنده بکلمسی اصلاً جائز اولدیقندن صف حرب آجیلدی ایچون زمان و میدان قالدینی حالده هانکی نظامده بولنورسه بولنسون سواری همان دشمن اوسته آتلمیدر . لکن صف حرب نظامنده بولنان ابو بر سواری قطعسی انجق بونظام سببيله قول نظامنده بولنان عینی قوتده کی سواری قطعسه فائق اوله جفندن سوارینك یوقاروده سویلندیکی وجهله قول نظامنده ایکن دخی هر شیئی کوزه آلدیره رق دشمن اوسته آتلمسی چاره سز بر حاله بر یجك چاره قیلندندر . هجومك موفقیتی اك زیاده مصادمهك شدته واسلحه جارحہك استعماكه متوقف اولوب بو ایسه صف حربده كاملاً و قولده ایسه قسماً ممکن اولور و بوندن بشقه صف حرب عددجه کندیسی ایله بر قوتده بولنان قوله کنیشلکجه فائق اولدیقندن صف حربك جناحلردن طاشان قسمی قول نظامنده کی دشمنی قوشاتق وضعیف نقطه سی اولان یاننه صالدرمق فائده سنی استحصال ایدر .

یانلری اوزرینه هجوم اولنان سواری خصمنی یرنده بکلیان سواری کی مطلوبدر . اکثریا دشمنك یانلریله ارقه سنده هجوم اولنمه مساعد نقطه لر بولنه بیلور . بویله نقطه لر کشف اولندی ارتق هجوم اثر اوسته چوریللمی واصل مصادمهك جبهه اوسته توجیه اولندی زمانده بيله خصمك جناحلرینی طاشمغه غیرت ایدلمیدر .

ایشته بورادن سواری ایچون مانوره یه و حرکتی زیاده سیله قابلیت لزومی نمایان اولور . و بو قابلیت ایسه صف حربده یوقدر . چونکه اونظامده استقامت تبدیللری مشکلددر . و بوندن بشقه صف حرب کنیش جبهه ایله حرکتی مساعد اراضی یه محتاجدر . اوده انجق شوراده بوراده و پك محدود صورتده بولنور . ایشته بوسیلردن سوارینك مانوره ایچون قول نظامنه احتیاجی اولدینی اکلایشلور . و قول نظامی ایسه اراضی اوزرنده حرکتی اك زیاده قابلیتله برابر اك زیاده سرعتله وساده حرکتله صف حرب نظامنه کچمکه مساعد اولمیدر که مختلف قول نظاملرينك محاربه میدانده استعماله قابلیت بومقیاس ایله اولچیلور .

مُحَارَبَةُ

۲۷ §

سوارى هجومه دائر مطالعات عموميه

۱. — هجوم دشمن اوسته متوجه متزايد سرعت وصف حرب اوزره اجرا اولنور بر حرکت اولوب مقصدى دشمنى آت اياقلىرينه چيكنتمك واسلحه خارجه استعماليله محاربه يه اقتدارسز قيلمقدور . هجومدن بكنيلاق اصل مقصد افرادك ايوجه يناشيق اولمى ومصادمه نك شدتلى بولمسيه تحصيل اولنور وبوشرطر فائق بر قوته قارشو غلبه يه بيله كافل اولور .

عسكر ، طاقله قول ويا قدملى قول ويا خود خط قول نظاملرنده سرعتلى ودرت نعل حر كنده ماهر اولمى و دشمنك يانلرى اوسته واره بيلمك ايچون هر زمان يورويش استقامتى تبديله آليشيق بولمليدر . بردفعه هجوم استقامتى قزانلدينى كچي صف حربه آچيلنور وبونك تام زمانى الدن قاجير مامق آمرلر ايچون مهم بر صنعت عد اولنور .

۲. — هجوم ايدن خطك اوكنده كي اراضى يي كشف ايچون دائما ايلروده كشافلر يوريديلور وبر بلوك ايچون بونلر بر كوچك ضابطله لاقلا ايكي نفر اولوب تصادف ايدم چكلى موانى وقتيله اوزاقدن اشارتله خبر ويررلر ومثلا كچيله بيله جك اراضى ايچون مزراغنى شاقولا قالد يروب كچيله ميه جكنى اكلا تمق ايچون افقا قالد يررلر و دشمنك حر كاته دائر معلومات دخي ويررلر . بوكشافلر بلوكلرينك هجوم يورويشنه قالد يفسده جناحلردن طولاشوب صره ضابطلرى حذاسنه كيرر وبلوكلرينه التحاق ايدرلر . كونيكفرتس محاربه سنده در درنجي هوسار الاينك هجومنده اولدينى كچي

بوندن بشقه لزوم كوردليكي صورتده جناحلرده قاعده بر كوچك ضابط ويا اونباشى ايله ايكي نفر دن مركب اولمق اوزره محاربه كشف قوللرى يوريديلور . بونلر جناحلرده كي اهميتلى وقوماتى وقتيله خبر

ویرلر . وهجومه اشتراك ايتيوب او ائنده دخی کشفلرینه دوام ایدرلر . الایک هجومنده ایلری کوندریلان کشافلر ضابطلر قومانداسنه ویرله بیلور . وجناخلرده کی محاربه کشف قوللرینه ایسه قاعده ضابطلر طرفندن قومانده ایدیلور .

خسسه یقین وارلدینی کی تکمیل قوتله قوشولمغه باشلانور هجوم قومانده سی وشارتیه اک آغر کیدن حیوانلرک یورویشلری نه قدر مساعد ایسه اودرجه ده واک زیاده سرعتده یوریلور وهر صره افرادی بر برینه ایوجه یناشمش اولمغه برابر صره لر بر برندن ایوجه تفریق اولنمش بولنور . مزراقلولر مزراق طاورانور وقلنجولر دورتمک وضعی آلور . و ﴿الله ! الله﴾ صدالریله دشمن اوستنه آتیلور .

§ ۲۸

مختلف هجوملر

(۱) — سواری یه قارشو هجوم .

۱. — اخذ اولنه حق نظام : قاعده صف حرب نظامیدر والای قومانداننک استعمال

ایده مدیکی ویا ایتک ایستمدیکی بلوکلر قول نظامنده اوله رق بر جناح ارقه سنده کیدر واحوال صف حرب آچیلماق ایچون مساعد دکله قدمه نظامی اخذ اولنور والایدن بیوک اولان سواری قطملری اکثریا بر قاق خط اوزره ترتیب اولنور .

طاغنیق نظامده هجوم، دشمن سوارینک هجومی قبول ایتامسی ویتیشیه بیهلرک برمسافده یوز کری ایتسی احتمالنده مستعمل اولوب بو حواله تکمیل ویا بر قسم قوتله طاغنیق نظامه کچیلور ویا لین قیلنج دشمن ارقه سندن قوشیلور (آوجی هجومی)

۲. — نه یورویشله حرکت اولنه جغی .

سواری اوستنه هجومده دشمن آتلورلیله قلیج قلیجه کلندیکی زمان ایچون وئکره دخی

دشمنی تعقیب همچون حیوانلرک نفسلری کسلش اولماق لازم اولدیغندن دشمنک اولجه محاربه نظامنی اخذ ایتمش اولدینی ویاخود صف حربه آچیلغه دهایی باشلامش بولندینی احتماللری بر برندن تفریق اولنور .

اولجه محاربه نظامنی آلمش اولان بردشمنه قارشو ممکن اولدینی مرتبه چوق وقت تیریس یعنی سرعتی یورویشده قالینور . اگر طار بر یردن کچدیکی زمان اولهجنی کبی دشمن صف حرب آچغه دهایی باشلامش ایسه بودقیقهدن استفاده ایتملی واک اوزاق یردن درت نعل ایله دشمن اوستنه آتلمقدن چکاملیدر . چونکه دشمنه بو وجهله ویریهلجک شاشقینلق موفقیت امیدلرینی تریید ایدر .

۳- دشمن سوارسیله چارپیشیلیمی و بر برینه کیریشیلیمی .

دشمن سوارسی ییقبوب چکنه مک ایچون صف حرب زیاده صیق اولمی و تکمیل قوتله قوشملی وهر آتلی چاوشدینی دشمن آتلیسی دورتوب دلیکی قویاً قورملیدر . تجربه اولندیغه کوره برسواری قطعه سنک ییقیلوب چیکنانمسی پک محدود صورتده وقوعه کلور . چونکه هجوم یورویشندن صف حربده بولنان آتلورلر بر برندن براز آچیلور چارپیشیلهجنی زمان دشمن آتلوریهل بزمکیلر بر برینه کیریشور و بعض یرلرده بری طرفک آتلوری او بر طرفه و او بر طرفک آتلوری بو طرفه کچر .

خطار بر بری ایچنه کیردیمی ارتق دشمنله قارمه قاریشیق اولنور و بوندن صکره موفقیت اسلحه جارحه نک مهارتله استعمالنده و حیوانلرک کوزل سوقنده و نفسنی مدافعه ایدن هر دشمن آتلوسنک ایشنی بتورمک ایچون عسکر مزک بر برینه چابوق یاردم ایتمسده ارانیلور .

۴- تعقیب .

دشمن بزم عسکرله ده قاریشمزدن اول ویا صکره فرار ایدرسه هجوم موفق اولمش دیمک اولدیغندن ارتق تکرار طورمغه و طویلانمغه زمان قالماق ایچون شدتله تعقیب اولنمی و قزانیلان بو مظفریتدن صوک درجه استفاده یه قالشملیدر .

سوارینک اک ضعیف آتی موفقیتلو هجومدن صکره کی زمانی اولوب هجوم ایله قزانیلان موفقیتک تعقیب ایله تهلکیه القا اولدینی و بلکه مغلوبته بیله میدان ویرلدیکی واقع اولدیغندن هم تعقیب ایدن عسکرک ارقه سنی تامین ایدرک تعقیبه قوت ویرمک و همده دشمنک ملحوظ اولان

مقابل هجوملرينه قارشو كلك ايچون هجومدن سكره الده يناشيق قطه‌لر بولنديرلمليدر .
ويو نويل محاربه سنده اون برنجي واوون يدنجي هوسار الايلرينك هجومنده واقع اولديني كې .
ايشته بوسيدن آمرلر بالفعل دشمنك ارقه‌سنى تعقيب ايتيان آتلورى چارچابوق براراي
طوبلارلر وانلردن يناشيق قطه‌لر تشكيل ايدرلر .

دشمن ايله ده چارېشامش يناشيق قطه‌لر وار ايسه آنلرده دشمنى تعقيب ايدرلر
ودشمنك بسبتون فرار ايتسسه همت وطوروب تكرر تعرض احتماله مقابله ايلرلر .

۵. — طوبلانمق .

طوبلانمقده مهم اولان شي چارچابوق ايكي صره‌لى برصف حرب تشكيلى اولديغندن
درحال استعماله صالح بويله برقطه‌لر عسكريه حاصل اولمق ايچون افرادك اسكى طاقم
وصره‌لرينه باقلميرق غايت سرعتله پكيدن صره وطاقم ترتيب اولنور .

(ب) پياده‌يه قارشو هجوم

۱. — يورويش حالنده بولنان پياده عليه‌نه ترجيحاً قولك باشنه ويا نهايته هجوم اولنور .

۲. — برمحاربه ابتدالرنده پياده‌نك درينلكنه طوغرى اولان ترتيباتى ده موجود بولنه‌جفتدن
سواري‌يه قارشو مدافعه ايچون يانلريه جبهه‌سى تقريباً عيني قوتده در . ايشته بوسيه مېنى هجوم
اولنه‌جق نقطه‌نك انتخابى ايچون اراضى اوزرنده ترجيحه سبب اوله‌جق برشى بولنديني حالده كچيله‌جك
يولى اك قيصه اولان نقطه راجح طوتلمليدر .

۳. — پياده محاربه‌سى نتيجه‌يه ياقلاشدقجه درينلكنه اولان ترتيباتى وبوسيه مېنى يانلره قارشو
آتش مدافعه‌سى آزاله‌جفتدن يانلره هجومده جبهه‌يه هجومدن زياده موفقيت احتمالى كوريلور .

۴. — پياده عليه‌نه اولان هجومده سواري ايلك اول مستوراً ايلرولمكه وخبرسزجه باصمغه
غيرت ايتلمليدر . بونك ممكن اوله‌ماسى احتمالنده آتشك تاثيرلى منزلنده بوليله‌جق زمانك قيصالمسى
ايچون سواري عسكرى اوزون مسافاتى صف حربه آچلمش اولديني حالده درت نعل ايله كچمكه
جبور اولور . اراضينك حالى وحيوانلرك قوتلرى مساعد ايسه يورويشك قرارى يواش يواش

یو کسبیلور و بورده هجوم ! یوروشی مجبوری دکلدیر .

آز صاریلمش بر پیاده اوزرینه پینلرنده اک چوق ایکی یوز خطوه بعد اولق اوزره بربری آرقه سندن بر ایکی نهایت اوج قدمه ایله هجوم اولنور وایلك قدمه آتلور اره سنده زیاده جه اره لق اوله جق وجهله بر صره اوزره تشکیل اولنوب دشمنك ایلك خطلرینی یارارق ایوجه ایجری کیرمه غیرت ایدر و کیریکی قدمه لر ایسه ایلك قدمه نك طوقونم دینی و یا خود یاروب کجدیکی پیاده قطعه لری اوزرینه دوزلر و یا ایلك مصادمه ایله مقاومتی قیرلیان محله قارشو هجومی تجدید ایدرلر .

بیك سکز یوز التمش الی سنه سی اوستریا محاربه لرندن کوستوجه محاربه سنده واقع اولدی بی وسن قانتن محاربه سنده برنجی احتیاط دراغون الاینك حرکتی و جزال کون قومانداسی التنده برنجی اردونك حرکتی کی . دشمن پیاده سنه طاری اوله بیلیمسی محتمل اولان امنیتسزلك وانتظامسزلق و شاشقینلق و زیاده تلفات و جیحانه سزلك کی مساعد احوال دن قطعی و سریع صورتده استفاده اولمیلیدر . مارسلا طورده خاصه دراغون الاینك هجومی وینه مارسلا طور محاربه سنده بره دونك هجومی کی .

(ج) — طوپچی یه قارشو هجوم

آتش ایتمکده اولان طوپچینك جبهه سنه قارشو سواری عسکری چاپوق و آتلك نفسلری ده کسلماش ایکن واره بیلیمک ایچون اوزاق مسافه دن کنیش جبهه ایله ودرت نعل یوروشله هجوم ایدر . برنجی خط آتیلر آره سنده آره لقلر ترك اولنق اوزره بر صره ترتیب اولنور و بونك ایکی یوز الیدن اوچیوز خطوه قدر کریسنده بیوک آره لقلرله آیری آیری یناشیق بلوکلر بولنور . (بشخی زرهل سواری الاینك طوپچاوده کی هجومی کی)

هجومه دشمن طوپچینك یالکز جبهه سی مساعد اولسه دخی محافظه سی ایچون ایلرولسی ملحوظ اولان دشمن سواری سنك مقابله سی ایچون کیرودن هیچ اولزسه بر قدمه سواری یوریدلمیلیدر . اصل هجوم دشمن طوپچینك یانه و یا آرقه سنه و یا محافظ عسکرینه توجیه اولنسه بيله عینی زمانده جبهه یه قارشو دخی حرکت اولنورق دشمنك آتشی اوجهته جلب ایدلمیلیدر . بوندن بشقه دشمن طوپچینك محافظه سنه مأمور اولان پیاده و یا سواری عسکری هجومک بدایتنده کورلمسه بيله آتله دخی عینی زمانده محاربه طبیی اولدیفندن ترتیبات اکا کوره یاپلملی و انجق بو محافظ عسکرینك مغلوبیتله طوبلرک ضبطی امید اولمیلیدر . (مارسلا طورده اون برنجی و اون یدنجی هوسار الاینك هجومی کی)

ضبط ایدیلان طویلر محافظه ایدیه مرسه یا در حال کری کتورالی و یا خود امکان درجه سنده قوللانمز برحاله قونمیلدر .

۲۹ §

سوارى فرقه‌سى

محاربه ده بر طاقم بحرانلى زمانلر كلوركه هيچ تلفاته باققسزین دها صارصلمامش بر پیاده به قارشو کیتلو سوارینک استعمالی ایجاب ایدر (و یون و یلده اولدیگی کبی)
بهری ایکیشر آلایلو اوج لوا ایله اوج و یا درت بطاریه لو بر سوارى طوبجی طابورندن و بر استحکام مفرزه سندن مرکب سوارى فرقه‌سى ایلك هجومده دشمنی چیکنه بهرک مظفریتی تأمین ایده جک صورتده انقسام ایدر . § ۴۶ — نجی به باقلسون . برنجی خط برلواندن قوتلو ترتیب اولنه بیلور و بوخط آرقه دن و یا نلردن دیگر خطرله استناد ایتدیریلور و ایلك اول ایکنجی خط اکثر یا تهدید ایتک ایستیان و یا تهدید اولنان جناحه تفریق اولنور و اوچنجی خط فرقه قوماندانک الی آلتنده احتیاطی تشکیل ایدر . مستقل بولنان بر سوارى لواسی عینی قاعده لره توفیقاً حرکت ایتدیگی کبی میدان محاربه ده بر مقصدک حصولی ایچون بر قوماندان آلتنده بر لکده استعمال اولنان بر قاج سوارى فرقه لری دخی بوقاعده لره تطبیق حرکت ایدر .

۳۰ §

آیاقده جنک

(۱)

آیاقده جنک ایچون جزؤ تام بلوکدر و بوده آوجیلر ویدک حیوانلری و محاربه کشف قوللری و ایجاب ایدر سه آتلو احتیاط قسملرینه تقسیم اولنور .

سوارى فرقه سنك محاربى

سوارى تبعيه سنك (۲۹) نجى ماده سنه عايد مثاللردر


اخطار — امكان درجه سنده فرقه نك جناحوارى اتقسامنه غيرت اولمليدر . خطلك عدد وقوت واستعماللرى احواله تابعدر .

(۱)

سوارى به قارشو هجوم

شكل (۲۶)

۱. — صول جناح صاغ جناحه نسبة دها آرتلهكده اولنى اوزره ايكي جناحك دخی دشمن طرفندن تهديد اولنديقنه كوره فرقه نك آچلمسى .




اشارات مخصوصه

آتليرك برصره وايكى اوج خطوه آره لقله هيجوى	ل ل ل ل ل
صف حرب نظامنده برسواری بلوکی	—
طاقله قول نظامنده	≡
کسیک خط ایکی آلاى آره سنده خط فاصل	
مملو د لوانک د د	
آلاى	ع

شکل (۲۷)

۲۰ — بالکز صاغ جناح نهلکه آلتنده بولنسی .




(ج)

طوبیچی به قارشو هجوم

شکل (۲۹)

اصل هجوم طوبیچینک یان طرفله کریسه و محافظ عسکری اوسته اجرا اولنور . براز عسکرله جهبه دن و برصره ل نظام اوزره و آتیلر آره سنده بر ویا اوج خطوه آره قله طوبیچینک تکیل جهبه سینه هجوم ایدیلور و بو عسکرک آره سندن دخی یاشیق نظام اوزره متفرق بولکر یوریدیلور .



۱- آوجیلر .

بلوگده یاتک نومرولر ویا تکمیل بلوک یره اینر برنجی احتمالده جفت نومرولر تک نومرولرک حیوانلرینی طوتار (متحرک یدک حیوانلری) . ایکنجی احتمالده قاعدهٔ هر طاقک صاغ وصول جناح آنلولری تکمیل طاقک حیوانلرینی طوتار (غیر متحرک یدک حیوانلری) .

سکردن اون ایکی آوجییه قدر برمانه تشکیل ایدر وایکیدن اوج مانهیه قدر قاعدهٔ بر آوجی خطی حاصل ایدر .

آتش محاربه سی پیاده نظاملرینه تطبیقاً اجرا اولنور . یعنی استناد عسکری تفریق و هجوم اجراسی کبی بالجله حرکاتده پیاده نك اصولنه تطبیق حرکت ایدیلور .

احواله کوره شدتلی آتشک اوزاق مسافه دن اجراسی اقتضا ایدمیلور . دشمن پیاده سنک یدی یوز مترودن ده ایقین مسافه لره قدر صوقولسنه میدان ویرلیدیکنده حیوانه بنمک ایچون آوجیلر یاطبیعت اراضینک ویا بشقه برعسکرک حمایه سنه محتاج قالور . (آنلو احتیاط)

۲- یدک حیوانلر .

حیوانلر خبرسزجه کلان هجوملردن امین اولمی و مستور برمحله دشمنک کوزندن و آتشدن ممکن مرتبه صاقلانمیلدر . باخصوص عسکر مزک اوج صنفدن قنغیسی اولدیغنی دشمنه بیلدیرماک مقتضی ایسه اوحالده بو حیوانلر دشمنه هیچ کوسترلالمیلدر . یدک حیوانلرک متحرک اولمی آوجیلرک آزلقنه و غیر متحرک اولمی ایسه نسبتاً چوقلقنه سبب اولدیغندن محاربه نك مقصدینه کوره بوایکی نوعدن بری انتخاب اولنور .

۳- محاربه کشف قوللری .

آوجیلرله یدک حیوانلر طبیعت اراضی ایله ویا بشقه برعسکرله تأمین اولنه مامقده ایسه محاربه کشف قوللریله تأمین اولنور . اطراف لایقلی کوریه میان عارضه لو اراضیده محاربه کشف قوللرینک یا اوملسنه احتیاج اولور .

(۴) — آتلو احتیاط .

قاعدهٔ دائما آتلو اوله رق احتیاط بولندیریلور . بو احتیاط هر طرفی و باخصوص یانلری کشف و ترصد ایدر و آوجیلرک یره اینلرینی و آتله بنلرینی ستر ایله یدک حیوانلرینی تأمین ایدر .

(۲)

ایاقدہ جنک سواری عسکرینی کندی وظیفه سنی ایفاده دیکر صنف عسکره احتیاجدن بر درجه یه قدر بری و اوزاق مسافه لرده کی تشبیلر ایچون دها زیاده مقتدر قیلدیغندن بوسایه ده سواری یالکر باشنه حرکت و تعرض اجرا ایدہ بیلور . ایاقدہ جنک آتلو اوله رق محاربه ایدیه میه جنک محل و حاللرده ایفای خدمت ایچون سواری یه امکان ویریر . بو حاللرده شونلردر :

(۱) — ایلری طوغری اجرای حرکاتی بسبتون منع ایدن و یا خود اضاعهٔ وقتی موجب اوزون اوزادی یه یوللر تحرینسه مجبور ایدن و دشمن طرفندن طوتلمش بولنان برکیدی آجق .

(۲) — بعض موقعلری دشمندن اول طوته رق کندی پیاده مز کلنجه یه قدر محافظه ایتک .

(۳) — کرلره طوغری حرکت مزده تعقیب ایدن دشمنی توقیف ایله انی خط آجغه و بوسبیدن طولانی وقت ضیاعنه مجبور ایتک .

(۴) — رجعت اوزره بولنان سواریمزی کچیددن کچدکی زمان حمایه ایتک .

(۵) — کندی قوناقلرینی مدافعه ایتک .

(۶) — دشمنک یوروش قوللرینک دقتلرینی جلب و قوتلرینی دها یو کشف ایچون مذکور قوللری باخصوص تعقیب ائناسنده طورمغه مجبور قیلماق ایچون ازعاج ایتمکدر .

ایاقدہ جنک سوارینک زمان احتیاجده مراجعت ایدہ جکی چاره سی اولوب ایجابنده بو چاره یه مراجعتدن احتراز ایتما ملی و بردقنه بوکا قالشلرینی کی اجرا سنده شدت و سرعت ایتلیدر . سواری عسکری اوزون اوزادی یه آتشله محاربه ایتکه مقتدر اولمیوب نتیجهٔ قطعیه نک آرزمان ایچنده حصولی کندیسچون الزم اولدیغندن محاربه یه باشلادی کی اولانجه قوتی صرف ایدرک سرعتله مقصده وصوله غیرت ایتلیدر .

حال تدافعیده اراضی مساعد اولدینی صورتده ایاقده جنک ایله پیاده علیه بیله حسن نتیجه استحصالی مأمولدر .

تعرضه بوکونی کون اک ابو پیاده ایچون بیله خلیجه مشکلاتی حاویدر ، مساعده احوال ایله سواری طرفدن تصدی واجرا اولمایددر . سوارینک سرعتی دشمنک یان و یارقه سنی طولاشمه و مشکل موضعلردن سهولته چیقوب قورتلمغه امکان و یروب براز طوبجینک علاوه سی ایسه بومثللو تشبثانده سواری به کرکی کبی اعانه سی اولور . (بومون محاربه سندن برکون اول اون التبی هوسار الای کبی)

§ ۳۱

مختلف نظاملرک استعماللری

۱. — یورویش نظاملری دردر وایکشر قوللردر . دردر قول دیکرینه نسبتله ده قیصه اولدیفندن کنیشکی مساعد اولان یوللر اوزرنده دائماً ترجیح اولنور .

۲. — اجتماع نظاملری بلوک ایچون : صف حرب وطاقله قول نظامیدر .
الای ایچون : ترجیحاً الای قولی نظامی یعنی اجتماع قولی نظامی ویاخود بلوکلرک بربری ارقه سنده وصف حرب نظامنده تنظیملریله حاصل اولان نظام یعنی طاقلری صاغه ویاصوله چرخ ایدرک بلوکه یناشیق قول نظامی شکلنی المش اولان اجتماع قولی نظامیدر .

۳. — مانوره نظاملری بلوک ایچون : طاقله قول نظامی و یارم قول یعنی قدمه لی قول نظامی .
الای ایچون : بلوک قوللری نظامی یعنی خط قولی نظامی ، طاقله قول نظامی ، کرکی خطلر ایچون الای قولی نظامی یعنی اجتماع قولی نظامی وبعضاً چفت قول نظامیدر .

۴. — محاربه نظاملری

اکتیا صف حرب نظامیدر .

مستتبا اوله رق بر صرملی نظام — یناشیق نظام ایله اجرا اولسان
هجومدن صکره دشمن ایله قاریشلدینی و دشمن فرار
ایدرک تعقیب اولدینی زمانلر طاغنیق نظامیدر .




سَيِّدُ طُوبُوحَيْنِكَ تَعَبِينِي

§ ۳۲


منفرد طوب

۱. — طوب ایکی قسمه منقسم اولوب برنجی قسم قونداق ایله ناملودن وایکنجی قسم طوبارلق ایله قوشوم بارکیرلرندن متشکلدن . (شکل ۱۹) حرکت ایچون بو ایکی قسمک بر برینه ربطی مقتضیدرکه

شکل (۱۹)
قوشلش برطوب
چنک



شکل (۲۰)
صمرا طوبیچینک نومرو نفرانی
طوبه بخش
طوب ارقه سنده



بوکا طوب بندرملک نمبر ایدرلر . آتش ایچون بوقسملری بر بردن آیرمق لازمدرکه بوکا طوب ایندرملک دیرلر .

کوک شکل (۱۹) دن شکل (۲۲) یه قدر اولان وکرسه آکدن مکره بولنان شکلده کی یدک واحتیاط حیوانلرینه وسواری بطریقینه مائه بالجله دقلرک مطالعه سی سیار طوبیجی شاکرداتنه مخصوصدر .

برطوبك خدمتیچون برطوب چاوشیله پیاده بطریه لرنده بش نفر و سوار ی بطریه لرنده ایگیسی حیوانلری طومقی اوزره یدی نفر و یریلور و بوندن بشقه سول طرفده کی قوشوم حیوانلرینه بئك اوزره اوج عدد عربجه نفری علاوه اولنور (چنگال ، شیوفا ، دیب)

هرطوبه اوج چفت بارکیز قوشولوب بونله چنگل شیوفا و دیب بارکیزلی تسمیه اولنور وصول طرف بارکیزلینه بئك بارکیزلی تمیز ایدیلورکه عربجه نفرائی بونله راکب اولور و صاغ طرف بارکیزلینه دخی یدك بارکیزلی اطلاق اولنور .

بندیرلمش طوپده .

طوب چاوشی دائما چنگل عربجه جیسك سول یاننده و پیاده بطریه لرنده نومرو نفرائی اساساً طوبارلق صندیقیله دینکل صندالیه لرینه بنش بولنورلر . استثنا اقتضا ایدرسه یوزباشی طرفدن امر اولنور . (شکل ۲۰)

سواری بطریه لرنده نومرو نفرائی آتلی اوله رق ایکی صره اوزره طوب ارقه سنده بطریه آجیق ایسه آجیق و یناشیق ایسه یناشیق اولدقلری حالد کیدرلر . (شکل ۲۱)

ایندیرلمش طوپده .

قونداق طوبارلقدن چیقارلمش و طوبك اغزی دشمنه چوریلمش اولور . (شکل ۲۲)

۲۰ — ایلری حرب ایچون طوب ایندیریله جکنده قونداغك قویروغی طوبارلق چنکلندن چیقاریلور و طوبك اغزی سربماً دشمنه چوریلور و طوبارلق سول طرفدن طولاشدیریلهرق طوبك سکر خطوه کیریسنه قل اولنور .


کبری به حرب ایچون طوب ایندیریله جکنده قونداغك قویروغی طوبارلاقدن چیقارلاقدن سکره طوبارلق سکر خطوه آچیلور .

بریان اوزرینه حرب ایچون طوب ایندیریله جکنده ایلری حربده اولدینی کبی حرکتله

طوبك اغزى صاغه ويا صوله چوريلور و طوبارلق صاغه حربده صول طرفدن وصوله حربده صاغ طرفدن طولاشديريله رق طوبك كبريسنه نقل ايديلور .


شكل (۲۱)

برسواری بطریه سنك بعد قاملی و بناشیق
صف حرب نظاملرنده نومرو نفراتنك
آجیق و بناشیق وضعیتری



شكل (۲۲)

طوبارلفندن اينديرلش طوبك
اساس طوریشی



ایلری کیتمک ایچون طوب بندیريله جکنده طوبارلق صول طرفدن طولاشديريله رق
یلری نقل اولنور وقونداغک قویروغی دخی ایلری چوريله رك طوبارلفك چنکنه کچیریلور .

کریه کیتمک ایچون طوب بندیريله جکنده نومرو نفراتی واسطه سیله طوب نقل اولنورق
طورمقدمه اولان طوبارلفه کتوریلور وقونداغک قویروغی چنکله کچیریلور . اگر دهه زیاده
فائده وسرعت مأمول اولنورسه طوب پرنده طورور و طوبارلق اکا نقل اولنور .

یان طرفه کیتمک ایچون طوب بندیريله جکنده طوبارلق کیديله جک استقامته نقل اولنور
وچوريله رك طوبارلفه کتیرلش اولان قونداغک قویروغی چنکله طاقیلور .

بَطْرِیَهْ نَكْ

§ ۳۳


بَطْرِیَهْ نَكْ تَنْظِیْمْ وَتَقْسِیْمِ

سیار طوپچیسنك تعبه جزؤ تامی بطریه در و بر بطریه الی طوپ ایله قیاقلی نامیله طقوز جیخانه عربیسی ویدك ادواتی تقلیچون، ایکی مهمات عربیسی و بر تیمورجی عربیسی وضابطلر ایچون و بطریه ایچون احتیاط حیوانلری و بر ارزاق عربیسی و بر یم عربیسی و یریلور . (شکل ۲۳)
حرب بطریهسی الی طوپ ایله برنجی قدمه عربیلردن تشکلی ایدر و صحرا طوپچی تعلیمنامهسی دخی بونلر ایچون قلمه النمشدر وایکنجی قدمه عربیلری ایسه محاربه میداننده بطریه نك یاننده دکلدر .

۱. — طوپلری بندیرلمش بطریه صف حرب نظامنده یا آجیق و یا یناشیق اولور . آجیق صف حربده طوپلر محوردن محوره حساب اولنقی اوزره ۲۰ خطوه آراق ایله برخط اوزره بولنور . یناشیق صف حربده ایسه بو آراق ۵ خطوه اولور .

طوپلره صاغدن صوله طوغری برر نوسرو و یریلور و هر ایکی طوپ برطاقم تشکیل ایدر و طاقلره دخی طوپلر مثللو صاغدن اعتباراً نوسرو و یریلور و بطریه جبهه سنك ایکی خطوه ایلرو سنده و هر بری کندی طاقنك مرکزی حداسنده ملازم رتبه سنده طاقم ضابطلری طورور و بونلر بطریه نك حداسنی تشکیل ایدر و جیخانه ملازمی و یا چاوشی نامیله بر ملازم و یا چاوش بطریه نك یا مرکزی کروسنده بولنور و یا خود قیاقلورله مأمور اولور و بطریه قوماندانی دخی معیتنده بر بوریزن ایله بطریه نك جبههسی ایلرو سنده و اوتوز خطوه مسافده طورور حد ابرارلك صاغ باشدکی طوپ اوزرینه اولور و آراقلر دخی او طوپدن آلنور درینك مسافه لری (اوک بعدلری) ایلروده کی طوپك آغزندن و یا آرقه تکرلک اسیدندن کروکی طوپك و یا عربیه نك چنكل بارکیرلینك باشلرینه قدر حساب اولنور .

شکل (۲۴)
بطریقہ نکت بعد تاملی صف حرب نظامی



حرب
بطریقی

چوک
آغریق

بيوك
آغزلق

١. طوط
٢. »
٣. »
٤. »
٥. »
٦. »
٧. جبخانه عربی
٨. »
٩. »
١٠. »
١١. جبخانه عربی
١٢. »
١٣. »
١٤. »
١٥. »
١٦. مهمات عربی
١٧. احتیاط بارکپری
١٨. مهمات عربی
١٩. تیموری عربی
٢٠. اوراق عربی
٢١. یم عربی


*] پيشداداره ترفيق اولنان بطريه ددنجي جبخانه عربسي
برينه بردانه عربسي ويريلور (سکزنجي ويا طقوزنجي جبخانه
عربسي)

##] پیاده بطریه-سنگ برنجی قدمه-سندھ ضابطان ایچون بش
و بطریه ایچون دوت احتیاط و ایکسجی قدمه-سندھ یالکز بطریه ایچون
القی احتیاط وازکری بولور .

سوارى بطريه سٽڪ برنجى قدمه سنده ضابطان اچيون اون ويطريه اچيون درت واپڪنجى قدمه سنده يالڪز بطريه اچيون التى احتياط بارڪبرى بولنور .

یناشیق بطریه (یناشیق صف حرب) (شکل ۲۵) عسکرک اک کوچک بر محله جمعنه سبب اولورسهده کوجلکله حرکت ایدر و دشمنه بیوک بر هدف تشکیل ایلر و محاربه نظامنه کوجلکله کچر و بوسیله مینی انجق پارق محنده و رسم کچیده اجتماع و حرکت ایچون استعمال اولور و اجتماع حالنده قدمه عربهلری صاغ و یاصولده طویلر خطنک یاننده دخی طوره بیلور .

شکل (۲۵)
برسواری بطریه سنک یناشیق صف حرب نظامی



ضابطلرک طاقلره و برنجی عربه قدمه سنه توزیمی بطریه قومانداننه براغلمشدر کرک بطریه نک و کرکسه عربه قدمه سنک قوماندانی کندی یرلرینی اقتضاسنه کوره تبدیل ایده بیلور و طاقلر ایله طویلر دائما

نومرولرینی حفظ ایدرلر وطوب چاوشلریله نومرو نفراتنك موقعلری § ۳۲ — نجی مادهده کوسترلمشدر .

استقامت ایچون مخصوصاً بر امر ویرلامش ایسه صاغدن ایکنجی طوران طاقك ضابطندن آلینور وهرطوب چاوشی دربئلك وآره لقلری یعنی اوك ویان بعدلرینی کندی ضابطندن آلور وچنكل عربہ جیسی یانته ملاصیق بولندپرر .

۲ — طوپلری ایندیرلمش بطریه .

بو بطریهده قاعده (۳۲) نجی ماده وجهله طوپلر اراسنده ۲۰ خطوه ارهلق بولنورسده بوارهلق ایجابنه کوره تحویل ایده بیلور .

بطریه قوماندانی کرك بارکی اوستنده اولسون و کرکسه یا یا بولنسون کندی بطریه سنی وهدفی الك ابو کوره بیله جك وروز کارك استقامتنه کوره قومانداسی الك ابو ایشیدیله جك یرده طورورر .

طاقم ضابطلری یره اینرلر وکندی طوپلرینك اراسنده وبوحله مربوط اولماق اوزره طورورلر . طوپارقلر انجق یقینه تبدیل موضع ایدیله جك اولدینی حالدہ مستثنا اوله رق طوپلرینك ارقلرنده طورورلرسده اکثر احوالده جبخانه عربهلری طوپلره یقین برحله کلدکلری کبی بطریه قومانداننك امریله باش چاوش واسطه سیله عادتاً یورویشله برنجی قدمیه نقل اولنورلر .

بطریه طوب ایندیرمش بولنورسه برنجی قدمه دن اوج جبخانه عربه سی هر طاقك صاغ جناج طوپندن تقریباً اون خطوه کیروده موضع آلور . بوجبخانه عربهلرینك یا طوپارقلری ویاخود قوشوم حیوانلری چیقاریلور وچیقاریلان بو طوپارقلر ویا قوشوم حیوانلری برنجی قدمیه کیدرلر . کرك برنجی قدمه وکرکسه طوپارقلر جههلری بطریه طوغری کلك اوزره موضع الورلر ویا لکز قدمه قوماندانیله باش چاوش حیوان اوستنده قالور .

بطریه قوماندانی تنسیب ایتدیکی حالدہ بالجله عسکر آتش موضعنده دیز چوکرلر .

طوپلری ایندیرلمش بعد تاملی صف حرب نظامی بطریه نك محاربه ایچون یالکز برنظامیدر .

آتش خطی ، ایندیرلمش طوپلرک اغزلرندن مروردی تصور اولنان خطدر .

۳۴ §

یورویشك نوعلى ، چرخلر ، دونشلر ، (یان بعدلرینك) یعنی آرالقلك
یناشوب آچیللمسی ، صف حربده اجرا اولنان حرکتلر

۱. — یورویش نوعلى .

وسطی اراضیده عادتاً دقیقهده ۱۲۵ سرعتلی ۳۰۰ درت نعل ۵۰۰ خطومه در محاربہ میداننده کی
حرکتلری قاعدۀ سرعتلی لولوب قوماندایله ویا بوری ایله ویا خود اشارتله اجرا اولنور . اوزرنده
یورولمسی کوچ اراضیده وچامور و یومشاق یرده یورویش قراری قیصالدیلور و یولارده اجرا اولنان
سرعتلی یورویشلرده دخی بومجهله اولور .

۲. — چرخلر ، ودونشلر ، یارم صاغه یارم صوله ، صاغه وصوله ویا خود کیرویه اولور
ودونشلرده هرطوب قوشوم حیوانلریله برلکده طوبارلنك ایچ تکرلکی سکر خطومه نصف قطرده برداژه اوستنده
دونمك اوزره حرکت ایدر .

۳. — یان بعدلرینك یعنی آرالقلك یناشوب آچیللمسی دائماً استقامت طاقنك ضابطی اوستنه
اجرا اولنور .

۴. — صف حربده اجرا اولنان حرکتلر .

ایلری یورویشده بطریقه قوماندائی استقامت نقطهسنی امر ایدر و قلاغوز طاقم ضابطی دخی
بونقطه نك تمامیه محافظه سندن و یورویش قرارینك طوغری و متساوی طوتلمسندن مشئول قالور .
بطریقه نك بعد تاملی یعنی آجیق صف حرب نظامنده اجرا ایتدیکی حرکاتی پیاده و سوارینك صف حرب
نظامنده کی حرکاتی کبی مشکلاته تصادف ایتمز و برمانه تصادف ایدیلورسه بعض طوبلر براز کری قالورلر
ویا خود طاقم ضابطی ایجاب ایدن معامله یی امر ایدر .

کری یوریمك بعد تاملی یعنی آجیق صف حرب نظامنده بولنان بطریقهده هرطوبك کندی باشنه
کری دونمسیله و یناشیق صف حرب نظامنده کی بطریقهده ایسه التی طوبك و برنجی قدمه نك کری چرخ

ایتملریله اجرا اولنور . بوقدمه بطریه نك ایلریسندن کیدر و بطریه قوماندانی استقامت نقطه سنی قدمه قوماندانه اراثة ایدر .

آقیری یعنی یارم یانه یورومك ایچون بتون طویلر یارم صاغه ویا یارم صوله دونزلر واسکی استقامتی الملق ایچون دخی ایلری یورورلر .

جبهه تبدیللری یکی یورویش استقامت نقطه سنك اراثة سیله و بونقطه یی قلاغوز طاقم ضابطنك درحال اخذیله و دیگر طاقملردن ایچ طرفده کیلرک یورویش قرارینی تنقیص و طیش طرفده کیلرک تزیدد ایتملریله حاصل اولور .

۵ — طویلری ایندی رملش بر بطریه نك جبهه تبدیللری هر طوب اوزرینه اجرا اولنه بیلور . بطریه قومانداننك امریله جناح طاقملردن بری ویا خود ایکسی طیش یان طرفه جبهه ایدیه بیلور و بوندن بشقه آتش اوزره بولنان بر بطریه کری یه دخی چرخ ایدیه بیلور .

§ ۳۵

﴿ بطریه نك قوللری و بوقوللرک تکرار صف حربیه کچملری و حرکتلری ﴾

(۱) — بلوک قولی تعبیر آخرله تك قول نظامی بعد تاملی یعنی آجیق صف حرب نظامنده

بولنان بر بطریه ده عموم طویلر دونه رك ویا چیقاریله رق تشکیل اولنور .

دوشله تشکیلنده هر طوب بر صاغه ویا صوله دوزر وارقه ده بولنان طویلر دوندکدن صکره مقنن اولان اوک بعدیله اوک استقامتی النجهیه قدر طورورلر و طویلری تعقیب ایتمک ایچون امر المدینی حالده حربیه قدمه سی قوماندا اولنان جبهته طوغری کوشه چرخنی اجرا ایدیه رك طویلره موازی کیدر .

چیقارملق قاعده اورتهدن اجرا اولنور سه ده احوالك ایجابنده صاغ ویا صول جناحدن دخی اجرا اولنه بیلور اورتهدن چیقاریله جفنده : قلاغوز طاقم ضابطی ایلری یورویشه دوام ایدر وانك صاغنده کی طوب یارم صوله دونه رك امر اولنان یورویشه اولامذکور ضابطه طوغری و صکره دخی انکله برلکده کیدر و صولنده بولنان طوب یارم صاغه دونه رك دوت خطوه اوک بعدیله ایلک طوبک آرقه سنی تعقیب ایدر و جناح طاقملرک طویلری ایلک اوکجه قیصره رق یورویش نوعیله و موقعلرینه کوره آز ویا چوق یارم صاغ ویا صوله دونمکله و صکره دخی ایلری چوریلره رك و امر اولنان یورویشه کچهرک


وصول جناح طاقنك طوبلری اك صوكه قالدق حركت ايدرلر وعربه قدمسى صوك طوبى درحال تعقيب ايدر .

شكل (۲۶)


بطريه نك صاغدن چيقارلش بلوك قولى
(تك قول نظامى)

شكل (۲۷)

بطريه نك صاغدن چيقارلش طاقم قولى
(يان يوروش)



سواری بطریه لر تده (۱۷۳) خطوه در



سواری بطریه لر تده اوک اعدی (۱۳) خطوه در

یناشیق صف حربدن تک قول نظامی انجق بر جناح طوبندن باشلایهرق طوبلرک برر برر
چیقارلسیله تشکیل اولنور بوجناح طوبى امر اولنان یوروشله طوغریجه ایلری چیقار و دیگر طوبلر
وعربهلر بر برى ارقه سندن یارم صاغه ویا یارم صوله دوزر وهرطوب ویا عربه اوکنده کافی درجه ده
آچیقلاق حاصل اولدینی کبی ایلرودن کیدن طوبک ارقه سنى تعقيب ايدر . (شکل ۲۶)

تک قول نظامی یورویش قولى ایچون اقتضا ایدن خاصه لری جامع اولوب قولای حرکت ایده بیلور
ودشمنه آز هدف اولور و محاربه نظامنه جابوق کجه بیلور بونظام یوللر اوزرنده اجتماع ایچون
ویورویش ایچون ودشمن آتشنک کله بیله جکی یرلرده ایلری کری ویا طرفه حرکت ایچون قوللانیلور .
یورویش قولنده بطریه قوماندانی برمحله مربوط اولیوب طاقم ضابطلری دخی یرلرندن براز
آریله بیلورلر و بونک ایچون ویریلان قوماندا اوزرینه طاقم ضابطلری سر بسته کندی طاقلرینک
یاندنه و طوب چاوشلری دخی طوبلرینک یانی باشلرنده ونومرو نفراتی (۳۲) نجی ماده موجبنجه یولک
حالت کوره طوبلرک یا کرو سنده ویا خود یاندنه و بر بوریزن بطریه نک کرو سنده بولنور .

(۲) — طاقم قولى نظامی آجیق صف حربده بولنان بطریه دن آنجق طاقلرک عین زمانده
صاغه ویا صوله چرخ ایتلریله حاصل اولور و عربه قدمه سی طاقلری تعقیب ایچون امر آلامش ایسه
قوماندا اولنان طرفه کوشه چرخيله دونه رک بطریه یه موازی کیدر . (شکل ۲۷)
یناشیق صف حرب نظامنده بولنان بطریه دن طاقم قولى نظامی آنجق بر جناحدن چیقارلمغله
تشکیل اولنور و عربه قدمه سی طاقم بعدی و طاقم قولیه آرقه دن کلور و بوطاقم قولى نظامی اجتماع ایچون
وکنیشجه یوللرده یورویش ایچون و دشمنک آتشی خارجنده یان طرفلره طوغری مسافه قطعی ایچون
استعمال اولنور وایلك ایکی احتماله التی خطویه قدر یناشدیریلور .

(۳) — تکرار صف حرب تشکیلی

تک قولدن طوبلر دونه رک یان طرفه ویا ایلك طوب اوستنه صاغ و صوله آجیله رق ایلری و طاقم
قولندن دخی چرخ ایدیلرک یان طرفه ویا ایلك طاقم اوستنه صاغ و صوله آجیله رق ایلری بعد تاملی
صف حرب تشکیل اولنور و بواثناده طوبلر یان بعدلرینی قزانورلر ایلری صف حرب صاغ
و صوله اجرا اولندیفنندن ایکنجی بولنان طاقم صاغه و اوچنجی بولنان طاقم ایسه صوله حرکت ایدر .
عربه قدمه سی تک قول نظامنده اولدینی حالده (شکل ۲۴) ده کوستریلان محله کیدر و تک قولدن
ویا طاقم قولندن ایلری صف حرب تشکیلنده طوبلر ویا طاقلر صف حرب داخل اولدقه طوب
ایندیره بیلورلر .

تک قولدن ویا طاقم قولندن ایلک طوپ ویا ایلک طاقم اوسته صاغ ویا صوله آچیله رق ایلری
یناشیق صف حرب تشکیل اولنور . عربہ قدمسی دخی بووجهله ایلری صف حرب تشکیل ایدوب
صکره ایلری یناشیر . (شکل ۲۵)

(۴) — قوللرک حرکتلری

ایلری یورویشه : مطویلر و عربهلر ایلرولرنده کیدن طوپ ویا عربهلرله زیاده سیله دقت ایدر .
اوکنده کی طوپ ویا عربهلر حرکتدن قالمش ایسه درحال صاپه رق و آتی طولاشه رق ایلروده حرکتده دوام
ایدن طوپ ویا عربهلرله التحاق ایلر .

کری یورویش : تک قولده هر طوپ ویا عربهلرک کری دونمسیله وطاقم قولنده طاقلرک کری
چرخ ایتمسیله اولور .

آقیری یعنی یارم یان طرفه حرکتلری : بالجهله طوپ ویا عربهلرک عینی زمانده یارم صاغه
ویا یارم صوله دونمیلرله اولور .

یان طرفه قیصه حرکتلر : تک قولده طوپ ویا عربهلرک صاغه ویا صوله دونمیلرله وطاقم قولنده
صاغه ویا صوله چرخ ایتمیلرله حاصل اولور و حذا ایلر یان بعدی حالیه محافظه اولنور .

استقامت تبدیللری : کوشه چرخلرله ویا ایلک طاقه یکی استقامت نقطه سنک ویرلمسیله اولور .

تک قولده هر طاقی تشکیل ایدن ایکی طوپ ویا عربهلرک کیده بولسانلر ایلریده بولسانلرک صاغ
ویا صول یانلرینه کلرک صاغه ویا صوله طاقم قولی تشکیل اولدینی کی طاقم قولنده دخی صاغدن
ویا صولدن بزر جیقاریلهرق تک قول تشکیل اولنور .

طابور

(۱) — طابور اوج و یا درت بطریه دن تشکیل اولنور وصف حرب نظامنده مذکور بطریه بشقه درلو بر امر ویرلماش ایسه آجیق صف حرب اوزره و بر برندن ۴۰ خطوه یان بعدی یم آره لقله یان یانه بولنور و بطریه لرك بر برلرینه تقدیم و تأخیرلری جائز اولور و قلاغوز ایچون بر بطر تعیین اولنماش ایسه صاغدن ایکنجی بولنان بطریه قلاغوز بطریه سی عه اولنور و یوروش استقامتتا تبدیلی ایچون قلاغوز بطریه سنه یکی استقامت نقطه سی ویریلور و بطریه لر دائما و طابور ایسه امکا درجه سنده قوماندا ایله بوری ایله و یا اشارتله قوماندا اولنور . اوله مدیتی حالدده بیوک قطعه لرده اولدینی ک وظائف لازمه امر ویریله لرك اجرا ایستدیریلور . طوب بندرمک و ایندرمک بطریه و یوز باشیلرینه امریله اجرا اولنور .

(۲) — قوللر .

(۱) — درین قول : یناشیق صف حرب اوزره بولنان بطریه لر قدمه لری ارقه لرنا و یا بش خطوه یان بعدیله یانلرنده اولدینی حالدده ۱۵ و یا ۲۴ خطوه اوک بعدیله بر بری اردنده طورور بونظام اجتماع ایچون و اجتماع محلنده حرکت ایچون و یوقلمه ایچون استعمال اولنور .

(۲) — کنیش قول : یناشیق صف حرب نظامنده بولنان بطریه لر ۱۵ خطوه یان بعدیله یان یانه بولنور و قدمه لر ارقه ده اولور . بونظام اجتماع ایچون و اجتماع محلنده حرکت ایچون و یارق محلنده تنظیم اولنمق و یوقلمه ایدمک ایچون استعمال اولنور .

(۳) — طابورده تک قول نظامی : هر بطریه کندی باشه تک قول نظامنده اولدینی حالدده بطریه لرك ۲۰ خطوه اوک بعدیله بر بری اردنده بولنملریله حاصل اولور . طابورده بونظاممک استعمالی بطریه ده اولدینی کییدر . § ۳۵ نجییه باقلسون . بونظامه طابور قولی دخی دینیلور .

۴) — طابورده طاقم قول نظامی : هر بطریه نك كندی باشنه طاقم قول نظامنده اوله رق ۳۴ خطوه ویناشیق ایسه ۲۰ خطوه اولك بعدیله بربری اردندن کلریله حاصل اولور و طابورده بونظامك استعمالی بطریه ده اولدینی کیدر . § ۳۵ نجی یه باقلسون .

۵) — طابورده بلوك قوللری نظامی : تك قول نظامنده بولنان بطریه لرك ۱۳۰ خطوه یان بعدی یعنی اره لقله بربری یاننده بولنلریله حاصل اولور و بو اره لقلر ایلری صف حرب ایدیله جکی زمان طوپلر اراسنده بولندیرلمسی تصور اولنان یان بعدلرینه کوره تنقیص ویا تزید اولنه بیلور و بونظام محاربه میداننده ایلری وکری حرکت ایچون الیریشلی در .

مُحَارَبَةُ

§ ۳۷

قواعد عمومیہ

۱. — صحرا طوبجیسی آتشله مظفریته یول آچلیدر بوسیه مبنی طوبجی ایچون مهم اولان شی تام زماننده و تمام موقعنده ابو آتش ایتمکدر .

طوبجی آتشنك تأثیری ایچون مجبوری اولان شرط كندی آتشمزك تأثیرینی ترصد و تدقیق یعنی مرملریمز هدفك بری جهتیمی یوقسه اونه طرفه می دوشمشدر تحقیق ایله مسافه تخمیننده کی خطالریمزی تصحیح و مسافه یی طوغری اوله رق کشف ایتمکدر . بطریه قوماندانی جوارده مساعد بر عملدن بالذات ترصدله بطریه نك آتشی اورادن تنظیم و اداره ایلر و یا خود آتش ایچون آرتق مساعد اولیوب ترصد ده الیرشلی بولنان بر موقعه بوخصوصه مهارتلی برضا بط و یا کوچك ضابطی معاون راصد خدمتیه یوللار . اوزاق مسافه لردن فائده لی تأثیرلر استحصالی اراضینك و هوانك

و بر جوق احوالك مساعد اولسنه متوقف اولديفندن بومسافانندن ترصد مشكلدر . كيجهنك قراكلغنده سبيلي هوالرده واقع اولهجنى كې ترصد قابل دكل ايسه اكثريله طوبچينك خدمتندن استفاده اولماز .

۲. — آتش محاربه سنه اكثريله طوبچى طرفندن باشلانور ودها ابتدالرده خط حربده دشمنندن فضله طوب بولنديرمغه وجميله آتش اينديريله رك دهشتلى برتأثير حاصل ايلمكه اهميت ويريلور . بطريه لك متحداً اجراى تأثير ايده بيلملىچون طوبچينك طابور طابور ويا الاى الاى استعمالى قاعده اقتضاسندن ايسده طار بر يرده و بر برينه ضرر ويره جك صورتده پك چوق طوبلرك بر آرده صيقشديرمىلى جائز دكلدر و بر بطريه نك يالكر اوله رق استعمالنه انجق مستثنا احوالده مساعده اولنه بيلور و طاغ محاربه لرى وزقاق غوغالرى كې بسبتون خصوصى حاللرده طوبچينك طاقم صورتيله استعمالنه جواز ويريلور .



ورت ميدان محاربه سنده اوبلادن صكره الافرافه ساعت برده دشمنك موضعه ۱۷۴ عدد طوب ايله آتش ايدلمش و بولنردن اون برنجى قول اردونك ۷۲ عدد طوبجى برلكنده اوله رق لوا قوماندانى طرفندن اداره اولمشدر .

هرقدر طوبچى آتشي اكثريله پياده آتشنك واره ميه جنى مسافله رايچون استعمال اولنورسده پياده عسكرينك هيچ بروقت طوبچى آتشنك ياردم ومظاهرتندن محروم براغامامسى قاعده اساسيه سنه دائماً رعايت اولنلى ونتيجه قطعيه زمانلرنده طوبچى عسكرى اك شدتلى پياده آتشنندن بيله قاچنامليدر . ورت ميدان محاربه سنده سيل ويوس بطريه سى كې .

۳. — قاعده دشمن پياده سنك آتشنه قارشو طوبچى ، ايلرى سورلمش پياده واسطه سيله محافظه اولنور . وتهديد التنده بولنان هر بطريه جوارده اولان قطعه عسكرينه نك امداد ايتسى مجبورى اولديفنندن طوبچى ايچون آيريجه محافظ عسكرى تعيين اولنسنه احتياج يوقدر . خبرسزجه كلان باصقيلره قارشو باخصوص بوباصقيلر مدافعه سز بولنان بريان علينه ايسه طوبچى دقت وتيقظى واسطه سيله كنديسى مدافعه ايتليدر . اوزونجه مدت محافظه سى اقتضا ايدن طوبچى موضعايرينك محافظه لريچون يان طرفلرى ايلريسنه آياقده جنك ايتك اوزره يره اينديرلمش سوارى آوجيلرى كوندرمىلى مناسب كورلماكمكه ايسه طوبچى يى محافظه ايده جك عسكر پياده ايسه آتش موضهنك ممكن مرتبه يان طرفى ايلريسنده سوارى ايسه يان طرفى كيروسنده طورور .

شكل (۳۰)

برطوبجي طاوورنك آتش موضمنده طوريشي



(برنجی بطریه نك) (ایکنجی بطریه نك) (اوچنجی بطریه نك)

قدمه لری

طوپلرک طوپارلقلری

بردن اوچه قدر اوچ جیخانه عربیسنک حیوانلری

ضابطان و بطریه نك احتیاط بارکیرلری

ایکنجی قدمه دن ایلری آلمش جیخانه عربی لری

اشارات مخصوصه

طوپ

قوشمنز جیخانه عربیسی

قوشولش جیخانه عربیسی



طوپلرک طوپارلقلری

مهمات عربیسی

جیخانه عربیسنک حیوانلری

ضابطان و بطریه نك احتیاط بارکیرلری

$\frac{1}{4000}$ مقیاسنده



(ایکنجی قدمه) (برنجی) (ایکنجی) (اوچنجی) (بطریه لرك ایکنجی قدمه لری)


— آلمانیاده یکی نشر اولنان طوبجی تعلیمنامه سنه کوره سفر بر حالنده —
 — بر بطریه —

(۲۱) نجی لوحده بولنان شکل (۳۱) فی ۱۰ اگستوس سنه ۱۸۹۹ تاریخده اخیراً المانیاده نشر اولنان یکی طوبجی تعلیمنامه سنه کوره ترسیم اولنش اولوب ایضاحات لازمه دخی آتیده کوسترلشدر . مذکور تعلیمنامه به کوره بر بطریه :

اولاً — (۶) طوب و (۳) جبخانه عرب به سندن مرکب بر حرب بطریه سندن؛
 ثانیاً — (۳) جبخانه و (۱) مهمات عرب به سیله ضابطان و بطریه به مخصوص احتیاط
 بار کیرلرندن مرکب عرب به قدمه سندن؛
 ثالثاً — (۱) مهمات و (۱) ارزاق و (۱) یم عرب به سندن مرکب بیوک اغر لقلردن
 عبارتدر .

عربه قدمه لری نقصانلرینی پیاده فرقه سنک خفیف جبخانه قوللرندن اکمال ایدرلر .
 و بوقوللرده آلتی بطریه دن مرکب مرطوبجی آلا ییچون (۱۲) عدد شرابنل عرب به سی و (۶) عدد
 طور بیل دانه سیله مملو عرب به بولنور .
 و خفیف جبخانه قوللریدخی نقصانلرینی قول اردونک طوبجی جبخانه سنه مخصوص قوللرندن
 اکمال ایدرلر .

شكل (۳۱)



۴۰ — طوپچی عسکری اکثراً کندی عسکریمز اوستندن آشق اوزره آتش ایتکه مجبور اولور . لکن ایلرولمکده اولان پیاده مز ایچون تهلهکه ظهور ایتدیکی کبی طوپچی قوماندانی هیچ امر بکلمکسزین آتشی کندیلکندن بشقه هدفلر اوستنه چویرتملی ویا کسديرمليدر .

§ ۳۸

❧ امر ویرلمسی ، آتش موضعك انتخاب ایدلمسی ، ایلری یورولمسی ، ❧
❧ موضعه کیرلمسی ❧ .

۱۰ — برقطعه عسکرینه ترفیق ایدلمش اولان طوپچی یه قوماندا ایدن ذات محاربه باشلانجه یه قدر مذکور قطعه قوماندانك یاننده وصره دخی بوقوماندان ایله متبادیاً ارتباطده بولمق اوزره کندی عسکری باشنده بولنور .

ایلك طوپچی موضعك انتخابی قطعه عسکریه قوماندانك محاربه یه دائر اولان نیت وتصورینه تابع اولوب عسکرک محاربه یه کلسی وخط آچوب یاییلمسی خصوصلرینه طوپچی موضعك تأثیر قطعیمی بولندیفندن مذکور قوماندان بولنره وایلك حربه کیره جک طوپچینك قوتنه دائر طوپچی قوماندانه امر ویرر .

هر طوپچی موضعی محاربه ایديله جک هدفه وصف حرب آله جق طوپچی عسکرینه کوره اولجه کشف ایدیلور و آراشدیریلور وبوخدمت ایلری یورویشده اوکده شتاب ایدن طوپچی قوماندانی وکری یورویشده مخصوصاً تعیین قلذان ضابط طرفندن ایفا اولنور وبوضابط عسکرک باشندن آیريله میان طوپچی قوماندانندن لازم کلان تنبیهاتی آلور وآله جق موضعك اوزرینه وقتندن اول دشمنك نظر ودقتی جلب اولنماق ایچون معاینه ایده جک بو ذات هرکیم ایسه موضعه یاقلاشدینی کبی حیواندن اینر ویایا کیدر ومعیتده کیری براز کری به ترك ایدر .

موضع آلمش اولان برطوپچینك جبهه تبدیل ایتسی آتشن کسمسنه وبخصوص زمانمزده مستعمل

اوزون طوپچی خطرلنده مشکلاته وکلی تلفاته سبب اولدیفندن جبهه نك صحت اوزره انتخابی
بك مهمدر .

موضعلك انتخابنده آتشمزك تأثیراتی مستوریت مطالعاتنه راجح طوتیلور .

کنیش وعارضه سز انداخت میدانی اولمسی وكفایت درجه ده وسعتی بولمسی

واك یقین مسافه لر قدر یلایچی آتش اجراسنك ممكن اولمسی وطوب طوره جق یرلر دوز اولوب صف
حرب آله جق طوپلرك بردن نظارت آلتده بولنه بیلمسی وآتش ایدیه جك استقامتله امکان درجه سنده
زاویه قائمه تشکیل ایده جك جبهه اخذینه مساعد اولمسی موضع انتخابنده نظر مطالعه آلتور .

دشمنه طوغری طاتلی میلده کیدن تپه لرك صرتلری کیروسنده وطوپلرك یالکز اغزلری کوریه جك
وجهله مذکور صرتلری جزئی کچهرك وطوپلرقلرله برنجی قدمه عربهلری ارقده ممکن ایسه یان طرف
کیروسنده مستور اوله بیله جك موضع اك زیاده ترجیح اولنور . دشمنك کورمنه مانع اوله بیله جك
طبیعی ویا صنعی هر نوع حائللر دشمنه مر میاتنك ترصدینی کوچلشدیردکلرندن فائده لیدر . ارقه سنه
کولکده قالمش بر اورمان تصادف ایدن موضعلرکی کیروسی لوش اولان بالمله موضعلر دشمنه مر میاتنك
ترصدینی تصعب ایندیکنندن مقبول عد اولنور . خصوصی احوالده بطریقه لر مستور موضعلردن آتش
ایده بیلور . کوزه ایوجه چارپان و بیاض بدانه اولمش دیوار کبی پارلاق اولان شیر دشمن ایچون
مر میاتنك ترصدینی تسهیل ایلدکلرندن بونلرك یقینلرنده ویا اوکلرنده موضع المقدن اجتناب اولنور .

بزم ایلری حرکت مزه جوق مانع اولماق شرطیله ایلریمی کسک ویاخود یموشاق اولان موضع
فائده لیدر . محاربه دن استحصال ایتك ایستدیکی مقصده کوره ایلری ویان طرفه حرکتدن صرف نظر
ایده بیله جك اولان طوپچی، اوزرندن کچلمسی قابل اولمیان اراضی ارقه سنده پیاده وسوارینك هجومه
قارشو نفسی محافظه ایده بیلور .

امكانك مساعد اولدینی مرتبه ده طوپلرك یان بعدلری حد اصغری اولان اون خطوه یه تنزیل
اولناملیدر . چونکه بوجهله دشمنه صیق بره دف کوستلش اولور . یان بعدلرینك بر برینه مساوی
اولمنه بك اهتامه حاجت یوقدر .

بطریقه لر آره سنده ۳۰ خطوه یان بعدی بولمسی آتشك حسن اداره سیچون فائده لیدر .

بيوك قطعهلر ده باديته جبههك امتدادى ايجابه كوره تحديد اولتور .

ايلرى يورولمى و آتش موضعه كيرلمى

۲. — ايلرى حر كته طوبجى قوماندانى اراضى واحوال حربيه يى نظر دقه الهرق طابور قوماندانلر يى نه وقت يانه جلب ايده جكنى تفكر ايتليدر . مذكور قوماندان طابورلر آتش موضى آلر يچون كنديلرينه تعيين قلنان منطقهي ارايه ايدر و تقرب ايدن محاربه ده طابورلر ترتب ايده جك وظيفه لرى صورت عموميه ده طابور قوماندانلرينه بيلدير .

طابور قوماندانى كندى منطقهي بطريه لره تقسيم ايله جبهه خطنه و بطريه لك آتش موضعه كيرملرينه و قدمه لك موضعه و آتشك آجيلمسه دائر لازم كلان امر لرى ويرر . بطريه قوماندانلرى موضعه آتش خطنه دن هدفك كور يلوب كور يله ميكنى معاييه ايله بطريه لك موضعه كتورولمى و برنجى قدمه لك موقعى حقه ده قرار ويرر و قاعده طوبجى قوماندانى انتخاب اولسان موضعه قاهره نظر دشمنى نظر دقه ده طوتمقه ايكن بطريه قوماندانلرى عودتله بطريه لرينى بالذات بوموضعه كتورولر . چابوق آتش ايديله بيلمك ايجون هدفك تماميله كشف ايدلمش بولمى فوق العاده مهم اولديغندن آتسه باشلانمزدن اول بوخصوص امكانك مساعد اولدينى مرتبه ده اكمل اولتليدر .

۳. — ايلرى حر كت ايجون بطريه قوماندانك غيوبته ده اك اسكى طاقم ضابطى طرفندن سوق اولتمقه اولان بطريه امكان درجه سنده موجود يوللردن كيدير و ممكن ايسه يورويش قولنك درينلكنى ازالتمق ايجون طاقم قولنه بجر . مخصوص كوندرلمش كشافلر ايلرولر طوغرى اراضيك حر كته اولان درجه قابليتتى كشف ايدر و مهم مشهوداتلرينى بالذات ويا اولجه سوزلشمش اشارت لره خبر ويررلر و خبر سزجه كلسى محتمل اولان هجوملره قارشو بطريه يى تايمين ايدرلر .

آتش موضعه كيرمك ايجون بطريه يى دشمن نظرندن صاقليه جق مستور محللردن كالييله استفاده اولنلى و بطريه تك قوڭ نظامنده و بيوك قطعهلر بلوك قوللرى نظامنده اولدقلى حالده موضه لك يقينلرينه قدر صوقلمليدر و بوحر كته بطريه لك متساويآ ايلرولملى مجبورى دكلدر وصف حرب

تشکیلی بطریقه قوماندانلرینک رأینه بر اقلور . دشمن آتشی آلتده قول نظامنه کچمک و تکرار ایلری صف حرب ایتمک ویان یوروشی اجرا ایتمکدن اجتناب اولنور .

آتش موضعه مستوراً وارمق و بردن بره آتسه باشلامق بک مهم اولدیغندن کیزلیجه حرکت ایچون دشمن نظرندن صافلانه جق مستور محل یوق ایسه بومقصد سرعتلی حرکتله حاصل اولور . حیوانلر طوباری آتش موضعه کتوردکدن صکره بوخصوصده صوک قوتلرینی صرف ایتمش بيله بولنسلر وظیفهلرینی ایفا ایتمش عد اولنور .

تپلر اوزرنده آله جق موضعلر ایچون آتسه باشلانغدن اول مذکور تپنک زروه سنه وارلاملی و تپنک محافظه سی آلتده اولجه طوب ایندیرملی و صکره دخی طوبلر ممکن مرتبه عینی زمانده هدف کوریلنجه یه قدر ایلری آتیلیدر و هر طوبه مناسب محل بولنه بیلیمک ایچون طوب چاوشنک یا یا اوله رق دقتله اطرافنی آراشدیرمی اراضینک حالته کوره ایجاب ایده بیلور .

۴ . — عددجه فائق برجوق بطریهلرک جمعیله آتسه بر آنده باشلامق و برنجی آتش موضعه دخولده سکونت وانتظامی محافظه ایلمک ایچون اولجه مستور بر حاضرق موضعنک اخذ ایلمسی و بوراده اقتضا ایدن بالجه حاضر لقلرک کورلمسی احوالک مساعدده سنه نظراً توصیه اولنه بیلور و ممکن اولدینی حالده بوراده دشمنک دقتی جلب اولنماق شرطیله طاقم ضابطلرینه و طوب چاوشلرینه و نشانجی نومرولرینه بطریهنک اول امرده ایفاسنه مجبور اولدینی وظیفه اوزرینه معلومات ویریلور . حاضرلق موضعی آتش موضعنک تقدیر یقیننده اولورسه او قدر ایو اولور . حاضرلق موضعنکدن آتش موضعه بقتله و سربعا و ممکن اولدینی حالده صف حرب نظامنده اوله رق کچیلور .

صکره دن محاربه یه کیره جک بطریهلر دوز اراضیده دشمنک مسافه سنی تعیین ایتمش اولدینی هدفله یاننده و یا حداسنده موضعه داخل اولمقدن ممکن مرتبه اجتناب ایتملیدر .

جیخانه نقصانک اکملی

۱ . — کرک یوروشیده و کرکسه محاربه ده برنجی عربیه قدیمه سی بطریهنک اصلاً آیرلا (۳۳) نجی ماده یه باقلسون .

بطریه مستثنا اوله رق طولدیرلماش طولیرله آتش موضعه کیرمش ایسه ایلک آتملر ایچون مقتضی جیبخانه طوپارلقلردن آنسور و بطریه قوماندانی طوپارلقلرک کریه کیتمنسی امر ایتمش ایسه برنجی عربیه قدمه سندن النان جیبخانه ایله اشبو طوپارلقلرک نقصانی تکرار اکال اولنور و آرقه دن طوپلرک ایوجه یقینه سوقلمش اولان قباقلو جیبخانه عربیه سندن النان جیبخانه ایله طوپلر طولدیریلور . (۳۳) نجی مادهیه باقلسون .

برنجی قدمه ایله مذکور قدمیه کوندرلش طوپارلقلره امکان درجه سنده دشمنک آتشدن و یا هیچ اولمز ایسه نظرندن مستور موضع آدیریلور و بو موضعه عربیه و طوپارلقلر سرعتله و بر برینه مانع اولمقسزین طوپلرک یانسه آدیریله بیلملرینه مساعد هر نظام اوزره ترتیب اوله بیلور . مستور محل یوق ایسه طوپلره توجیه اولبان دشمن آتشنک تأثیرندن بر درجهیه قدر قورتارمق ایچون بونلره آتش خطنک ۲۰۰ متره کیروسنده صف حرب اوزره و یا خود یان طرف کیروسنده تک قول نظامنده موضع آدیریلور . احتیاج زماننده ال آلتیده بولنه بیلملریچون بونلرک ۲۰۰ متره دن زیاده اوزاقلشملری جائز دکلدور .

۲ . — ایکنجی قدمه لر عادی یول یورویشلرنده بطریه لرینک یانلرنده قالور و حرب یورویشلرنده هر طابورک ایکنجی قدمه لری برضابط قومانداسی آلتیده طابور طابور جمع ایدیلوب فرقه طوپچیسی و قول اردو طوپچیسی کی طوپچی جزؤ تاملرینک هان آرقه سنده و پیشدار و قسم کلی کی عسکر قسملرینک نهایتنده حرکت ایتدیریلور . طابور قوماندانی ایکنجی قدمه نك وقت وزمانیله جلب ایدلمسندن مسؤل اولوب ایلری حرکتده بوقدمه نك نزهیه کله جکنی و کری حرکتده ایسه یوله هر کسدن اول چیقجه جفنندن نزهیه کیده جکنی امر ایدر و قدمه قوماندانی دخی هیچ بر امر بکلکمکسزین عربه لری محاربه میدانه کتورمکه و کلدیکنی و بولندینی نقطه یی بیلدیرمکه مجبوردر و جیبخانه اکالی خدمتتک انتظامی تهلکهیه صوقیه حق درجه ده قدمه یی آتش موضعه یا قلاشدر . آجیق اراضیده بو ایکنجی قدمه نك ۶۰۰ متره دن دها اوزاق بر محله بولنسی جائز دکلدور . بو محل قولای بولنسی . و راحتجه کیدملی و بطریه لرله بو محل آراسنده ابو ارتباط اولمی و یولار قیادلاملیدر و عربه لرک آله جقلری نظام ایسه مستور محللرک ایجابنه تابعدر .

ایکنجی قدمه طوره جنی یره واصل اولدینی کی قدمه قوماندانی بشقه درلو بر امر آلامش ایسه در حال بطریه لرک برنجی قدمه لرینه هر بطریه ایچون اوچر جیبخانه عربیه سی کوندر .
برنجی قدمه ده بوشالمش اولان جیبخانه عربه لری هان ایکنجی قدمه یه کیدر و بوقدمه نك قوماندانی

تلفات نظر دقتہ آئینہ برق دائماً محاربہ نک مر وقتبکی حالی ایچون اک مهم اولان هدفہ و محاربہ
ابتدا سنده اکثریا دشمن طوبیجی سینه قارشو حرب اولنور .

ایوچه حاضرلنوب برلکده اداره اولسان آتش بفتة وبالجملة بطریه لر طرفدن بردن باشعلاندینی صورتده تاثیر جوق تزايد ایدر . قطعی برنتیجه نك سرعتله حصولی بطریه لر آتشلرینان عینی هدف اوزرنده برلشدیرلمسیله و آتش سرعتنك تزئیدیه امید اولنور .

اکثر احوالده آتشك برقاچ هدف اوزرینه تقسیمندن صرف نظر اولنه مزسده هیچ بروقت بو حال آتشك مقصدسز صورتده طاغیدلسی درجه سنه وارماملیدر . چونکه بطریه لر عددنجه دشمن اوزرینه اولان تفوق آنجق آتشلر نك برلشدیرلمسیله تاثیر حاصل ایده بیلور . زیاده کنیش هدف لر قاعده قسمله تقسیم اولنور و هر قسمله آری آری حرب ایدیلور و آنجق بو هدفك تهلكلی صورتده ایلروله مسی حالنده تکمیلنه بزدن آتش تقسیم اولنور .

(۲) — آتشك نوعلری ؟

(۱) — عادی آتش : بو آتش برجناحدن باشلار و هر طوب صرمسیله و طاقم ضابطلرینك قومانداسیله آتش ایدر و در حال تکرار طولدیریلور که بوکا طوب صرمسیله طولدیرمق تعبیر اولنور و بو وجهله آتش تکرار عینی جناحدن باشلانور . ثانیلی طبه ایله شراپنل و یا دانه انداخت اولنه جفنده بطریه قوماندانی بلوک صرمسیله طولدیرلمسی امر ایده بیلور . بده آتش ایتش اولان طوبك ایلک اول یالکز نشان آلمسی و آنجق یکی صرم ایچون مسافه قومانداسی ویرلدکن صکره آتمك طوبه قونمسی و طوب صرمسیله طولدیرمق امری ویریلنجهیه قدر بو وجهله دوام اولنمیدر . عادی آتشده هر آتم ترصد اولنور و بو آتشله بطریه دقیقه درت انداخت اجرا ایده بیلور . آتشك سرعتی تزئید و یاتنقیص اولنه جق ایسه آتش فاصله سنك قیصادلسی و یا اوزادلسی امر اولنور .

(۲) — آغر آتش : بو آتشده آتش نظامی عادی آتشده اولدینی کبی ایسه ده آنجق هر طوبك انداخت زمانی بطریه قوماندانی طرفدن تعیین وانك اخباریله آتش اولنور و بو آتش ترصدی کوچ اولان انداختلر ایچون مستعملدر .

(۳) — چابوق آتش : بو آتشده هر طوب طولدیریلوب مهیا اولدینی کبی طوب چاوشنك

نومانداسيله آتش ايديلور وبوجيله بطريه دقيقه ده ۱۰ قدر انداخت اجرا ايد بيلور . ثابت هدفله نارشو چابوق آتش آنجق ۱۵۰۰ متره ايله ده يقين مسافله ايجون قوللانيلور . يوخسه داغا حرکته ولان هدفله قارشو مستعملدر .

(۴) — يايلم آتش ترصد ويا تاثير ايجون استعمال اولنور .

(۳) — مرميلرک انواعی :

طوبچينک اوچ درلو مرمیسی اولوب بونلر ، دانه شراپنل وپشرودر .

(۱) — دانه مصادمه طپه سيله مستعمل اولوب مسافه تخمينی و تخريب ايشلرنده قوللانيلور .

(۲) — شراپنل مسافه يه تقسيم اولنش ثانیه لی طپه ايله مستعمل اولوب جانلی هدفله قارشو استعمال اولنور . وطپه سی صفره تطبيق اولنش شراپنل پشرو تاثيرینی اجرا ايد بيلور .

(۳) — پشرو يقينه ککش هجوملره قارشو مدافعه ايجون استعمال اولنور . و اوچيوز متره يه قدر اجرای تاثير ايدر .

آلمانیا طوبچيلرنده آنجق ايکی درلو مرمی اولوب بونلر ، شراپنل و طورپیل دانه سيدر .

(۱) — مسافه يه تقسيم اولنش ثانیه لی طپه یی حاوی شراپنل صنعی ویا طبیعی سپرلر ارقه سنه

ايوجه صوقلمش اوليان جانلی هدفله قارشو محاربه ايجون آلمانیا ده طوبچينک باش مرمیسيدر . مصادمه طپه لی شراپنل مسافه تخمينی و يقين مسافله ره قارشو مدافعه ايجون استعمال اولنور و مسافه اوزاد قچه مصادمه طپه لی شراپنلک تاثيری سرعتله آزالور .

(۲) — ثانیه لی طپه یی حاوی طورپیل دانه سی آلمانیا ده صنعی ویا طبیعی سپرلر ارقه سنه ايوجه صوقلمش جانلی هدفله قارشو محاربه ايجون مستعملدر و مصادمه طپه لی طورپیل دانه سی مهمات حربيه نك و مواقعك تخريبی ايجون قوللانيلوب جانلی هدفله قارشو آنجق مستثنا احواله استعمال اولنور و ثانیه لی طپه نك کفایت ايد مدیکی مسافله ده مصادمه طپه لی طورپیل دانه سی مصادمه طپه لی شراپنله مرجحدر . آلمانیا جه مستعمل اولدی بیلديرلان اشبو طورپیل دانه سنك درجه فوادی محقق کورلدیکندن دولت علیه ده قبول بیورلماشدر .

§ ۴۱

﴿ آتش موضعنك تبديلی ﴾

آتش موضعنك هر تبديلی آتش تأثیرینك كسلمسنه سبب اولديغندن محاربه نك مقصدی ايجاب اينديرمدكجه بويله برتبديله قالقيشلامليدر .

موضع تبديلی طوبچينك منسوب اولدينی قطعه عسكریه قوماندانك امريله اجرا اولنور . اكر بوتبديله طوبچی قوماندانجه لزوم كورولش ايسه مذكور قطعه عسكریه قوماندانك مساعده سی استحصال اولنور . اكر محاربه نك حالی همان ایلری حرکتی وقرانلمش موفقیتدن درحال استفاده اولنمسی اقتضا ایتمكده ايسه احواله ذكر اولنان شوقاعده دن انحراف ايدیلور ومستقلاً ویریلان قرار درحال مذكور قوماندانه عرض اولنور . موضعه جزئی تبدیلات موضع تبديلی عد اولنور .

تک بر بطریقه قسمله آریلیه رق یکی موضعه بردن کيدر . برقاج بطریقه برلشمش ايسه ایلری کری حرکت قاعده قدمه اصوليله اجرا اولنور . طوپ بنديرمكده اولان طوبچی دكرلی برهدف اولديغندن دشمنی شدتله آتسه ترغیب ايدر . ومثلاً طوپلر اولجه انكین « منحط » اراضی به چكيله رك دشمن فرقه واردمقیزین اوراده طوپ بنديرمك اكثریا ممكندر .

کری حرکتلر قاعده عادتاً يورويشله اجرا اولنور .

§ ۴۲

﴿ تعرض وتعقيب ﴾

۱. — تعرض ایدن طرفك طوبچینی ایچون بالجه احواله ايلك هدف دشمن طوبچیسيدر . پیاده نك تعرضی تسهیل ایتك وبلکه بوتعرضه امكان ویرمك ایچون دشمن طوبچیسنك آتشی سونديرملیدر .

تعرضه تصادفی محاربه ايله اولجه خط آچهرق یاییلمش اولان بردشمن اوزرینه تعرض بر برندن قهریق اولنور .

تصادفی محاربه ده طوپچينك اصل وظيفه‌سی ده‌ا کلمکده اولان يورويش قوللرينه يوز ايلری جبهه ايتمک ويا ييله‌رق خط آجق اوزره مقتضى زمان وميدان قزانمقدر . باشلايه‌جنى بو محاربه‌ده طوپچى نه‌درجه پياده عسکرينك ياردمندن صرف‌نظر ايده بيلورسه قطعات مختلفه عسکريه‌نك صورت ترتيبده باش قوماندانه اودرجه‌ده سربستيت ويرر . طوپچى ايجون بوراده مهم اولان شى حرکتمده و آتشده کوستره‌جکي چابوقلق سايه‌سنده ده‌ا بدايتده دشمن طوپچيسى اوزرينه تفوق قزانمقدر . دشمن کندى بطريه‌لرينك خط حربه ادخالى خصوصنده بزه تقدم ايتمش ايسه طوپلر عددنجه دشمن درجه‌سنة واري‌لنجه يه قدر قطعى طوپچى محاربه‌سى تأخير ايدلميلير .

۲. — اولجه خط آچمش وبلکه حاضرلنش اولان تدافى جبهه اوزرينه تعرضده

طوپچينك قسم کليسى آتشده دشمن اوزرينه سرعتله تفوق قزانمق ايجون ده‌ا محاربه‌يه کيريشمزدن اقدام ايلرى صف حرب وجهه تشکيل ايلر . دشمن آتشنك يلادينى يرلرلى قولايجه کچه بيلمک و دشمنه ياقلاشمق ايجون ده‌ا قرانلقدن استفاده ايدر و صباحک ايدنلغيله همان اولجه ممکن مرتبه حاضرلنش اولان آتش موضعندن محاربه‌يه باشلار .

ايلک آتش موضعنك دشمندن نه‌قدر اوزاق اوله‌جنى باش قوماندانك افکار و نياتنه و محاربه‌نك حاله و اراضينك كيفيت واحواله تابع اولوب احوالك مساعده‌سى درجه‌سنده بوموضعك دشمنه يقين انتخاب اولمسنه غيرت اولنور . اکثريا انتخاب اولسان اشبو برنجى موضع دشمن طوپچيسنك تخريبنه مساعد دکل ايسه ده‌ا تأثيرلى انداخت مسافسنه يعنى ۲۰۰۰ دن ۱۵۰۰ متره يه قدر صوقولنور .

دشمن طوپچيسنك آتشى سونديرلده‌کن و باش قوماندان هجوم اولنه‌جق نقطه‌يى

تعيين ايتده‌کن صکره بهوجومى حاضرلىق ايجون امکان درجه‌سنده احاطه ايده‌جک موضعلردن مذکور نقطه اوزرينه غايت شدتلى و دهشتلى طوپچى آتشى توحيد ايديلور . طوپچينك برقسى دخی هجوم ميدانه ده‌ا تأثيرى اوله بيلان دشمن طوپچيسنى آتش آلتنده بولنديرر .

پياده‌نك تعرضى باشلادقدن صکره يکي کلان ويا تکرار آتشة باشلايان دشمن بطريه‌لرى آتشلرينى طوپچى يه جويردرلرسه دخی ينه آتشنك قسم اعظمى پياده تعرضنه معاونته دوام ايتمليدر .

هجوم اوله جق نقطه یی یوکسکدن کورن بر محلدن و یا خود یان طرفدن آتش آلتنه آلق فائده لیدر . چونکه بوحالده موضع تبدیلینه حاجت قالمق سزین عینی موضعدن دوست و دشمنک تفریق و مریماتک ترصدی قابل اولدقدن بشقه مریماتک انتشاریله کندی عسکریمز مخاطره یه قونلمز .

۳۰ — پیاده مز تعرض ایچون ایلر ولدکده قوه مغنویه لرینی تقویه ایچون الک یقین و مؤثر مسافه یه قدر بر قاچ بطریه کندی تلفاتنه هینچ اهمیت ویرمیه رک برلکده کیدر و دیگر بطریه لر دخی دشمن احتیاطنک ایلر و لمسنه مانع اولمق ایچون دشمن موضعنک کیرولرینی آتش آلتنه آلور . و ورطده اونه زورقک بطریه سی وسن پرواده خاصه بطریه لر کی .

تعرض موفق اولدیمی ایلک تعقیب آتشله اجرا اولنه جفندن طوبچی امر بکله میهرک در حال ضبط اولنان موضعه سرعتله ایلرولو . رجعت ایدن دشمن چکیلهرک تأثیرلی آتش منزلدن چیقیدینی کی طوبچینک هیئت مجموعه سی موقتیدن مصرانه استفاده ایچون تعقیب ایدر و بالجمله بطریه لر دشمنک ارقه سندن کیدر واک آزیان بعدیله نقدر طوب آتش ایده بیلورسه جمعیتله آتش ایدرک طور مقصدن و جمع اولمقدن دشمنی منع ایدرلر و دشمنک رجعتی بوندن ایلری تضییق ایچون سواری قطعه لر طرفدن مظاهرات اولنق اوزره سواری طوبچیسی ترجیحاً مستعملدر .

تعرض موقتیسز قالدیمی چکلمکده اولان پیاده مز محافظه ایچون طوبچی ثبات اتملی و دشمنک تعقیبی آتشله دفع ایلملیدر .

§ ۴۳

مدافعه و رجعت

۱۰ — اصل موضع صنعی اوله رق تقویه ایدلمش بولنسه بیله اکثر احوالده طوبچی ایچـ بشقه بر حاضرلق موضعی اخذی توصیه اولنور . چونکه بوسایه ده ترتیباتمز اوزرینه دشمنک نظری منع اولندی کی طوبچینک اصل هجوم استقامته قارشو طوغری جبهه تشکیل ایده بیلمسی امکانی حاصل اولمش و بی لزوم اوله رق موضع تبدیلی مجبوریتی بر طرف ایدلمش اولور .

موضعلرك احضارنده باخصوص افرادك محافظه لريچون طوپراق سپرلر زياده مستعملدر .
وزمان مساعد ايسه مسافلر تعيين وطوپلره يقين محللرده بولجه جبخانه احضار و دشمنك نظرينه حائل
اوله جق شيلر وترصد ايچون مخصوص موقعلر ترتيب و انداخت ميداني آغاج وچيت كبي موانعدن تطهير
وطوپارلقلر و جبخانه عربهلريچون طوپراق سپرلر احضار اولنور . بوتديرلر پك زياده عجله ايله
حاضرنغه مجبور اولميان موضعلرده وقلعه محاربه لرنده ممكن اولور .

۲. — دشمنك تعرض استقامتي صورت عموميه ده معلوم اولديني كبي ممكن
مرتبه ده دشمن بطريهلري جهه تشكيل ايتزدن اقدم آتش موضعي آلتيدر .
وقتندن اول وپك اوزاق مسافلردن و دشمنك اهميتسز كوچك قطعه لري اوزرينه آتش اولتماق
ايچون اكثريا ايلك طوپ باش قوماندانك امريله آتش ايديلور .

بوندن صكره قاعده ايلك محاربه متعرضلرك طوپچيلريله اولور . وتفوق قزائقي ايچون اكثريا
تكميل طوپلره آتش ايديلور . اكر دشمن پياده سنك ده تعرضه باشلامسندن اول دشمنك طوپچي آتشي
طوپ محاربه سنك دوام ايتديرلمسند بزه هيچ بر فائده اميد اولنه ميه جق درجه ده فائق بولنورسه
اوحالده طوپچيلر باش قوماندانك امريله موقتاً دشمن طوپچي آتشنك تأثيرندن خارجه
چكيلور .

۳. — خصمك پياده سي تعرض ايچون ايلر ولدكي كبي طوپچي دشمنك طوپ آتشنه
هيچ اهميت و يرميه رك بوياده ني هدف اتخاذا ايتلدير . چونكه اصل ايش پياده يه قارشو ايديلان
محاربه ده در . آنجق احوالك مساعده سي احتمالنده عيني زمانده دشمن طوپچيسي دخی آتشنه اشغال
ايديله بيلور . بونك ايچون اولجه موقتاً كيري چكلمش اولان بالجله طوپلر هيچ امر بكمكمسزين كال
كرمي ايله تكرار ايشه كيريشورلر .

بونكله برابر دشمن تعرضنده موفق اولورسه طوپچيلرك برقسيله دشمن بطريهلرينك
ضبط اولنان موضعه دخوللري منع اولنور . وقسم ديكريله دخی دشمنك ضبط ايتمش اولديني بوموضعدن
طرد و تبعيد ايچون مذكور موضعه كيرن پياده سي اوزرينه توحيد آتش ايديلور . محاربه نك بوذكر اولنان
حالنده صوك درجه يه قدر كال درجه ثبات اولنلي وحق بويولده طوپلرك ضياعي بيله شان و شرف عد
اولنلدير . كونيكفرس محاربه سنده ليا صرترلنده آوستريا طوپچيسنك ثباتي كي .

۴. — رجعتہ مجبوریت حاصل اولورسه طوبیجی یان طرفلرده ویا طار کجید آرقلرندہ بولنان حمایہ موضعلرندن تعقیب ایدن دشمنک شدتلی آتشی ممکن مرتبه کندی پیاده سندن دفع ایتمکک وانلرک منتظم یورویش قولی تشکیل ایتملرینه امکان ویرمکک غیرت ایتملیدر .

§ ۴۴

چ مختلف نظاملرک محل استعمالی

۱. — اجتماع نظامی بطریقه ایچون : یناشیق صف حرب نظامی ویوللرده تک قول نظامی

وکنیش یوللرده یناشیق طاقم قولی نظامی .

طابور ایچون : درین قول وکنیش قول ویوللرده طابورده تک

قول و طابورده طاقم قولی .

۲. — یورویش نظامی : تک قول نظامی و مستننا احوالده وکنیش یوللرده یناشیق طاقم قولی

نظامیدر .

۳. — مانوره نظامی : بطریقه تک ایلری وکری حرکتیچون تک قول ویا بعد تاملی

صف حرب نظامیدر .

طابور ایچون : طابورده بلوک قوللری .

یان یورویش ایچون : تک قول نظامی و دشمن آتشی خارجنده

طاقم قولی نظامیدر .

۴. — محاربه نظامی : آنجق طوپ ایندیرمش بعد تاملی صف حرب نظامیدر .

صنوف مختلفهٔ عسکریه په دائر صوڪ مطالعات و نتایج

(۱) — پیاده

پیاده عسکری عدد و اهمیتجه اردولرک اساسیدر .

صنوف عسکریه ایچنده تشکیلی اک قولای و تجهیزی اک اوجوز بولنانیدر .

اسلحهٔ ناریه و جارحه پی حامل و طاغنیق ویناشیق نظاملرده عامل و تعرض و مدافعه و کوندوز و کیجه محاربه لرنده استفاده عینی درجهده صالح اولوب عسکرجه مروری قابل اولان هریرده غوغا ایده بیلدیکندن صنوف عسکریه نك هر درلو ایشلرده استخدام اولنه بیلانی و یوروش و محاربه و استراحت ایچون اک لزوملی شیلری اک سهولته اجرا ایده بیلانیدر .

مجبوریت حالنده پیاده صنوف سائر نك اغانه سی اولمق سزین دخی حربه قادر و آماده اولدیفندن صنوف عسکریه ایچنده اک زیاده مستقل اولانی و کندیته کفایته مقتدر بولنانیدر .

یوقسزلفه ویمک و ایچمکده انتظامسزلفه انسانلر حیوانلردن زیاده محتمل اولدقلرندن پیاده عسکری ثبات خصوصنده سائر صنفلره تقدم ایدر .

لکن پیاده نك سرعتی پک دون اولدیفندن ترفیق اولنان برار سوارینک سرعتله ایفا ایده بیله چکی کشف و امنیت خدمت لری پی چوق زمان و قوت صرفیله آنجق نقصان بر صورتده ایفایه مقتدر اولور . وه لوسپیده بینمش پیاده ایله بو خدمت لری ایفایه آنجق یوللرک دوز وایو اولسی حالنده ممکن اولور .

دشمن طوبچیسنک اوزاقدن آتشنه قارشو مدافعه سز اولدیفندن کرك اوزمانده و کرکسه مواقعک ضبطی ایجاب ایتدیکنده طوبچینک اغانه سنه محتاجدر . فی ۴ اغستوس سنه ۱۸۷۰ ده وقوعبولان وایسنبورغ مصادمه سنده غایسبرغ قصری اطرافده جریان ایدن محاربهده اولدیی کپی .

هرقدر آلمانیا اردولرنده غره نادیه و موسکتر و فوزیلیه ناملریله مختلف پیاده عسکری بولمقده

ایسده بونلرک وظیفه و خدمتلی دیگر پیاده لر کیدر . آغیر وخفیف پیاده تعبیرلی ایسه قاریخه . ر .

بوندن بشقه آوجی ونشایجی نامرلیله برصنف پیاده دها موجود اولوب نشانجیلقدما ماهر اولان افراد جدیدمه بهرسنه بوصنفه ویریلور وافرادیکنک نشان آتمقده مهارتلینه ودرایت وچویکلنکلینه مبنی بوصنف عسکر مهم خدمتلی ایفاسنه مقتدر ویاکمز باشنه مأموریتلره وباخصوص امنیت ونجسس خدمتلینه الویریشلیدر .

(۲) — سواری

سواری عسکری اردونک کوزی اولوب سرعتنه مبنی کشف وامنیت خدمتلینه وکشف اثناسنده تصادف ایدمه جکی احوال حربیهده وظیفه سنی ایفایه دهازیاده مقتدر تسلیح اولنور وبرابرینه سواری طوبیجیسی ویریلور .

لکن سواری عسکری صنوف عسکرینه نک اک بهالیسی و حیوانلر و آتلورلرک تربیه وتعلیمی چوق همت وزمانه محتاج اولدیفندن یکیدن تشکیل اک مشکل بولنایدن ۱۸۱۳ و ۱۸۷۰ و ۱۸۷۱ سفرلرنده کوردلیکی کبی .

بوعسکر طبیعت اراضیه صنوف سائرمدن دهازیاده تابع اولوب پیاده نک کچه بیله جکی خندقلر خصوصیه کنارلری بطاقلق ویومشاق بولندینی حالدله سواری ایچون مروری غیرقابل برمانع اولور وشپیخرن اراضیسی کبی دیک تپلرده واورمانلرده سوارینک محاربهیه اقتداری آزالور .

متنوع خدمت کوره بیلورسده آت اوستندمه یالکمز متعرضانه حرکت ایدمه بیلور ومحاربه سی یناشیق اوله رق هجومدن عبارت قالور وبو هجومده دخی شدت مصادمه ایله اسلحه جارحه تیجه بی قازانور . دشمنک هجومی یرنده بکلین سواری مغلوب اوله جفندن آت اوزرنده مدافعه سی مقابل هجومدن عبارتدر وآتشلی محاربه بی ایسه آنجق ایاقده اجرا ایدمه بیلور .

کندیسیچون کچیدلر ومستور محللر ودشمنک کله جکی یولی قباهجق مانعلر بولور وتدارک ایدمه بیلور وتلغرافلردن استفاده وصویوللرینی وتیمور یوللرینی تخریب الندن کلور .

سواری عسکری آغیر وخفیف سواری قسملرینه منقسم اولوب انسان وحیوانجه ایریلری آغیر

سواری به واك كوچكلى خفیف سواری به و آلمانپاده هوسارلرله دراغونلره ویریلور . المانیا اردولرندهكى زرهلى سواریسى سفرده زرهلىنى ترك ایدرلر . عموماً سواری عساكر شاهانهسى فلنطه ایله تجهیزاولمیش و بعضی آلایره علاوه مزراق دخی ویریلمشدر . وبالجملة المان سواریسى مزراق و فلنطه ایله مجهزدر .

(۳) — طوبجی

طوبجی عسکری سیار و قلعه طوبجیسی قسملرینه منقسمدر .

بوعسکر انسان ایله حیوانك و طوبك برلشمسیله حصوله كلدیكندن صنوف عسکریه ایچنده تجهیزی اك كوچ اولانیدر . مع هذا طوب بولندینى حالدله طوبجینك تشكیلى سواریدن قولای اولدینى ۱۸۷۰ و ۷۱ سفرنده فرانسهك كوسترمش اولدینى مثالیه ثابت اولمشدر .

طوبجینك طوبی پیادهك تفكه غایت منزل وقوة تخرییه و نفوذ خصوصارنده فائقدر و اصابت احتمالی ایسه مریمسك دومانی و درینلكه تأثیرینك زیادهلكی سایهسندّه تراید ایتمشدر . مریمك دومانی ترصدی و بوسیله اصابتی تسهیل ایدر و درینلكه تأثیرك زیادهلكی تمامیه تقدیر اولنه ماش مسافده دخی تأثیری تأمین ایلر .

سرعت خصوصنده سیار طوبجیسی سواری به همان مساوی درجه لرده اولوب حرکاتی سواری کې طبیعت اراضی به تابعدر .

طوبجی ایچون مهم اولان شی اوزاق و یا یقین یولدن كچرك آتش ایچون بر موضعه وصول اولدیغندن طوبجینك محاربه به اولان قابلیته طبیعت اراضینك تأثیری آزدر . مع هذا اراضینك طبیعتی و تشكالاتی و مستور محلكك موجودیتی بر درجه به قدر مریملك تأثیرینه دخی اولدیغندن شرابنل می و یا مصادمه طیه سیله دانه می انداخت اولنه حق اراضی به كوره انتخاب اولندینى کې انداخت نوعنك انتخابی یعنی شرپنل و یا دانهك یوكسك و یا یاتیق قوسله می انداختی مناسب اوله جنى طبیعت و تشكالات اراضی به و مستور محلكك موجود اولوب اولدیغنه كوره تعین ایدر .

طوبجی اخذ موضع ایدرك طوب ایندیردكن صكره ویردیكى تلفات ایله محاربه ده یارارلنى صنوف سائر درجه سنده تناقص ایتمز و مثلاً بر بطریده مستخدم عساكرك نصفی تلف اولسه بیله بطریهك آتشنه خلل كلز . (۷۰ و ۷۱) سفرنده وقوعه كلان بومون محاربه سنده سكرنجی پیاده فرقه سبك پیشدار بطریه لنده اولدینى کې .

کفایت درجه‌ده قوشوم حیوانی قالدقدن و دشمن ایسه ده‌ا بطریه‌نک ایچنه کیرمدکنسکره طوپچی عسکری دائماً امر اولنان محله سوق اولنه‌بیلور .

یقیندن محاربه طوپچی ایچون مفقود اولدیفندن اسلحه جارحاسنی آنجق نفسی مدافعه‌ده قوللانور .

یورویش ائناسنده وموقتاً محاربه‌ده دیگر ایکی صنف عسکردن برینک محافظه‌نه محتاج اولوب طوپ بندیرمش اولدینی زمانلر آتش ایده‌مدیکندن کندینی بیله مدافعه ایده‌مز .

طوپچینک اهمیتی اوتهدنبرو پیاده ایچون محاربه‌بی احضارنده اولوب باخصوص مکرر آتشلی سلاحلره مدافعه اولنان بر موضعه پیاده‌نک تعرضنده بو اهمیت تزاید ایدر . ایشته بو‌حاله واقف اولدقلرنندرکه کرك دولت علیه وفرانسه وکرکسه روسیه و آلمانیا طوپچی بطریه‌لرینی تزاید ایتشلردر .

سیار طوپچینسک قسم اعظمی پیاده اولوب قسم اصغری سواریدر . آلمانیا‌ده بو ایکی قسم طوپچینک طوپلری عینی چاپده اولدقلربدن عینی جیخانه استعمال ایدرلر وسواری طوپچینسک نومرو نفراتی پیاده‌نکیلر کبی طوپ و طوپارلقلرده‌کی صندالیه‌لره بینمش اولیوب آتلی اولدقلرندن ومذکور صندالیه‌لر دخی حذف ایدلمش بولندیفندن سواری طوپچیسی ده‌ا خفیف وحرکت ده‌ا زیاده قابیلیتیدر . دولت علیه‌ده ایسه بوندن بشقه سواری طوپچینسک طوپلری ده‌ا کوچک چاپده بولندقلرندن ده‌ا زیاده خفیف ایسه‌لرده عینی جیخانه‌بی استعمال ایده‌مزلر . سواری فرقه‌نه ترفیق ایدلیان سواری طوپچیسی آلمانیا‌ده قول اردو طوپچیسنه ویریلور .

دولت علیه ایله بعض دولتلرده بوندن بشقه طاغ بطریه‌لری واغر طوپلره مجهز موضع طوپچیسی دخی بولنمقده‌در .

هرنه‌قدر قلعه طوپچیسی اساساً استحکاماتک هجوم ومدافعه‌لرنده مستعمل ایسه‌لرده صحرا محاربه‌لرینه دخی اشتراکلی قبول اولنمقده‌در .

(۴) — استحکام وتیمور یوللر وبالونجی عساکری

هرقول اردوده استحکام بلوکلی بولنور وهرفرقه‌ده بولنان بر استحکام بلوکنه فرقه‌یه مخصوص ۳۶,۵۰ مترو ایچون کافی برکوپری طاقی ویریلور .

قول اردو کوپری طاقی عساکر مخصوصه‌سیله برابر ۱۲۲ مترولق برکوپری ایچون ایجاب ایدن

ادواتی حاویدر . برقول اردوینی تشکیل ایدن ایکی فرقه‌نک کوپری طاقمری دخی برلکده حساب اولغق اوزره برقول اردونک بالجله ادواتیه تقریباً ۲۰۰ مترو طولده برکوپری قوریله بیلوب ادوات مذکوره‌نک عربهلردن چیقارلمسیچون صرف اولسان زمان داخل اولدینی حالده بوکوپرینک یارم کوندن نقصان زمان ایچنده قورلدینی نادراً واقعدر . ایجابنده قوللانغق اوزره استحکام عسکری قابل نقل استحکام ادواتی برلکده بولندیردینی کبی عربهلرله کلیتلو ایش ادواتی دخی نقل ایدر .

استحکام عساکری پیاده اسلحه‌سیله مسلح اولوب پیاده تعلیمنامه‌سی اوزره تعلیم و تربیه ایدلکلرندن وورت ومارس لاطور محاربه‌لرنده کورلدیکی کبی اکثراً محاربه میداننده دخی قابل استعمالدرلر بونکله برابر اصل وظیفه‌لری دشمن قارشوسنده عملیات فیه اجراسیدر .

تیجور یوللر عساکری بویوللری تخریب ایتمک و استعمال درجه‌سند تعمیری قابل اولان خراب تیمور یوللری تعمیر ایلیمک و دشمن ممالکنده کیلری ایشلمکک مخصوص اولوب اکاکوره تربیه و تجهیز اولغقده وکوپرلر و تونلر و تلفرافلرک زیاده تخریب و تعمیرلری دخی بو عسکره حواله قلنمقدهدر .

استحکام عساکرندن بعضی مفرزه‌لر سفرده عسکری تلفرافلرینک انشاسی و ایشلمسینه تخصیص واکاکوره تربیه و تجهیز ایدلش و بعضی مفرزه‌لر دخی بالون استعمالنده مستخدم بولنشددر .

ایشته بورادن صنوف عسکریه‌دن هیچ برینک دیگر صنفلرک اعانه‌سنه احتیاطدن وارسته اوله‌مدینی و بونلرک بر برینه اعانه‌سی مجبوری بولندینی و سفرك متانتله اجرایی صنوف مذکوره عسکریه‌نک برلکده استخدامنی ایجاب ایتدیکی اکلاشلمقدهدر .

انتهای قسم اول

فی رجب سنه ۱۳۱۷ و فی تشرین اول سنه ۱۳۱۵

فہرست کتاب

• تحدیث نعمت حضرت ﴿ پادشاہی ﴾ و افادۂ مرام صفحہ ۴ الی ۵

مَخْلُوع

۱۱ فن حربہ دائر مطالعات عمومیہ و فن مذکورک تحصیلندہ لزومی کوریلان فنلر صفحہ ۶ الی ۷

بَرَجَحِي قِسْمُ صُوْخُخْلَفَا نَكْ مَنَفَرَا تَعْبِيْرَا تَعْبِيْءُ حَقِيْقَةُ تَعْبِيْءُ آخِرُهُ تَعْبِيْءُ اَسَاسِيَّةُ بِيَادَا نَكْ تَعْبِيْرَا

يناشيق نظام

— بلوك —

بلوك ترتيب و تقسيمى

- | | |
|---|---|
| ٢ | صف حرب نظامنده برپاده بلوك ترتيب و تقسيمى صحيفه ٨ الى ٩ |
| ٣ | صف حرب نظامنده بولنان بلوك حركتى صحيفه ٩ الى ١٠ |
| ٤ | بلوكده قوللر تشكىلى و قوللرك تكرار صف حربته تحويلى . |

قوللرك حركتى

- | | |
|-------|---|
| (١) | — ايكيشرله قول صحيفه ١٠ |
| (٢) | — ددرله قول نظامى صحيفه ١٠ الى ١١ |
| (٣) | — بلوك قولى نظامى صحيفه ١١ الى ١٣ |
| (٤) | — قلمه نظامى صحيفه ١٣ |
| | مختلف قوللردن صف حرب تشكىلى و تبديل استقامتلى صحيفه ١٣ الى ١٤ |

طابور

- | | |
|---|--|
| ٥ | طابورك قوللرى و حركتلى . |
| | طابورك اساس نظاملى صحيفه ١٤ الى ١٧ |
| ٦ | برقولدن ديكر قوله كچمك صحيفه ١٧ الى ١٨ |

نتيجه

- | | |
|---|--|
| ٧ | يناشيق و طاغنيق نظاملك محاربهده فائده و محدودللى صحيفه ١٨ الى ١٩ |
|---|--|

— ج —

محاربه
طاغنيق نظام

بلوكده آوجى خطى تشكىلى وبوخطك حركتى وتقويهسى واستناد عسكرى .

طاغنيق نظام	صفحه ۱۹ الى ۲۰
آوجى خطنك تشكىلى	صفحه ۲۰
آوجى خطنك حركتى	صفحه ۲۰ الى ۲۱
آوجى خطنك تقويهسى	صفحه ۲۱ الى ۲۲
استناد عسكرى	صفحه ۲۲

نتيجه

آوجى آتشك تأثيرى ومحاربه ده نه زمان دودك وياپورى اشارتى ويريلاهكى صفحه ۲۲ الى ۲۳	
آتشلى سلاحلارك تأثيرى وتلفاتك تنقيصى چاردهسى .	۱۰
(۱) — طوبنجى آتشى	صفحه ۲۳ الى ۲۴
(۲) — پياده آتشى	صفحه ۲۴ الى ۲۶
آتشك ادارهسى وانضباطى وانواعى .	۱۱

(۱) — آتشك ادارهسى	صفحه ۲۶ الى ۲۸
(۲) — آتشك انضباطى	صفحه ۲۸
(۳) — آتشك انواعى	صفحه ۲۸ الى ۳۱

طابورك محاربهسى

محاربه نظامى ، طابورك انقسامى وكنيشلكنه اوزامسى .	۱۱
(۱) — طابورك محاربه نظامى	صفحه ۳۱ الى ۳۳
(۲) — طابورك درينلكنه اوزامسى	صفحه ۳۳ الى ۳۴
(۳) — آجيلمش برطابورك حرركاتى	صفحه ۳۴
(۴) — طابور ، بلوك ، طاقم ، مانقه قوماندانلرينك وظيفهسى	صفحه ۳۴ الى ۳۶

تعرض وتمقيب

(۱) — تصادفى محاربه ايله پلان موجبجه اجرا اولنان مقرر محاربه نك بربرلندن فرق .	صفحه ۳۶ الى ۳۷
(۲) — تعرض وتمقيبك اجراسى حقنده قواعد عموميه	صفحه ۳۷ الى ۳۹

مدافعه ورجعت

(۱) — موضملك اشغالى	صفحه ۳۹ الى ۴۰
(۲) — مدافعه نك ادارهسى	صفحه ۴۰ الى ۴۲

۱۵ § پیاده نك پیاده به وسواری به و طوپیچی به قارشو محاربه سی .

(۱) — پیاده به قارشو صحیفه ۴۲

(ب) — سواری به قارشو صحیفه ۴۳ الی ۴۴

(ج) — طوپیچی به قارشو صحیفه ۴۴ الی ۴۵

۱۶ § محاربه ده جیخانه نقصانك اكمالی .

تصادق و مقرر محاربه لرده جیخانه نقصانك صورت اكمال صحیفه ۴۵ الی ۴۶

۱۷ § مختلف نظاملك استعمالری .

(۱) — یوروش ، اجتماع ، مانوره ، محاربه نظاملی صحیفه ۴۶ الی ۴۷

آلای

۱۸ § اجتماع نظامی ، محاربه آچیلق صحیفه ۴۷ الی ۴۸

لوا

۱۹ § اجتماع نظامی ، محاربه آچیلق صحیفه ۴۸ الی ۴۹

سواری تعیه سی

بلوك

۲۰ § صف حرب نظامنده برسواری بلوكك ترتیب و تقسیمی صحیفه ۵۱ الی ۵۲

۲۱ § یوروشلرك انواعی ، چرخلر ، آته بنك ، یره اینك ، یناشمق و کری به حذا برابرلك ایتك

(۱) — سواریده یوروشلرك انواعی ، چرخلر الخ صحیفه ۵۳ الی ۵۴

۲۲ § صف حربده بولنان بر بلوكك حرکتلری .

برسواری بلوكك ایلری ، کری ، یارم یان طرفه حرکتی وجهه تبدیللری صحیفه ۵۴ الی ۵۵

۲۳ § بلوكك قوللری و قوللرك حرکتلری وصف حرب نظامنك تکرار اخذی .

(۱) — طاقله قول صحیفه ۵۵ الی ۵۶

(۲) — قدمه لی قول صحیفه ۵۶

دردرله یوروش قولی صحیفه ۵۶ الی ۵۷

ایکیشره یوروش قولی صحیفه ۵۷ الی ۵۸

قوللرك حرکتلری و یوروش استقامتک تبدیلی صحیفه ۵۸ الی ۵۹

قوللردن صف حرب به کچیلمسی

(۱) — طاقله قولدن صف حرب تشکیلی صحیفه ۵۹

(۲) — قدمه لی قولدن صف حرب تشکیلی صحیفه ۵۹ الی ۶۰

(۳) — دردرله و یا ایکیشره قوللردن صف حرب تشکیلی صحیفه ۶۰

آلای

- § ۲۴ آلایک نظام و حرکتلری .
- (۱) — آلایک صف حرب نظامی صحیفه ۶۰ الی ۶۱
- (۲) — خط قولى نظامی صحیفه ۶۱
- (۳) — اجتماع قولى نظامی صحیفه ۶۱ الی ۶۲
- (۴) — آلایک طاقله قول ، یوروش قول و طاقله چفت قول نظاملری صحیفه ۶۲
- قوللارك حرکتلری صحیفه ۶۳
- § ۲۵ قولدن صف حرب نظامنه حکمک .
- (۱) — خط قولى نظامندن صحیفه ۶۳ الی ۶۴
- (۲) — اجتماع قولى نظامندن صحیفه ۶۴
- (۳) — طاقله قولدن صحیفه ۶۵
- (۴) — درددرله ، ایکیشرله یوروش قولندن صحیفه ۶۵
- § ۲۶ صف حرب و قول ، نظاملرینک بر بريله مقایسهلری صحیفه ۶۶ الی ۶۷

محاربہ

- § ۲۷ سواری هجومنه دائر مطالعات عمومیه صحیفه ۶۷ الی ۶۸
- § ۲۸ مختلف هجوملر .
- (۱) — سواری به قارشو هجوم صحیفه ۶۸
- (۱) — اخذ اولنه جق نظام صحیفه ۶۸
- (۲) — نه یوروشله حرکت اولنه جفی صحیفه ۶۸ الی ۶۹
- (۳) — دشمن سواریسيله چاریشیلسمی و بربرینه کریشیلسمی صحیفه ۶۹
- (۵،۴) — تعقیب و طولینمه صحیفه ۶۹ الی ۷۰
- (ب) — پیاده به قارشو هجوم صحیفه ۷۰ الی ۷۱
- (ج) — طوبجی به قارشو هجوم صحیفه ۷۱ الی ۷۲
- § ۲۹ سواری فرقه سی صحیفه ۷۲

آیاقده جنک


۳۰ §

- (۱) — آوجیلر ، بذك حیوانلری ، محاربہ کشف قوللری ، آتلو احتیاط صحیفه ۷۲ الی ۷۴
- (۲) — آیاقده جنک اجراسی ایچون مجبوریت و یرن حاللر صحیفه ۷۴ الی ۷۵
- § ۳۱ مختلف نظاملارك استعماللری .
- یوروش ، اجتماع ، مانوره و محاربہ نظاملری صحیفه ۷۵ الی ۷۶

طوبچی تعیمی

§ ۳۳ منفرد طوب

- (۱) — منفرد طوبك اقساميله بنديرلش واينديرلش طوبده نمر و نقراتك صحيفه ۷۸ الى ۸۰ اساس طور شلى



§ ۳۴ بطريه نك ترتيب و تقسيمى .

- (۱) — سفر برحانده برطريه نك ترتيب و تقسيميله آچيق و يناشيق صف حرب صحيفه ۸۱ الى ۸۲ اوزره بولنيشى

بعد تاملى صف حرب نظامى صحيفه ۸۲

يناشيق صف حرب نظامى صحيفه ۸۳ الى ۸۴

- (۲) — آتش خطنده طوبلى اينديرلش برطريه نك طوبارلق و جفانه عربله رينك محللى صحيفه ۸۴

§ ۳۴ يورويشك نوعلى ، چرخلر ، دونشلىر ، يان بىدى ، يناشوب آچيلمسى ، صف حربده اجرا اولنان حركتلر .

(۱) — يورويش نوعلى صحيفه ۸۵

(۲) — چرخلر ، دونشلىر صحيفه ۸۵

(۳) — يان بىدى صحيفه ۸۵

(۴) — صف حربده اجرا اولنان حركتلر صحيفه ۸۵ الى ۸۶


§ ۳۵ بطريه نك قوللرى و بو قوللرك تكرر صف حربده كچملى و حركتلى .

(۱) — بلوك قولى تعبير آخرله نك قول نظامى صحيفه ۸۶ الى ۸۸

(۲) — طاقم قولى نظامى صحيفه ۸۸

(۳) — تكرر صف حرب تشكىلى صحيفه ۸۸ الى ۸۹

(۴) — قوللرك حركتلى ، ايلرى ، كرى ، يارم يان طرفه ، يان طرفه ، استقامت تبديلىرى صحيفه ۸۹



§ ۳۶ برطوبچى طابورينك تعبيه نظاماتيله محل استعماللىرى .

(۱) — طابورك بعد تاملى صف حرب نظامى صحيفه ۹۰

(۲) — قوللر

(۱) — درين قول صحيفه ۹۰

(۲) — كنش قول صحيفه ۹۰

(۳) — طابورده نك قول نظامى صحيفه ۹۰

(۴) — طابورده طاقم قول نظامى صحيفه ۹۱

(۵) — طابورده بلوك قوللرى نظامى صحيفه ۹۱

معاربه

قواعد عمومیه

§ ۳۷

(۲، ۱) — طوبچی آتشك فواندى واجراسندهكى قواعد عمومیه صحیفه ۹۱ الى ۹۲

(۳) — طوبچی به ویرله جك محافظ عسكریله كندی پیاده من اوستندن آتشك اجرایی صحیفه ۹۲ الى ۹۳

§ ۳۸

امر ویرلسی، آتش موضعك انتخاب ایدلسی، ایلری یورلسی، موضعه کیرلسی.

(۱) — برطوبچی قوماندانك قطعه عسكری به قوماندانیله ارتباطی وموضع انتخابی. صحیفه ۹۳ الى ۹۵

(۲) — ایلری یورلسی وآتش موضعنه کیرلسی صحیفه ۹۵ الى ۹۶

§ ۳۹

جیخانه تقصانك اكالی.

(۱) — معاربه ده طوبچی جیخانه سنك اصول اكالی صحیفه ۹۶ الى ۹۸

§ ۴۰

آتشك اداره سی وانداختك نوعلى.

(۱) — آتشك اداره سی صحیفه ۹۸ الى ۹۹

(۲) — آتشك نوعلى صحیفه ۹۹ الى ۱۰۰

(۳) — مرملرك انراعى صحیفه ۱۰۰

§ ۴۱

آتش موضعك تبدیلی.

طوبچينك نه زمان موضعنى تبدیل ایده بیله جکی صحیفه ۱۰۱

§ ۴۲

تعرض وتعیب

(۱) — تعرضه تصادق معاربه ده طوبچينك وظیفه سی صحیفه ۱۰۱ الى ۱۰۲

(۲) — تعرضه مقرر معاربه ده طوبچينك وظیفه سی صحیفه ۱۰۲ الى ۱۰۳

(۳) — تعرض ایچون پیاده نك ایلرولدیکنده وتعییده طوبچينك وظیفه سی صحیفه ۱۰۳

§ ۴۳

مدافعه ورجعت

(۱: ۴) — مدافعه ده ورجعته طوبچينك وظیفه سی صحیفه ۱۰۳ الى ۱۰۵

§ ۴۴

مختلف نظاملرك استعماللى.

(۱) — اجتماع، یوروش، مانوره و معاربه نظاملى صحیفه ۱۰۵

§ ۴۵

صنوف مختلفه عسكریه به دائر صوك مطالعات ونتایج.

(۱) — پیاده به دائر صحیفه ۱۰۶ الى ۱۰۷

(۲) — سواری به دائر صحیفه ۱۰۷ الى ۱۰۸

(۳) — طوبچی به دائر صحیفه ۱۰۸ الى ۱۰۹

(۴) — استحکام وتیور یولر وبالونجی عساکرینه دائر صحیفه ۱۰۹ الى ۱۱۰

❦ لوحه لرده کی اشکالك فهرستیدر . ❦

لنمش پیاده، سواری و طوبچی تعییه سنه عاژد مثالار یکر می بر لوحه دروننده
مرسم اوتوز بر شکل ایله کوسترلمشدر .

❦ طابور ❦

❦ ۱۲ پیاده طابورینک محاربه سی صحیفه نمروسی ۳۶ (شکل ۱) الی ۲۱ . . . لوحه ۱ الی ۴

❦ آلا ی ❦

❦ ۱۸ پیاده الاینک اجتماع نظامی صحیفه نمروسی ۴۸ (شکل ۱۲) الی ۱۳ . . . لوحه ۵

❦ ۱۸ پیاده الاینک محاربه سی صحیفه نمروسی ۴۸ (شکل ۱۴) الی ۱۶ . . . لوحه ۵ الی ۶

❦ لوا ❦

❦ ۱۹ پیاده لواسنک اجتماع نظامی صحیفه نمروسی ۴۸ (شکل ۱۷) الی ۲۰ . . . لوحه ۷ الی ۸

❦ ۱۹ پیاده لواسنک محاربه سی صحیفه نمروسی ۴۸ (شکل ۲۱) الی ۲۵ . . . لوحه ۹ الی ۱۴

❦ سواری فرقه سی ❦

❦ ۲۹ سواری فرقه سنک محاربه سی صحیفه نمروسی ۷۲ (شکل ۲۶) الی ۲۹ . . . لوحه ۱۵ الی ۱۸

❦ طوبچی طابوری ❦

❦ ۳۷ طوبچی طابورینک محاربه سی صحیفه نمروسی ۹۰ (شکل ۳۰) لوحه ۱۹

❦ المانیاده یکی نشر اولتان طوبچی تعلیمنامه سنه کوره طابورک محاربه سی ❦

❦ ۳۷ طوبچی طابورینک محاربه سی صحیفه نمروسی ۹۰ (شکل ۳۱) لوحه ۲۰ الی ۲۱



